



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A

914,171



QC

123

. K27

7



UNITED STATES DEPARTMENT OF THE INTERIOR
BUREAU OF LAND MANAGEMENT
WASHINGTON, D. C.

OFFICE OF THE ASSISTANT ATTORNEY GENERAL

WASHINGTON, D. C.

RECEIVED

1914

1914

RECEIVED

1914


INTRODUCTIO
AD
VERAM PHYSICAM.
SEU

LECTIONES PHYSICAE

Habitz in Scholâ Naturalis Philosophiæ Aca-
demiciæ OXONIENSIS,

Quibus accedunt Christiani Hugenii Theoremata de Vi
Centrifuga, & Motu Circulari demonstrata,

Per J. KEILL è Coll. Ball. A. M. & Reg. Soc. Socium.



OXONIÆ,
E THEATRO SHELDONIANO,
Impenfis Thomæ Bennet, ad Insigne Lunæ Falcatæ in Coe-
meterio S. Pauli LONDINI, An. Dom. MDCCII.

OXFORD COLLEGE
LIBRARY.

SOLD BY ORDER OF THE
PRESIDENT AND GOVERNORS 1938.

Imprimatur,

RO. MANDER

Vice-Chan. Oxon.

Feb. 14 170 $\frac{1}{2}$.

6. comen.
Lodgson
-5-39
8627

Nobilissimo & Honoratissimo

D^{NO}. D^{NO}. THOMÆ

COMITI

PENBROCHIAE

ET

MONTGOMERIAE &c.

Nobilissimi Ordinis Periscelidis Equiti,

SUMMO

CLASSIUM BRITANNICARUM

PRÆFECTO.

© 7-7-39
TIBI, Vir Honoratissime,
Exercitationes hasce de-
stinantem, merito me de-
terrere Dignitatis Tuæ splen-
dor & amplitudo, nisi illis adi-
tum aperire præ se ferret ea,
quam

quam Tu foves & ornas, philosophia. Cum enim gravissimis Reipublicæ negotiis, ingenua literarum studia admiscere soleas, cum ad Te haud ægre fines accedere, qui tantas quidem curas Tuas interpellare minime audet, otio tamen aliquid liberalis oblectamenti offerre magnopere cupit. Hoc enim cum paucis commune habes, ut idem & in literis optime versatus sis, & in Republica, idem tam philosophorum scholis, quam Regum conciliis præesse merearis.

Dum itaque in idoneis consiliis adhibendis quam sapiens sis, Regum sapientissimus; in fœderibus sancendis quam prudens

bus his, *Univerſa* loquitur *Euphrates*, quam interim de literis
gentis tuae laudam, ab *Acade-*
mico me *refuſes*.

Liceat etiam & nobis Tibi
le novissimis Tuis honoribus
gratulari, liceat nobis cum pa-
ria una gaudere, id Tibi de-
erri munus, quod non modo
virum in rebus gerendis fidum
ortemque, sed reconditioroma-
heseos scientia optime instru-
tum desiderat. Hisce studiis
ta animum imbulſi Tuum, ut
n Tuis manibus *Præfectura*
Classium & Oceani Imperium,
hoc est, populi *Anglicani* ſalus
& tutela tuto poſſit deponi.
Dum itaque eo in munere ver-
ſaris, ut ejuſmodi literaturæ ſe-
poſitam

positam olim apud Te supel-
lectilem revifere denuo & in
lucem proferre liceat ; finas
Vir Nobilissime, ut hocce in re
phyfica conatus mathematicis
argumentis potiffimum inni-
xos, ad Te haud importunus
deducam, qui quidem quocun-
que rationis pondere fulciri vi-
deantur, ad judicium Tuum non
appellant fed implorant Patro-
cinium

Illuftriffimæ Meritiffimæque

Dignitatis, Nobilitatis

& Magnitudinis Tuæ

Obfervantiffimus Cultor

Jo. KEILL

PRÆFATIO.

QUAMVIS nunc diuina celebretur philosophia mechanica nomen, & insignes in hoc ævo obtineat sui cultores; in plerisque tamen physcorum scriptis, vix quicquam mechanica præter ipsius nomen inveniri potest. In cuius locum substituunt philosophi corpusculorum, quæ nunquam viderunt, figuras, vias, poros & interstitia, partium intestinum motum, pugnas & conflictus Alkali & Acidi, & quid boni malive exinde oritur ita ad amissum narrant, ut nihil in historia naturali præter fidem desideretur, quoties materia subtilis miracula prædicant, miracula dico, nam illud proculdubio miratili instar est, quod contra passim notas naturæ leges, & stabilita mechanica principia evenit; qualia futura essent omnia naturæ phænomena, si à materia subtili & methodo operandi à physicis tradita producerentur.

Ad ipsam naturam explicandam postulata adhibent quæ nec fieri possunt nec intelligi, & quæ magis implicata sunt, quam illa ipsa phænomena quorum causas investigant. Quod si ipsis sua concedantur postulata, non tamen exinde orientur effectus isti, quorum rationes & origines se enucleasse gloriantur.

Ne vero quisquam hoc gratis & malevole à nobis dictum suspicetur, theoriam illam, quam ad explicandam affectionem corporum terrestrium omnium maxime universalem condiderunt, examini subjiciamus; gravitatem intelligo, quam ex legibus mechanis

P R Æ F A T I O,

nicius per materiae subtilis actionem se deduxisse maxime jactitant.

Cartesiani gravitatem ab actione materiae celestis oriri volunt, quæ in vortice agitata circa terram defertur, & proinde quantum possit à terra recedit, & corpora terrestria minus agitata versus terram propellit. Vel, ut clarius recentiores mentem suam explicant, cum materia aetherea continuas circa terram gyros perficiat, corporum in circulo morientium ritu, conatum à centro motus recedendi habebit, adeoque corpora terrestria minorem vim habentia versus centrum protrudet; ut aqua versus terram gravitans corpora minoris pro mole ponderis demersa sursum seu ad circumferentiam pellit.

Hæc utcunque speciosa prima facie videantur, si ad examen revoces, omnibus fere naturæ legibus adversari invenies. Nam primo Cartesiani postulant materiam aetheream circa terram in circulo deferri; at qua ratione motus iste oriatur, aut quo pacto conservetur æque arduum esset exponere, ac ipsius gravitatis rationem reddere; qui igitur gravitatem exinde artum suum ducere contendunt ignotum per ignotius explicare suscipiunt, præsertim cum non pauca adduci possunt argumenta quibus istiusmodi rotatio penitus evertitur. Verum Cartesianis concedamus illud postulatam, & videamus utrum exinde sequetur quod volunt phenomenon. Cum necesse sit ut vorticis terram circumrotantis velocitas ad terræ superficiem sit æqualis ipsius terrena rotationis velocitati (nam si major esset, aliquod ejus motus in terram impenderetur, quo fieret ut ipsius velocitas semper minueretur & terræ augetetur donec ad æqualitatem pervenirent,) unde ex motis

Terra

P R E F A T I O.

Terræ magnitudine & tempore rotationis, dabitur spatium, quod corpus urgente vi centrifuga materia cælestis percurrere potest, in dato tempore, æquale scil. arcus interea descripti quadrato ad circuli diametrum applicato. Per Lem. 2. ad demonstrationes Theorematum Hugonii de Vi Centrifuga & Motu Circulari. Ex quo principio si calculus ineatur, inveniretur spatium quod tempore unius scrupuli secundi à corpore vi centrifuga ætheris agitati percurrendum non excedere unius pedis dimidium: si igitur mechanice produceret effectum gravitatis, tempore unius scrupuli secundi gravia non ultra dimidium pedis descenderent, at gravia in motu suo deorsum pedes 15 in eo tempore percurrunt, adeoque si hoc modo æther gravitatis causa esset, contra mechanicas leges ageret, efficiendo ut corpus per pedes 15 in scrupulo secundo descendat.

Ut hujus objectionis vim effugiant, supponunt materia æthereæ vertiginem vertigine terræ multo celercorem. Quod licet fieri non possit illud, tamen si denuo iis concedamus, nec inde sequetur mechanica gravitatis actio. Nam cum materia vorticis semper defertur in circulis æquatori parallelis, & virium centrifugarum directiones secundum lineas in planis horum circularum jacentes semper fiant; oportet ut corpora omnia in hisce planis descendant, & perpendiculariter ad axem, non ad ipsam terram tendant. Si igitur materia subtilis mechanice ageret, corpora ad axem recta pelleret, unde cum secundum hos Theoristas ad centrum terræ tendere cogit, effectum à veris mechanica legibus abhorrentem producit.

Ut hanc difficultatem tollant, ulterius supponunt
b 2
materiam

P R Æ F A T I O.

materiam ætheream non in circulis æquatoris parallelis, sed in magnis sphaeræ circulis deferri; at quo pacto hoc concipi possit, plane nescio; cum enim quovis circulus maximus alios omnes infinitos bis secet, oportet ut motus particulae cujusvis ab aliis infinitis secundum diversas vias pergentibus impediatur, atque tandem motus ejus sistatur, si primo in omnes partes æqualis impressa fuerit motus quantitas; vel ut ultimus in circulis parallelis omnis deferatur, si major fuit ab initio motus versus unam partem quam aliam. Sed adhuc quæri potest unde fit ut materia ætherea in superficie sphaeræ extrema moveatur, cum vim centrifugam habet, videtur ipsam debere inde recedere; quid igitur est quod ipsam cohibeat? dicunt alia corpora ambientia materiam in extrema superficie coarctare & ejus recessum impedire. Cum autem oportet ut materia hæc alia corpora ambientia premat, necesse est ut motum ipsis communicet; & hæc corpora aliis ipsa ambientibus motum etiamnam imprimant, atque sic in infinitum propagabitur motus materiae subtilis, unde necesse est ut celeritas ipsius paulatim languescat.

Aliæ quam plurimæ difficultates mechanicas hæc gravitatis explicationes urgent, quarum unam ad omnes istiusmodi ipsius theorias se extendentem libet proponere. Scilicet si corpus deorsum à materia subtili, quovis modo pellatur, vis quæ pellitur necessario erit ut numerus particularum, quibus simul agentibus versus terram truditur; sed numerus particularum est ut corporis superficies; quare erit vis quæ corpus deorsum premitur ut ejusdem superficies & non ut ipsius quantitas materiae, quod experientia contradicit. Nec cæteras plerasque omnes,

P R Æ F A T I O.

omnes, quas de aliis rebus condunt hypotheses, si ad examen reducantur, naturæ legibus minus repugantes inueniemus.

Omnium errorum fons exinde permanasse videtur, quod homines Geometriæ ignari philosophari ausi sunt & rerum naturalium causas reddere. Quid enim aliud præter ballucinationes ab iis expectandum, qui Geometriam totius physicæ fundamentum neglexerunt, & ignotis naturæ viribus per Geometriam tantum æstimandis, ipsius tamen operationes, methodo regulis mechanicis minime congruâ explicare sunt aggressi?

Inter huiusmodi philosophos Cartesius agmen ducit, qui etiam si Geometra fuerit insignis, ignavo tamen & desidi ut placeret philosophantium populo nullum Geometriæ usum in philosophia sua adhibuit; & quamvis profiteatur se omnia mechanice per materiam & motum explicaturum; philosophiam tamen excogitavit, quæ à veris mechanicæ legibus tantum abhorret quantum quæ longissime. Illius sectæ nomina dant, quicumque recte, hoc est, Geometrice philosophandi laborem refugiunt: magna equidem turba per orbem terrarum longe lateque diffusa.

At licet tanta philosophantium pars umbram philosophiæ non ipsam substantiam amplexa sit; non tamen desunt (nec ut spero unquam deerunt) qui in veris naturæ legibus perscrutandis, & rerum causis per principia mechanica exinde investigandis haud inanem posuerunt operam.

Inter antiquos physicos præcipue eminuit Divinus Archimedes, qui præter illa Geometrica sui monumenta, Mechanicæ & Staticæ principia duobus libris De æquiponderantibus & De Humido Infidentibus

P R Æ F A T I O.

fidentibus nobis demonstrata reliquit. Post hunc per longam annorum seriem delituit mechanica philosophia, nec nisi paucis quibusdam accuratioris ingenii viris exculta est. Inter quos Rogerus Bacon Oxoniensis & Hieronymus Cardanus merito nominandi sunt. Tandem sub initio seculi ultimi elapsi, nobilis ille Lynceus philosophus Galileus, clave Geometrica rursus reſeratis naturæ clauſtris, novam condidit de motu scientiam, & methodum monstravit, quæ rerum causæ mechanica sint indaganda. Ejus vestigiis insistentes, insignes viri Torricellius & Paschalius philosophiam novis speculationibus adauxerunt. Postquam vero à duobus potentissimis reſibus Societates Londinensis & Parisiensis ad philosophiam excolendam instituta fuerint; miris inventis ampliata est rerum naturalium scientia, non iis solum quæ in nuda speculatione versantur, sed etiam quamplurimis quæ hominum utilitatibus inserviunt. Arduum esset negotium innumera illa recensere beneficia, quæ ex utriusque Societatis laboribus humano generi provenerunt; nec facile est ostendere, quantum debebit omnis posteritas illustris Hugēnii Geometricis de motu pendulorum demonstrationibus, aut egregiis nobilis Boylei experimentis, quibus admiranda plurima reteggit naturæ arcana. Wallisii Geometriam de motu, Opus in suo genere perfectissimum, grato animo revolvēt serī nepotes. Non ulterius torquebunt philosophos fluviorum & ventorum causæ ab acutissimo Geometra Halleio in Transact. Philosoph. tradita, ante ipsum frustra tentate.

Ad aliorum erga rempublicam philosophicam merita commemoranda pergerem, nisi circa Newtoni præcla-

P R Æ B A T I O.

ra inventa non subsistere nefas ducerem, cuius sagacissimum ingenium plura & abstrusiora patefecit natura mysterio quam sperare mortalibus fas erat; cumque illius inventa intra angustos huius prefatiunculae limites non sunt coarctanda, sufficiat hoc solum indicasse: quod quaecunque Patres nostri ab omni temporum memoria de philosophia mechanica nobis tradiderunt, ea ne ad decimam eorum assurgunt partem, quae proprio Marte, per summam in Geometria peritiam adinvenit NEWTONUS. Quam facile autem principia mechanica ad explicandos motus celestes ipsorumque inequalitates, res longe à nobis distitas, adhibentur, brevi literato orbi patefacient, postquam prodierint Astronomia, Physica & Geometrica Elementa D. Gregorii M. D. Astronomia Professoris Savilianus. Opus cum Sole & Luna duraturum.

Cum vero talis sit philosophia mechanica status, ut nulla alia ratione quam per Geometriam aditus ad ipsam pateat; id à me efflagitabant amici mei ut ipse principia faciliora à primis tantum Geometriae Elementis pendentia, & quae exinde fluunt phaenomena Juventuti Academica exponenda susciperem; quod etiam à me non iniquo jure postulavit Vir Clarissimus & omni literarum genere ornatus Dominus Thomas Millington Eques M. D. Philosophiae Naturalis in hac Academia Professor Seldeianus, & Collegii Medicorum apud Londinenses praeses, cum me ad munus hoc obeundum in scholis publicis suffecit. Illius consilio sequentes in Academia lectiones habui; in quibus id praecipue mihi curae fuit, ut discipulorum conceptus de generalibus corporum affectionibus rite & distincte formarentur;

P R Æ F A T I O.

marentur; ab obscuris enim & falsis de rebus ideis, omnes in re physica errores originem ducunt; idæque corporis extensionem soliditatem & divisibilitatem à plerisque satis obscure traditas, quantum potui, dilucide exposui: deinde motus naturam & proprietates, ab omnibus præterquam quibusdam philosophis satis clare concipiendas, explicui, & leges naturæ exinde deduxi, vim gravitatis seu pondera corporum quantitativè materia in iisdem proportionalia esse, & principium quo per machinas magna pondera elevantur. Ostendi motus deinde leges, & causam accelerationis gravium ab iisdem pendentem, & quæ proportionem crescunt vel decrescunt spatia à gravibus pro variis temporum intervallis percursum monstravi. Hisce succedunt regula congressuum tam in corporibus duris quam elasticis, & modus quo ictus magnitudo æstimanda est: quibus adjunxi motuum compositiones & resolutiones, & alia quædam theoremata, quorum haud exiguus est in philosophia usus: & ut ulterius videant philosophi, quousque se extendat in scientia rerum naturalium Geometria etiam elementaris usus, pulcherrima illa Hugenii theoremata de Vi Centrifuga & Motu Circulari ex Elementis demonstravi.

In tenebris, quibus fortasse dignæ sunt, Lectiones hæc delituerant, nisi me ignavum nimis ad ipsas edendas excitasset Reverendus Dominus Rogerus Mander S. T. P. Collegii Balliolensis Magister, & hujus Academiæ Vice-Cancellarius, vir non minus bonarum artium quam morum disciplinis intentus, cui proinde lector acceptum referre debet, si quid sequentium lectione profecerit.

L E C T I O

LECTIO. I.

De Methodo Philosophandi.

QUandoquidem Muneris Nostri institutum postulat, ut coram vobis, Academici, corporum naturas & affectiones explicandas inscipiamus, necessarium duximus, priusquam rem ipsam aggrediamur, quædam, de Physicorum sectis, principiis, & methodis præfari; eamque rationem exponere, quam amplexuri sumus in scientia corporum naturalium investiganda.

Philosophorum, qui de rebus physicis scripserunt, quatuor præ cæteris genera incluserunt. Primum est eorum, qui rerum naturas per numerorum & figurarum Geometricarum proprietates illustrarunt, dicam? an occuluerunt? quales scilicet fuere Pythagorici & Platonici, quippe qui dogmata sua temere in profanum vulgus effundere non sustinuerunt, ideoque larvis & Hieroglyphicis ex Geometria & Arithmetica petitis Physicam suam velarunt, nec quisquam eorum discipulus, nisi post plures exactos probationis annos, ad veram physicam atque arcanam illorum Philosophiam perdiscendam admissus fuit. Quamvis hoc modo sua Philosophiæ dignitas conservata fuerit; pessime tamen nobis horum Philosophorum posteris consultum est; exinde enim adeo larvata atque tenebris involuta ad nostras pervenere manus eorum dogmata, ut quales fuerint veræ de rebus atque rerum naturis sententiæ, parum constet: quantumvis autem obscuram accepimus hujus sectæ Philosophiam, certius tamen ex ea liquet philosophos illos Geometriam & Arithmeticam

ad solvenda naturæ phænomena necessarias duxisse, atque in hunc finem eas adhibuisse.

Secunda physicorum gens è Scholâ Peripatetica originem duxit; hæc secta per materiam, & formas, privationes, virtutes elementares, qualitates occultas, Sympathias & antipathias, facultates, attractiones & id genus alia physicam suam explicavit. Verum, ut opinor, hujus nominis philosophi non tam rerum causas indagasse visi sunt, quam idonea rebus ipsis imposituisse nomina, atque terminos adinvenisse quibus Actiones naturales rite designare possumus.

Tertium philosophantium genus per experimenta procedit: atque in id solum incumbit, ut corporis cujusque proprietates, & actiones omnes, per sensuum repræsentamina nobis innotescant. hujus sectæ laboribus haud exigua debet philosophia incrementa; plura fortasse exinde receptura, si methodi experimentalis sectatores nullas sibi ipsis finxissent theorias, ad quas confirmandas experimenta sua pessime detorserunt.

Quarta denique Physicorum classis mechanica dici solet, & qui huic sectæ nomina dant, omnia naturæ phænomena, per materiam, & motum, partium figuram atque texturam, particulas subtiles, atque effluviolum actiones, se posse enodare putant, atque horum operationes secundum notas atque stabilitas mechanicæ leges fieri contendunt.

Ex variis hisce philosophandi methodis, uti nulla est in qua omnia placent, ita in omnibus quædam probare possumus; quocirca ut delectus habeatur oportet, ea eligendo quæ usui maxime futura sunt, & rationem ex hisce omnibus compositam sequendo.

Et primo, cum antiquis Pythagoricis & Platoniciis, Geometriam & Arithmeticam, tanquam artes ad rite philosophandum necessarias, in auxilium accerseremus, sine quibus parum admodum certi de causis naturalibus constabit. Cum enim omnis actio physica à motu dependeat, aut saltem non fit absque motu; motus, quantitas,


quantitas, & proportio, corporum motorum magnitudines, figuræ, numerus, collisiones, & vires ad alia corpora movenda, investiganda erunt. Verum hæc omnia, nisi ex nota quantitatis & proportionis natura, determinari non possint: adeoque opus erit iis artibus, quæ harum proprietates demonstrant: & proinde Geometria & Arithmetica necessariæ ad rite philosophandum censendæ sunt.

Secundo cum Peripateticis non verebimur usurpare terminos qualitatis, facultatis, attractionis, & similium; non quod his vocibus veram causam seu rationem physicam, & modum actionis definimus; sed quia actiones hæc possunt intendi & remitti, adeoque cum illa qualitatum proprietate gaudeant, jure possunt earum titulo insigniri, & sub hoc nomine, virium seu intentionis & remissionis rationes expendi possunt. *v.g.* possumus gravitatem qualitatem dicere, qua corpora omnia deorsum feruntur, sive ejus causa à virtute corporis centralis oriatur, sive sit corporibus innata, seu ab actione ætheris vi centrifuga agitati, & altiora petentis procedat; sive demum alio quocunque producatur modo; sic etiam corporum conatus ad se mutuo accedendi attractiones vocabimus, qua voce non determinamus actionis istius causam, sive fiat ab actione corporum vel se mutuo petentium, vel per effluvia emissâ se invicem agitantium, seu ab actione ætheris, aut aeris, aut medii cujuscunque corpora innatantia ad se invicem utcunque impellentis, possumus, inquam, has actiones illis vocibus denotare. Et si veræ illarum causæ nos lateant, quidni etiam qualitates occultæ dici mereantur? eodem sane jure, quo in æquatione Algebraica incognitas quantitates literis *x* vel *y* designamus, & methodo haud multum absimili, harum qualitatum intensiones & remissiones, quæ ex positis quibuscunque conditionibus sequuntur, investigari possunt. Libet hanc rem exemplo illustrare.

Utcunque ignota sit qualitatum natura, utcunque nos

lateat operandi modus, possumus tamen de earum intensione & remissione sequens demonstrare Theorema; scil. quod Qualitas seu virtus omnis, quæ undique à centro per rectas lineas propagatur, remittitur in ratione distantiae duplicata.

Sit A punctum, à quo undique diffunditur qualitas quæcunque, secundum rectas A B, A C, A D, & cæteras innumeras per totum spatium indefinite protensas.



dico intensiorem istius qualitatis decrescere in ratione ejus, qua crescunt distantiae, duplicata; seu quod idem est, intensiorem ejus in distantia æquali ipsi A B esse ad illius intensiorem in distantia æquali rectæ A E, reciproce in duplicata ratione distantiae A E ad distantiam A B. hoc est, ut quadratum ipsius A E ad quadratum ipsius A B. Cum ex hypothesi qualitas per rectas lineas undique in orbem propagatur, erit ejus intensio, in quavis à centro distantia, spissitudini radiorum in ea distantia proportionalis; per radios hic intelligimus vias rectilineas per quas diffunditur qualitas; at radii, qui ad distantiam A B diffunduntur per superficiem sphaericam B C D H, ad distantiam A E per totam superficiem sphaericam E F G H sese dispergunt; sed datorum radiorum spissitudines sunt reciproce ut spatia quæ

quæ ab iis occupantur ; nempe si superficies $EFGK$ sit
 dupla $BCDH$, erunt radii ad superficiem $BCDH$
 duplo confertiores, quàm iidem radii sunt ad superfi-
 ciem $EFGK$, & si superficies $EFGK$ sit tripla su-
 perficie $BCDH$, erunt quoque radii ad superficiem
 $BCDH$ triplo densiores quàm iidem radii sunt ad
 superficiem $EFGK$: & universaliter quancunque
 proportionem habet superficies $EFGK$ ad superficiem
 $BCDH$, eandem habebit reciproce densitas radiorum
 ad superficiem $BCDH$ ad densitatem eorundem ad
 superficiem $EFGK$. ut constat ex *Arch. de sphae-
 ra & cylindro*, superficies sphaericæ sunt in duplicata
 ratione diametrorum vel semidiametrorum ; est igitur
 spissitudo seu densitas radiorum per quos propagatur
 qualitas ad distantiam æqualem distantie AB , ad
 eorundem densitatem in distantia æquali AE , reci-
 proce in duplicata ratione semidiametri seu distantie
 AE ad semidiametrum seu distantiam AB ; sed ut ha-
 ætenus dictum est, intensio qualitatis in quavis data di-
 stantia est semper ut spissitudo radiorum per quos pro-
 pagatur in ea distantia ; quare erit etiam intensio qua-
 litatis ad distantiam æqualem ipsi AB ad ejusdem in-
 tensionem ad distantiam æqualem ipsi AE reciproce
 in duplicata ratione distantie AE ad distantiam AB .

Theorema hoc universaliter demonstravimus quæ-
 cunque sit qualitatis natura, modo secundum rectas li-
 neas agat, atque hinc sequitur luminis, caloris, frigoris,
 odorum, & istiusmodi qualitatum intensiones esse re-
 ciproce ut quadrata distantiarum à puncto unde pro-
 cedant ; Hinc etiam comparari inter se possunt actio-
 nes solis in diversos planetas, sed hæc non sunt præ-
 sentis instituti.

Post notas virium rationes in datis conditionibus seu
 suppositionibus, conferendæ sunt rationes illæ cum na-
 turæ phænomenis, ut innotescat quænam virium con-
 ditiones singulis corporum generibus competunt. Ve-
 rum ut hoc fiat, plurima in subsidium adyocanda sunt

experimenta, qualia scilicet tertiæ sectæ philosophi nobis tradiderunt; haud sine cautela tamen illa adhibenda sunt, quæ non nisi à theoricista aliquo ad suam probandam hypothesim adducuntur; novimus enim hoc hominum genus, quam impense suis faveant theoriis, quam vellent esse veras, quam facile vel alios decipiant, vel seipsos in experimentis perficiendis decipi patiantur; quæ autem ab omnibus afferuntur, quæ quotiescunque tentata, succedunt, ea tanquam indubitata principiorum seu axiomatum loco habebimus, simplicissimis tamen & monstratu facillimis plus est fidendum, quam magis compositis & exploratu difficilioribus.

Denique, Academici, cum antiquis Atomistis, & novæ philosophiæ sectatoribus, experiemur quæ & qualia phænomena per materiam & motum, & notas atque stabilitas Mechanicæ leges explicari possunt.

Ut vero tutius in hoc negotio progrediamur, & quantum possumus erroris periculum evitemus, sequentes regulas nobismet observandas proponimus. Primo, secundum Geometrarum methodum definitiones ad rerum intelligentiam necessariæ ponendæ sunt: nolim tamen ut à me expectetis definitiones Logicas ex genere & differentia constantes, vel eas, quæ intimam rei definitionis essentiam & ultimam causam prodant, has aliis disputandas relinquo; ut ingenue fatear ignorantiam, me latent intimæ rerum naturæ & causæ; quicquid mihi de corporibus eorumque actionibus compertum est, illud vel à sensibus hausi, vel ex aliqua eorum proprietate mihi per sensus nota, deduxi. Sufficiat ergo, si loco istiusmodi definitionis, quam afferunt Logici, descriptionem adhibeamus; quæ scilicet res descripta clare & distincte concipiatur, & ab omni alia discernatur. res igitur per proprietates definiemus, unam aliquam simplicem assumendo, vel etiam plures, quas experientia rebus ipsis competere certissime novimus, atque ex illis alias earundem proprietates methodo geometrica deducemus. Contra hanc regulam peccant plerique

plerique philosophiæ novæ magistri, qui res definiunt non equidem per proprietates rebus ipsis certo competentes, sed per essentias & naturas quas inesse rebus supponunt. Supponunt quidem, at minime interim constat an quales illi definiunt naturas, rebus ipsis revera insunt. E. G. Cartesiani dicunt fluidum esse, cujus partes in continuo motu versantur, verum nec sensu nec experientia nec ratione proditum est talem esse fluidi naturam, imo, quod illi afferunt argumentum ad hypothesein suam stabiliendam, hoc ipsum demonstratione Geometrica evertemus. volunt enim corporis in fluido moventis minorem esse resistantiam, si partes fluidi motu intestino cientur, quam si nullus talis adesset fluidi motus; cujus contrarium. cum de fluidorum resistantiâ agetur, demonstrabimus.

Quanto rectius philosophiæ Mathematicæ scriptores, qui ex notissima fluidi proprietate illius desumunt definitionem, Fluidum dicunt esse corpus cujus partes vi cuicunque illatæ cedunt & cedendo facile moventur inter se? ex qua definitione pulcherrima condunt theorematâ ad usum humanos maxime accommoda, cum interea philosophi Cartesiani nihil certum aut solidum, nedum utile, ex sua protulerunt.

2do. In veritate physica investiganda, utile erit conditiones solum primo positas considerare, & ab omnibus aliis, interea temporis abstrahere. Mens enim humana, finita cum sit, si nimia rerum multitudine implicita distrahatur, parum habilis ad Theorematâ detegenda reddetur. hanc regulam observant scriptores mechanici in spatiis comparandis à duobus mobilibus percursis. corpora enim mota in illo casu tanquam puncta considerant, ab illorum magnitudine, figura, & colore abstrahentes, quæ longitudinem percuriam nullo modo variant.

3tio. Necessè erit à simplicissimis casibus ordiri, atque illis semel stabilitis, exinde ad magis compositos progredi licebit; sic iidem Mechanici corporum motus
in

in vacuo seu medio non resistente fieri supponunt, atque, motus legibus in illo casu indagatis, exinde ad mediū resistantiæ leges investigandas procedunt, & quales mutationes ex eâ corporibus motis oriri oportent, deinde contemplantur. Quo vero minus corporum motibus resistit medium, eo minus recedunt corporum in eo medio motorum leges, à legibus prius inventis. Sic etiam in hydrostatica, supponitur nullam esse fluidi tenacitatem, seu partium coherrentiam, sed eas posse minima qualibet vi à se invicem develli; ex qua suppositione corporum dimerforum pressiones & positiones determinantur. verum fortasse nullum est in natura fluidum cujus partes omni coherensione destituuntur, adeoque variatio seu à legibus prius inventis discrepantia investiganda erit; & si parva admodum sit partium coherrentia, parva erit etiam & vix sensibilis à prædictis legibus discrepantia.

Contra hanc methodi legem peccant plerique theoricæ, qui, primis & simplicioribus Mechanicæ philosophiæ neglectis vel non satis intellectis principiis, ardua & difficillima problemata statim aggrediuntur, & quo pacto mundus aut planeta aut animal fabricari possint, temerario ausu ostendere conantur; quibusdam in Geometria sciolis haud absimiles, qui cum elementa Geometriæ vix primis labiis tetegerunt, quadraturam circuli, anguli trisectionem per rectas lineas & circulares, cubi duplicationem & id genus alia statim adoriuntur. Ita nostri theoricæ, haud bene jactis fundamentis, insanum extruunt ædificium, unde nil mirum erit, si tantæ molis opus statim collabatur, haud sine ingenti fabricantium dedecore. At rite philosophantibus alia tentanda est via, alia progrediendum est methodo, & quamvis nec mundum, nec terram, nec alium quemvis planetam condituri sunt, efficere tamen possunt, ut philosophiæ mechanicæ principia & fundamenta clare stabiliantur, & quæ exinde consequi possint phænomena, explicentur.

LECTIO II.

De corporis soliditate & extensione.

COrporis definitionem non hic afferemus ex ejus intimissima natura seu essentia desumptam, qualem non satis perspectam habemus; nec fortasse ad ejus cognitionem unquam sumus perventuri; verum secundum regulam in priore lectione nobis propositam, per notas quasdam illius proprietates, illud ab omni alio entis genere distinguendo, definiemus: Idque corpus dicimus quod extensum est, solidum & mobile.

Nemo, ut opinor, adeo hebeti est ingenio, quin facile percipiat omnis corporis finiti aliquos esse terminos, quos superficies vocamus, harumque unam aliquam ab opposita distare, quin & hujus rursus superficiei cum infinita non sit, dantur extrema, quæ lineas dicimus, quarum necesse est aliquam esse à se invicem distantiam. Verum & harum linearum erunt aliqui termini, quos puncta nominamus, inter quæ denique aliquod intervallum poni oportet: ex hisce omnibus distantis simul junctis, claram extensionis in trinam dimensionem, ideam percipimus. Etenim distantia inter duas oppositas ejusdem corporis superficies, illius crassities seu profunditas dicitur, distantia inter binas oppositas ejusdem superficiei lineas, latitudo vocatur, & distantia inter utramque lineæ extremitatem corporis longitudo nominari potest, nullum est corpus cui trina hæc dimensio non congruit, & quantulumcunque corpus esse supponamus, necesse tamen erit ut crassitiem latitudinem & longitudinem habeat: quod autem in corpore est, hisce omnibus destitutum, illud non corpus, sed punctum est, nec ipsa magnitudo sed magnitudinis initium aut finis.

Soliditas est ea corporis proprietas, per quam omnibus aliis corporibus undequaque prementibus resistit, & quamdiu aliquem occupat locum, alia corpora omnia, quantacunque cum vi illud urgeant, in eodem intrare prohibet. Sic v.g. si corpus aliquod intra manus teneatur quantumvis magna vi prematur, manus tamen ad mutuos contactus pervenire non patietur.

Hæc est illa proprietas, quam plerique Peripatetici impenetrabilitatem vocant, qua scil. duo corpora non possunt esse simul in eodem loco, vel se mutuo penetrare, ego tamen cum illustri hujus ætatis philosopho, soliditatem malui appellare. Hæc etiam proprietas ita omnibus corporibus essentialis videtur ut nihil aliud in rerum natura, esse cernimus, cui competere possit; etsi enim dantur aliæ magnitudinis species, sola tamen magnitudo corporea soliditatem admittit, reliqua quanta, vel etiam non quanta, seu puncta, possunt sese mutuo penetrare, uniri, & in eodem esse loco: quippe si duo Globi sibi mutuo occurrant, in concursu punctum unius unietur cum puncto alterius, seu congruent vel in eodem erunt spatii puncto, similiter si sint duo cubi æquales, potest eorum unus super alterum imponi, ita ut duæ eorum superficies quadratæ congruant, latera nempe unius quadrati cum alterius quadrati lateribus coincident; & anguli unius cum alterius angulis unientur, quæ proinde quantitates sese penetrabunt & in eodem erunt loco, quod ut ipsis contingat corporibus impossibile est.

Hinc facile perspicitis Academici quam diverso sensu soliditatis vocem usurpamus ab eo qui apud Geometras habetur, qui solida, sese mutuo penetrare posse, supponunt; V G cum demonstrat Euclides (Elemento) undecimo duo solida parallelepipeda super eadem basi, inter eadem parallela plana constituta, esse inter se æqualia; cum autem duo diversa parallelepipeda sic constituta sese penetrare necesse est: liquet Geometras sua solida tanquam penetrabilia supponere, soliditatis igitur

tur vocem, diverso prorsus sensu accipiunt Geometræ, quam philosophi, nec sua solida magnitudini penetrabili opponunt, sed planæ seu superficiebus, angulis planis, & lineis, omne enim illud apud eos solidum est, quod trina dimensione constat.

At alterius generis est illa soliditas ab eâ, quam ut ad corpora solummodo pertinere diximus, ita etiam omnibus corporum generibus inest, sive fluida sint, sive dura, sive firma, & fixa sint, seu facile mobilia & cæui cedentia, seu gravia admodum sint, sive parum habeant ponderis, vel si omnino levia forent, si modo talia darentur corpora. non enim minus prohibet duorum quorumvis corporum contactum gutta aquæ, vel aeris particula inter duo illa corpora immota manens quam durissimum ferrum aut Adamas.

Per hanc denique proprietatem, distinguitur corpus, ab alio extensionis genere, quod penetrabile concipimus, & spatium vocamus, in quo omnia corpora locari & moveri cernimus, illud ipsum ut immobile spectantes.

Cartesiani, qui corpus per ejus naturam (quam in sola extensione consistere volunt) definiunt, nullum agnoscunt spatium, seu extensum, quod non sit corporeum; verum cum nos spatii ideam, à corporis idea distinctam habemus, vel saltem nos habere imaginamur; peccant contra bonæ methodi leges, qui corporis naturam seu essentiam intimam, in aliquo ejus attributo ponunt, quod an illi soli competat, non certe constat.

At dicunt Cartesiani Corporis naturam, in alio nullo, illius attributo consistere posse, cum nec durities, nec colores, nec pondus, nec figuræ, nec sapor, nec quælibet istiusmodi qualitatum sensum afficientium, illius essentiam constituere possunt; omnia quippe hæc attributa possunt à corpore tolli, integra tamen manente corporis natura, sublata tamen extensione, statim tolletur ens corporeum, adeoque in sola extensione corporis naturam sitam esse necesse est.

Hoc est ipsius Cartesii argumentum, philosopho præ-
sus indignum, nihil enim exinde sequitur, nisi quod
sensibiles illæ, quas affert, qualitates non sunt de essen-
tia corporis, extensionem tamen esse attributum cor-
pori necessarium & *essentiale*; at quid inde? potestne
unum universale attributum, duabus diversis rerum
speciebus, convenire? an necesse est ut res omnes, quæ
idem habent attributum, eandem habeant etiam natu-
ram, & essentiam? Si verum hoc sit, nulla erit rerum
distinctio, nulla diversitas. Quamvis igitur spatium
& corpus, unum & idem habent *essentiale* attributum,
utrique commune, sunt tamen res omnino diversæ; &
alia dantur etiam *essentialia* attributa, singulis propria,
per quæ satis distinguuntur.

In primis supra descripta soliditas solis corporibus
propria est, & illis omnibus ita *essentialis*, ut ab iis ne
vel cogitatione divelli possit, quin simul sustuleris
ipsam quam assumpsisti, corporis ideam; adeoque si
in uno aliquo attributo, corporis *essentia*, & intima
natura ponenda sit, multo potiore jure hanc sibi ven-
dicabit soliditas, quam extensio; præsertim cum aliud
videtur esse entis genus à corpore diversum, quod
spatium dicimus, cui etiam congruit extensio; saltem
contrarium non constat.

Præterea, hujus spatii ideam à corporis idea omnino di-
stinctam habemus, utrumque vindicare videtur attributa,
non diversa solum & sibi propria, sed ita contraria ut
impossibile sit, illa tanquam uni & eidem inherencia sub-
jecto concipere. corpus nempe, tanquam solidum seu im-
penetrabile, mobile, & divisibile apprehendimus, cujus
partes disjungi, separari, & ad quamlibet à se invicem
distantiam poni possunt. potest unum corpus alteri cor-
pori moventi obstare, potest ipsius motum sistere, vel
saltem diminueri; potest etiam corpus alteri quiescenti,
vel minori cum vi ad easdem vel contrarias partes mo-
venti, motum suum communicare, atque illud secum
abripere.

E con-

Et contra, spatium concipimus, tanquam illud in quo corpus omne locatur, seu suum habet ubi; quod omnino penetrabile sit, omnia in se recipiens corpora, nec ullius rei refugiens ingressum; quod immobiliter fixum est, nullius actionis, formæ, seu qualitatis capax; cujus partes à se invicem separari nulla vi possunt, sed spatium ipsum immobile manens, mobilium successiones excipit, motuum velocitatem determinat, & rerum distantias metitur: hæc spatii & corporis tam dissimilia & repugnantia attributa eidem subjecto competere impossibile est.


Respondent forte Cartesiani, ideam illam qualem nos dedimus spatii à corpore distincti, imaginariam prorsus esse & chimericam, cui scilicet aliquid simile, in rerum natura, nulla potentia existere potest. Verum contra Cartesianos in promptu est demonstrare, revera dari spatium à corpore distinctum, vel spatium & corpus non esse prorsus idem: sed primo advertendum est nos, realem spatii corporis vacui existentiam, in hoc loco non esse evicturos, illud in alia lectione præstandum erit, sufficiet in præsentia, illius possibilitatem asstruere.

Ponamus ergo vas quodcumque, & aere primo repletur, deinde exhauriatur intra vas contentus aer, vel per divinam potentiam annihiletur, & omne aliud corpus in illius locum ingredi prohibeatur. quæro jam an in tali rerum conditione, spatium futurum sit à corporibus vacuum? corpus omne quod in vase continebatur, destructum est, omnis alterius corporis ingressus prohibetur, & vas suam figuram conservare supponitur, certe necessarium esse videtur, ut vacuum seu spatium corpore non repletum detur: respondent Cartesiani hisce suppositis, vasis latera corrumpuntur, & ad se invicem necessario accessura. At cum secundum ipsos Cartesianos nullum corpus potest se ipsum movere, cumque ex hypothesi, nullum aliud est corpus quod vasis latera ad se invicem pellat, nullus etiam sequetur

eorum ad se invicem accessus. dicent forsan aerem unde quaque diffusum & vasis latera circumcirca prementem, istius motus causam fore. Verum cum pressio aeris sit vis finitæ, talis potest esse vasis firmitas, quæ isti pressioni æquipollere potest, adeoque vas suam conservare figuram. sed demus illis vasis latera corrui-tura, quæro quodnam corpus in illorum locum successe-rum erit? (respondebunt) aer, quodnam corpus lo-cum ab eo aere derelictum possidebit? alius (forasse dicent) aer succellurus erit; at tandem subsistere o-portet, & ad corpus aliquod pervenire necesse est, in-cujus locum nullum aliud corpus ingreditur, absur-dum enim est dari progressum in infinitum, vacuum igitur in illo casu necessario dabitur.

Sed & alia invicta demonstratione ex Geometria pe-tita, spatii corporis vacui possibilem saltem existentiam ostendemus: ad quod præstandum præmittimus duo sequentia effata tanquam axiomata à nemine philoso-phorum in dubio vocanda; Primum est, quod cor-pus nullum, aut nulla materiæ pars, alterius corporis existentia indigeat, ad suam existentiam. V G potest sphaera existere sive aliud quodcunque corpus existat aut non existat; hoc ex natura substantiæ clare sequi-tur. 2do. Potest corpus aliquod, saltem si durum sit, suam conservare figuram si nulla sunt corpora externa, vel nulla agentia quæ ei mutationem inferre conantur; Certe agnoscendum est, Deum posse corpus quodlibet in eodem statu atque situ conservare, & quæcunque ex-trinsecus accidunt, potest nihilominus figura corporis immutata manere.

Cum igitur sphaera una vel etiam plures possunt ex-istere, nullis alijs existentibus corporibus; ponamus omnia alia corpora à Deo anihiliari, præter duas sphæ-ras; vel potius fingamus omnem materiam mundanam in duas sphæras coacervari, quæ exponantur per duos circulos, quorum centra sint A & B, cumque supponi-tur nullum aliud existere corpus, possunt corpora illa
sphaerica



sphærica suam conservare figuram, cum nullum ponitur agens externum quod figuram sphæricam destruat vel mutet, duæ igitur illæ sphære, vel contiguae sunt vel disjunctæ, disjunctæ si fient; ergo erit spatium aliquod intermedium, nullo corpore repletum; adeoque omne spatium non erit corpus. Si vero sphære sese mutuo tangant; illas sphæras in unico puncto sese tangere necesse est, per demonstrata in Elementis, inter alia igitur sphærarum puncta est aliquid medii, hoc est spatium aliquod interjacebit, sumantur enim duo quæcunque extra contactum, puta D. & E, si inter illa puncta nullum interveniat spatium, hoc est nulla distantia, sphære illæ in iisdem punctis sese contingent, quod est impossibile.

Vel ulterius sic ostensivè demonstrare potest spatium ab omni corpore vacuum. Ponamus duas sphæras, in quibus omnis materia mundana cumulari supponitur, esse æquales, in utraque accommodentur rectæ CD CE semidiametro utriusvis sphære æquales, jungatur DE erit hæc recta semidiametro sphære æqualis, ducantur enim AD DE, & quia in triangulis æquilatis ACD BCE anguli ACD BCE sunt utervis duorum rectorum pars tertia, erit angulus DCE duorum rectorum etiam pars tertia, omnes enim anguli ad punctum C constituunt duos rectos; unde cum DC CE æquales sunt, erunt anguli CDE & CED etiam æquales, at simul sumpti conficiunt duorum rectorum
duas

duas partes tertias, quare utervis erit duorum re-
 etorum una pars tertia, æquiangulum igitur erit
 triangulum DCE; adeoque erit DE æqualis semi-
 diametro utriusvis sphaeræ, nec in hoc casu major vel
 minor esse potest. similiter inter alia quæcunque sphæ-
 rarum puncta extra contactum ad C, erit distantia
 quædam ad sphaerarum diametrum determinabilem ha-
 bens rationem, adeoque erit inter eas sphaeras spatium
 certum & determinatum, nullo corpore repletum; ve-
 rum in eo spatio potest admitti corpus cujus dimen-
 siones dictis congruunt distantis, quod vero majores
 habet dimensiones nulla potentia potest in prædicto
 spatio locari, unde cum proprietates tales prædicto
 spatio demonstrative congruant, & nemine cogitante
 potest tale spatium revera existere, clare sequitur contra
 Cartesianos, ideam quam de spatio habemus non esse
 Chimericam aut imaginariam, quod enim Chimericum
 est, nullam habere potest extra intellectum existen-
 tiam.

Statuendum igitur est revera esse spatium ab omni
 corpore distinctum. Quod sit vas universale intra
 quod omnia corpora continentur & moventur. At qua-
 lis sit hujus spatii natura, num sit quid positivum, actu
 per se extensum, & reali dimensione præditum, sive
 ejus extensio oritur ex relatione corporum in eo existen-
 tium, adeo ut sit mera capacitas, ponibilitas, seu inter-
 ponibilitas, ut nonnullis loqui placet, & in eadem en-
 tium classe ponendum, quo mobilitas & contiguitas,
 sive spatium nostrum sit ipsa divina immensitas, quæ
 est per omnia & in omnibus, sive sit creatum aut in-
 creatum, finitum vel infinitum, à Deo dependens, vel
 independens, hic non disquiremus; hæc omnia meta-
 phyfis disputanda relinquimus. nostro negotio suffi-
 ciet quasdam illius proprietates exposuisse, & ejus di-
 stinctionem seu naturam à corporis natura diversam
 adstruxisse & demonstrasse; qui plura velit philosophos
 consulat.

LECTIO. III.

De Magnitudinum Divisibilitate.

QUamvis, Academici, spatium à corpore realiter distinctum esse, plurimis demonstrari potest argumentis, & hætenus quædam attulimus quæ insolubilia esse videntur; in eo tamen conveniunt ambo, quod extensio universale sit attributum ad utrumque necessario & essentialiter pertinens. Priusquam igitur ulterius progrediamur, non abs re alienum erit, generalem quandam extensionis affectionem, illius nempe divisibilitatem exponere.

Hæc extensionis proprietas omni magnitudinis speciei, tam lineis quam superficiebus, tam spatio quam corpori competit, & necessario inest. Per divisibilitatem autem non hic loci intelligimus actualem partium à se invicem separationem, quæ motum supponit qualem quidem spatii natura non admittit, nec talem separationem demonstrationes ex Geometria accersitæ probant, verum nostra, quam hic evincere conabimur, divisibilitas est solum magnitudinis cujusvis in suas partes resolutio, seu earum distinctio, & assignabilitas. V G cum docet Euclides, in propositione nona Elementi primi, angulum quemvis rectilineum bifariam secare, non in ea methodum ostendit, qua una anguli pars media ab altera divulsa recedat, & ad datam ab ea distantiam ponatur: sed methodum tantum tradit qua linea ducatur ita angulum in duos alios angulos dividens, ut qui ab una istius lineæ parte jacet angulus, æqualis sit ei qui ad alteram partem existit. sic etiam cum, in propositione sequenti, docet rectam quamvis bifecare, docet tantum assignare punctum medium datam rectam in duas partes æquales dirimens, quod sit

C

utriusque

utriusque partis communis terminus, vel illud, ubi desinit una partium æqualium, & incipit altera. Hæc magnitudinis in partes resolutio ita ei intima & essentialis est, ut illud quod partes non habet, scil. punctum, non magnitudo sed magnitudinis initium dicitur vel finis, nec magnitudo quævis ex punctis potest constari licet numero infinitis; omnis vero magnitudo non ex punctis sed partibus, aliis nempe ejusdem generis magnitudinibus componitur, quarum unaquæque ex aliis etiam conflatur partibus, & rursus quælibet harum partium alias adhuc in se continet partes, & sic in infinitum; nec unquam ad magnitudinem tam parvam pervenire possumus, quin adhuc in plures dividi potest partes, nec ullum datur in quacunque magnitudinis specie minimum, sed quicquid dividitur, dividitur in partes adhuc etiam divisibiles. Hæc semper ulterior materiæ in partes resolutio illius divisibilitas in infinitum à philosophis nuncupatur; & recte sane, cum nulla assignari potest quantitas materiæ adeo minuta, & numerus finitus adeo magnus, quin numerus partium eam quantitatem componentium, in quas scil. resolvi potest illa quantitas, major erit numero illo utcunque magno; nam *illud infinitum vocamus quod omni finito majus est.*

Quoniam autem Infinita hæc materiæ divisibilitas rationibus ex Geometria petitis demonstranda erit, & cum hodie extat quædam philosophorum gens Geometriam ex physica exulare cupiens, eo quod ipsi hujus divinæ scientiæ imperiti, volunt tamen esse aliquid, & inter doctissimos haberi, adeoque nullum non movent lapidem, quo harum demonstrationum vim irritò utcunque convellant conatu. Necesse erit, priusquam argumenta nostra Geometrica proferamus, eorum vim stabilire & objectionibus quibusdam respondere.

Cum vero, inter hujus generis philosophos, eminet vir Clar. *Joannes Baptista Du Hamel* philosophiæ *Burgundicæ* scriptor, libet illius sententiam super hæc

re proferre. Dicit igitur hypotheses Geometricas nec veras esse nec possibiles, cum scil. nec puncta, nec lineæ, nec superficies, prout à Geometris concipiuntur, vere in rerum natura existant; adeoque demonstrationes, quæ ex his afferuntur, ad res actu existentes applicari non posse, cum scil. nihil eorum vere existit nisi in ideis nostris: jubet igitur Geometras sibi suas servare demonstrationes, nec eas ad physicam transferre, quæ non lucem sed majores huic scientiæ offundant tenebras. Miror ego hujus viri alias doctissimi in hacce re imperitiam, potuit sane eodem jure suppositiones etiam quascunque physicas sustulisse, cum hypotheses Geometricæ æquè certæ & æquè possibiles sunt & reales, ac illæ sunt, quas physicas dicit: imo si existit corpus, necessario etiam existent vera puncta, veræ lineæ & veræ superficies, prout à Geometris concipiuntur; quod facile ostendemus. Nam si datur corpus, illud cum infinitum non sit, suos habebit terminos, corporis vero termini sunt superficies, & termini illi nullam habent profunditatem; si enim haberent, eo ipso quod profunditatem haberent, corpora essent, haberentque illa corpora alios rursus terminos, qui superficies essent, deoque esset superficiiei superficies. vel igitur superficies illa omni destituta est profunditate, vel etiam profunditatem habebit, si prius, habemus quod petimus, sin posterius, ad aliam rursus pervenimus superficiem; atque sic progredieretur in infinitum quod est absurdum: quare dicendum est terminos illos omni profunditate carere, ac proinde veræ erunt superficies, & prout à Geometris concipiuntur absque profunditate, seu quæ longitudinem & latitudinem tantum habent, ad suam essentiam constituendam.

Rursus, cum superficies illa infinita non est, suis etiam claudetur terminis, termini vero illi lineæ dicuntur, quæ revera nullam habent latitudinem, aliàs enim superficies essent & suos etiam haberent terminos, quos saltem concipere oportet omni latitu-

dine destitutos; non enim (ut prius dictum est) dari potest progressus in infinitum, unde sequitur dari lineas, quæ sunt tantum longæ absque omni latitudine. eodem prorsus modo, & lineis sui etiam competunt termini qui puncta vocantur, quibus nec longitudo, nec latitudo, nec profunditas convenit. Quare si corpus existere supponatur, necessario tam superficies, quam lineæ & puncta Geometrica non tantum ut possibilia, sed etiam ut verè existentia ponentur.

Sed respondebunt puncta illa, lineas & superficies non esse materialia. Quid inde? quis unquam dixit punctum mathematicum materiam esse? quis superficiem materiale agnoscit? si materialis esset, suam haberet etiam superficiem sive terminum, superficiem autem superficiem quis unquam imaginatus est? verum etiam si nec superficies, nec lineæ, nec puncta sunt ipsa materia, in ea tamen existunt vel existere possunt, tanquam illius modi, termini seu accidentia; eodem prorsus modo, quo figura non est ipsum corpus, sed ejus tantum affectio, qua corpus sub datis terminis comprehenditur, habetque hæc proprietates reales à corporis proprietatibus omnino distinctas.


Sed rursus objiciunt nostri *ἀντιστοιχοὶ* philosophi, nullam esse in rerum natura superficiem, perfecte planam, nullum corpus perfecte sphericum quale sibi fingunt Geometræ, nec curvam ullam perfecte circularem. at quo pacto hoc illis innotuit? an omnia viderunt quotquot sunt in mundo corpora? & per microscopia ea contemplati sunt? dicent fortasse, corporum superficies planas vel sphericas esse non posse, quia in harum figurarum naturis est contradictio quædam & impossibilitas; at, ut contradictionem ostendant velim; corpus omne aliqua saltem figura terminari necesse est, superficies planæ vel sphericæ sunt omnium conceptu facillimæ & simplicissimæ, qualis igitur est in illis repugnantia ut impossibile sit corpus sub istiusmodi superficiebus comprehendi? credo neminem esse, qui

qui Geometriam vel primis labiis tetigerit, quin harum figurarum naturam & proprietates magis perspectas habet, & plures earum affectiones novit, quam omnes istiusmodi philosophi intelligunt, vel fortasse unquam sunt intellecturi; at horum nemo talem deprehendit in hisce figuris repugnantiam; nullus Geometra istiusmodi contradictiones in figurarum naturis unquam suspicatus est; è contra, harum possibilitatem evincunt tot pulchræ earum proprietates à Geometris detectæ atque demonstratæ, nam rei impossibilis nulla est vera proprietas, nulla demonstratio. restat igitur, ut has figuras tanquam possibiles agnoscant; & si possibiles sunt, potest Deus materiam in corpora istiusmodi superficies habentia formare; ponamus igitur duo corpora sphericæ, quorum unum planis, alterum sphericâ terminatur superficie, si igitur corpus sphericum super plano constituitur, illud vere continget: at continget in unico tantum & indivisibili puncto, seu in puncto quod partes non habet, per Cor. prop. 2. El. 3ⁱⁱⁱ. & proinde erit in illo casu verum punctum. Sed ulterius, ponamus corpus sphericum super plana superficie movere, seu progredi absque omni circa axem aliquem rotatione, ita scil. ut punctum spheræ planum contingens semper in eodem plano inveniatur, eritque via, quam punctum illud motu suo describit, linea vere mathematica absque omni latitudine, & si quidem sit via brevissima inter duo quælibet puncta in illo plano, orietur ex motu illo linea recta, sin alias, curva vel ex pluribus rectis composita, vel partim ex his partim ex illis conflata: puncta igitur, lineæ, & superficies, prout à Geometris concipiuntur vel finguntur, sunt possibilia, quod ostendi oportebat: aliis etiam innumeris modis potest eorum possibilitas demonstrari, verum piget hisce ineptiis diutius immorari. hoc tantum libet admonere, quod inter duo quælibet duorum corporum puncta erit distantia data & determinata; v. g. inter solis & stellæ fixæ centra, est determinata

distantia, quæ per rectam lineam mensuratur duò illa puncta interjacentem ; quæ erit omnium linearum quæ a puncto uno ad alterum duci possunt, brevissima, & minimo tempore data velocitate peragrandæ ; hæc inquam distantia eadem manet, qualiscunque futura sit corporis intermediæ figura, sive planis claudatur, sive sphaeris contineatur superficiebus, sive demum absit omne corpus medium & nihil intersit præter spatium ; eadem manebit linea magnitudine & positione, quamdiu corporum centra immota manent.

Stabilitis jam principiis ad propositum redeo, ut scilicet demonstretur extensionem omnem, tam corpoream, quam incorpoream, in infinitum esse divisibilem, seu partes habere numero infinitas, quod pluribus invictis rationibus probari conabimur. Prima sit hæc, exponatur linea quævis A B ; dico illam divisibilem esse in partes numero omni finito numero dato majores.


Ducatur per A recta quævis A C, & huic per punctum



B parallela ducatur B D & in A C, capiatur punctum quodvis C ; si igitur recta A B non est divisibilis in infinitum partium numerum, divisibilis tantum erit in numerum partium finitum ; sit ille numerus qualiscunque *v. g.* sex : in linea B D ad partes puncto C oppositas capiantur quotcunque puncta plura quam sex *v. g.* puncta E, F, G, H, I, K, L & ducantur per postulatum primum C E, C F, C G, C H, C I, C K, C L, hæc ductæ dividunt rectam A B in tot partes quot sunt rectæ ; si enim non dividunt, ergo plures rectæ in uno aliquo puncto

puncto rectam AB interfecabunt ; sed omnes se interfecant in communi puncto C , quare duæ aliquæ rectæ sese bis secabunt, & proinde vel spatium comprehendunt, vel habebunt idem segmentum commune; quorum utrumque est contra axiomata in Elementis posita. dividitur igitur AB in tot partes diversas, quot sunt rectæ, sed tot sunt rectæ, quot puncta in recta BD sumpta fuere, quare cum sumpta fuere plura puncta quam sex, erit linea AB in plures partes quam sex divisibilis. Eodem modo, quantumvis magnus ponatur numerus, ostendi potest lineam AB esse divisibilem in partes numero majores illo numero : majorem scil. assumendo in recta BD punctorum numerum ; quod facile fieri potest, cum nullus sit numerus finitus ita magnus, quin major sumi potest, idque in data quavis ratione majoris inæqualitatis, atque ducendo rectas à puncto C ad puncta in recta BD assumpta ; hæc quippe rectæ rectam AB dividunt in tot partes, quot sunt rectæ, adeoque in plures partes, quam numerus primo positus (utcunque magnus sit) constat unitatibus; erit itaque recta AB divisibilis in plures partes quam per ullum numerum finitum exprimi potest, adeoque erit divisibilis in infinitum $Q. E. D.$


Argumentum secundum. exponatur recta quæcunque AB , dico illam divisibilem esse in infinitas numero



partes ; si enim non est divisibilis in partes numero infinitas, divisibilis erit in partes numero finitas, sit ille numerus quivis v.g. quinaris; ducatur recta quævis AK angulum utcunque cum AB continens, in eaque, quan-

tum opus est producta, capiantur quot volueris puncta plura quam quinque, sint *v.g.* C, D, E, F, G, H, K; jungatur KB, perque puncta C, D, E, F, G, H ducantur rectæ ipsi KB parallelæ, dividant hæc necessario rectam AB in tot partes quot sunt rectæ; si enim non dividant, ergo plures rectæ in uno puncto concurrent, at non concurrent, cum parallelæ ponuntur, quare unaquæque recta in diverso puncto rectam AB interfecabit, & omnes in tot partes rectam AB dividant quot sunt rectæ parallelæ ductæ, at ductæ sunt plures quam quinque, ergo divisa erit recta AB in plures partes quam quinque; idem de alio quovis numero dicendum erit, quare nullus est numerus tam magnus, quin numerus partium in quas recta AB est divisibilis, erit illo numero major, adeoque recta AB est divisibilis in infinitum.


3^{io}. Si quantitas non est divisibilis in infinitum, divisibilis erit in partes ulterius non divisibiles, at nulla est pars quæ ulterius dividi non potest: quia nulla datur quantitas tam parva, quin adhuc minor accipi potest, idque in data ratione minoris inæqualitatis sit enim recta AB, & ejus pars quantumvis parva sit AC, dico ipsâ AC minorem lineam accipi posse, in ratione



quacunque minoris inæqualitatis, *v.g.* ut unum ad tria. ducatur à puncto A recta quævis AD, inque ea accipiantur rectæ AE, EF, FG æquales, jungatur GC & per

per E agatur EH ipsi GC parallela, erit recta AH ipsius AC pars tertia : demonstratio constat ex *nona propositione Elementi 6^{ti}*. adeoque recta AC non erit minima quæ accipi potest. idem de alia quavis recta demonstrari potest, ac proinde nulla est in natura quantitas minima.

Præterea, si quantitas ex indivisibilibus componeretur, multa exinde sequerentur absurda, sint enim *v. g.* duo circuli ABCD EFGH concentrici, dividaturque circumferentia major in partes suas indivisibiles, & ducantur à centro Q ad singulas hæc partes rectæ, quæ



circumferentiam utramque in æquales numero partes dividunt, & circumferentia major ABCD in partes suas minimas divisa erit, quare & circumferentia minor EFG tot partibus minimis seu indivisibilibus constabit, quot constat ABC circumferentia, adeoque cum indivisibile indivisibili æquale sit, erit circumferentia EFGH æqualis circumferentiæ ABCD ; minor majori, quod fieri non potest.

Ultimo, ex hac quantitatibus ex indivisibilibus compositione sequitur nullas dari magnitudines incommensurabiles, contra quod à Geometris passim demonstratur. Nam si magnitudo omnis ex indivisibilibus con-

staret, indivisibile illud esset omnium magnitudinum ejusdem generis adæquata & communis mensura, in omnibus enim aliquoties exacte continebatur, adeoque omnes magnitudines communem mensuram habebunt, & latus quadrati illius diagonio esset commensurable. contra ultimam propositionem Elementi decimi.

Innumeræ aliæ possunt adduci demonstrationes, quibus continui infinita divisibilitas ostendatur, & indivisibilium hypothesis funditus evertatur. Sed quid opus est pluribus? cum hætenus allata argumenta non minorem habent vim ad assensum cogendum; quam demonstratio quævis in Elementis Euclidis; imo impossibile est ut ea convellatur, quin simul Divinæ Geometriæ fundamenta corruant; quæ tamen nulla unquam ætas, nulla philosophorum heresis labefactare potuit.

Ut igitur argumentorum ictus divitent philosophi, distinguunt inter corpus mathematicum & corpus physicum; Corpus scil. mathematicum divisibile esse in infinitum, demonstrationum vi coacti lubenter agnoscunt; at corpus physicum in partes ulterius divisibiles semper resolveri posse negant; sed quid quæso est corpus mathematicum nisi quiddam in trinam dimensionem extensum? nonne corpori mathematico competit divisibilitas eo quod extensum est? at eodem etiam modo extenditur corpus physicum; quare cum divisibilitas ab ipsius extensionis natura & essentia dependit, & inde ortum suum trahit, illam omnibus extensis tam physicis quam Mathematicis convenire necesse erit. ut enim Logicorum phrasi utar, quicquid prædicatur de genere, prædicatur de omnibus speciebus sub eo genere contentis.

Est alia apud philosophos haud dissimilis distinctio, qua corpus quodvis mathematicè divisibile esse in infinitum concedunt, divisibile autem esse physice negant. si ullus sit horum verborum sensus, hic erit. Corpus esse mathematicè; hoc est, realiter & demonstrative divisibile

visibile in infinitum concedunt, physice autem seu secundum falsam suam hypothesin negant; atque sic habebunt distinctionem, contra quam nihil urgeri potest. Quoniam philosophi, contra quos disputamus, demonstrationibus Geometricis non satis assueti sunt, & proinde earum evidentiam non facile perspiciant, priusquam huic lectioni finem imponimus, libet unum argumentum physicum ex motu petitum, pro infinita continui divisibilitate proferre; scil. si continuum ex indivisibilibus constaret, sequeretur omnes motus æquivaloces fore, nec minus in eodem tempore conficeret spatium segnissima testudo, quam ~~moderatus~~ Achilles. ponamus enim Achillem velocissime cursurum & testudinem segnissime repturam; si continuum ex indivisibilibus constaret, non potest testudo in aliquo dato tempore minus conficere spatium quam Achilles; nam si Achilles in uno temporis instanti, indivisibile pertransit spatium, non potest testudo minus spatium in eodem temporis momento transire, quia ex hypothesi non datur minus. Indivisibile enim alio indivisibili minus non erit, ergo pertransibit æquale; idem de alio quovis temporis momento dicendum est: ergo semper ab utroque percurrentur spatia æqualia; & proinde Achilles velocissimus non plus conficiet spatii quam testudo lentissima. quod est absurdum. Alia ejusdem generis absurda ex eadem indivisibilium hypothesi deduci possunt, verum quæ dicta sunt sufficiant.

LECTIO IV.

In qua respondetur objectionibus contra materię divisibilitatem afferri solitis.

HÆtenus, Academici, argumenta exposuimus, quibus continuam materię in infinitas numero partes divisionem clare satis demonstravimus; restat ut objectionibus seu philosophorum argutiis respondeamus. Sunt enim philosophi haud pauci, qui nescio qua idearum obscuritate laborantes, & demonstrationum, quas attulimus, evidentiam non satis perspicientes, contra rem tam manifeste veram argumenta sua proferre non audeant tantum, verum & illis placet specioso demonstrationum titulo ea insignire. at ego, qui plures illorum evolvi libros, nunquam incidi in quicquam ab iis de hacce re scriptum, quod rationis quidem speciem haberet; adeo equidem sunt demonstrationibus destituti, ut ne minimam demonstrationis umbram in iis quisquam Geometra, etsi Linceis donatus fuerit oculis, perspiciet. Fateor tamen esse aliquid in natura infiniti, quod humano intellectui haud adæquate comprehensibile esse videtur; adeoque non mirum erit, si ex ea quædam sequuntur, quæ hominum mentes densa caligine involutæ concipere non possunt: & speciatim in hac, quam nunc prosequimur, questione multa sunt, quæ quibusdam philosophis hisce rebus minus assuetis paradoxa & incredibilia videntur: nihil tamen exinde sequitur quod vel contradictionem implicat, vel cuius axiomati aut demonstrationi repugnat. Sed videamus, quas afferunt philosophi Atomistæ, argutias. Prima, est ea Epicuri; si continuum divisibile


divisibile esset in infinitum contineret infinitas numero partes, adeoque finitum contineret infinitum, quod est absurdum. At rogo ut terminos suos explicent, & dicant quid per has voces intelligunt, *infinitum non posse contineri in finito*; si dicant infinitam magnitudinem non posse in magnitudine finita contineri, hoc lubenter concedam; at hujus contrarium non sequitur ex ea, quam proposuimus, doctrina; nec illud exinde unquam necessariâ consequentiâ deducere possunt. Si dicent partes numero infinitas, etsi infinite exiguas, non posse finita magnitudine contineri, hoc illud ipsum est quod iis probandum incumbit, non, ut opinor, dicent ipsis absque ratione credendum esse; nec illud tanquam propositionem per se claram inter axiomata reponent, cujus contrarium tot validis rationibus demonstrari potest. urgeant itaque partes numero infinitas infinitam magnitudinem componere; sed hoc rursus est principium petere; illud enim ipsum est de quo disputamus, utrum scil. finita magnitudo potest habere partes numero infinitas? certum enim est, quotcumque partes habet sive finitas, sive infinitas, eas suo toti æquari; sicut enim decem partes decimæ unitatis efficiunt unitatem, centum centessimæ unitatis partes simul sumptæ etiam unitatem component, & mille partium millesimarum in unum collectarum summa toto non major erit, ita etiam partes infinitæ infinitesimæ alicujus magnitudinis ipsam magnitudinem adæquant. Vel sic; sit linea A B divisa in partes

$$\begin{array}{c} A \qquad \qquad \qquad B \\ \hline C \qquad \qquad C : AB :: I : N \end{array}$$

centum; erunt omnes hæ simul sumptæ ipsi A B æquales: & eodem modo, si recta A B dividi intelligatur in mille partes, harum partium mille simul sumptæ magnitudinem nec majorem nec minorem ipsa A B component. Vel etiam, si divideretur recta A B in millio-


nec partes, hæc rursus simul sumptæ toti AB erunt
 æquales & Universaliter, si sint duæ magnitudines
 AB & C , habeatque C eandem rationem ad AB quam
 habet unitas ad numerum quemvis N , erit quantitas
 C per numerum N multiplicata ipsi AB æqualis. cum
 enim quantitates C , AB , unitas & numerus N sint
 proportionales, erunt extremæ in se invicem ductæ me-
 dius in se invicem ductis æquales; at cum AB per uni-
 tatem multiplicata ipsi AB est æqualis (unitas enim
 nec multiplicat nec dividit) erit quantitas C per
 N numerum multiplicata ipsi AB æqualis: quan-
 tumvis igitur magnus sive parvus sit numerus N ,
 hic multiplicans quantitatem C faciet semper produ-
 ctum ipsi AB æqualem, modo C talis sit quantitas ut
 ad AB eandem habeat proportionem quam habet uni-
 tas ad dictum numerum N . Adeoque si N sit numerus
 infinitus, & C pars rectæ AB , infinitesima, hoc est,
 eandem habeat quantitas C rationem ad AB quam ha-
 bet unitas ad numerum infinitum N , est etiam quan-
 titas C per numerum infinitum N multiplicata, hoc
 est, infinities sumpta quantitati AB æqualis, nec ea
 major, sicut nec minor esse potest. si igitur partium
 magnitudo eadem ratione diminuatur, qua earum nu-
 merus augetur, totum ex hisce omnibus partibus con-
 flatum idem manebit; nec æstimanda est quantitas ali-
 qua ex partium numero, sed ex earum numero & ma-
 gnitudine conjunctim; adeoque si partes infinite par-
 væ sint, necesse erit ut earum multitudo sit infinite
 magna, priusquam quantitatem quamvis dabilem exsu-
 perare possunt. Sed præterea, plura possumus proferre
 exempla tam ex Arithmetica, quam ex Geometria, ubi,
 ipsis fatentibus adversariis, partium numerus erit infi-
 nitus, at ipsa magnitudo ex partibus istis infinitis
 composita finita erit. Sit primum exemplum series in-
 finita numerorum in ratione quavis decrescentium: quæ
 finito adæquatur numero v. g. $\frac{1}{2}$ $\frac{1}{4}$ $\frac{1}{8}$ $\frac{1}{16}$ $\frac{1}{32}$ &c, hujus se-
 riæ in infinitum continuatæ summa erit unitati
 æqualis;

æqualis ; at cum in infinitum extenditur series, erunt
ejus termini numero infiniti ; quare in hoc casu par-
tes quantitatis numero infinitæ finitam efficiunt quan-
tatem : similiter & hujus series summa $\frac{1}{2} + \frac{1}{4} + \frac{1}{8} + \frac{1}{16} + \dots$
cum in infinitum continuatur æqualis erit parti uni-
tatis seu unitatis dimidio, ut in Arithmetica de-
monstratur, at nemo negabit seriem hanc in infinitum
continuata infinitas partes habere ; quare possunt
dari partes quantitatis numero infinitæ, quæ tamen uni-
tatis partem dimidiam non exsuperant. Similiter in
Geometria, notum est spatium posse dari infinite lon-
gum, quod tamen spatio finito perfecte adæquatur, hoc
enim infinitis fere exemplis demonstraverunt Clarissimi
Geometræ *Toricellius*, *Wallisius*, *Barovius* & alii, ex
quibus libet exempla quædam proferre. Et primo sit
Curva ABCD talis naturæ ut si sumptæ fuerint in A
asymptoto E H rectæ E F, F G, G H æquales, seu posi-



tis rectis E F, E G, E H in proportionem Arithmetica,
& ad puncta E F G H ordinatum applicantur rectæ
A E, B F, C G, D H : sint ordinatæ hæ in proportionem
Geometricam, curva ABCD dicitur curva Logarith-
mica, & spatium interminabile inter Asymptotam &
curvam

curvam infinite productas contentum, æquale erit spatium finito, ut à Clarissimo *Baronio* in *Lectionibus Geometricis* demonstratur; ex qua potest colligi supra nominata proprietas numerorum in proportionem quavis Geometrica decrescentium. Sed ut hoc ad propositum nostrum applicemus; nemo non agnoscat in spatio interminabili $HGF E$ $ABCD$, quod infinite longum est, esse partes numero infinitas; at omnes illas spatii partes esse spatio finito æquales demonstrant Geometrix; quare sunt aliquæ partes spatii numero infinitæ quæ non spatium infinitum sed finitum conficere possunt. Eodem modo, in hyperbolis omnibus, Apollonianâ exceptâ, erit area inter curvam & asymptoton infinite protensas perfecte quadrabilis, & areæ finitæ æqualis; sed in areis hisce omnibus sunt partes numero infinitæ, quare erunt partes numero infinitæ æquales quantitati finitæ. Præterea, in Hyperbola Apolloniana CAB , etsi area interminabilis inter curvam AB &



Asymptoton EF in infinitum protensas contenta, sit area infinita seu qualibet finitâ major; si tamen area illa infinita circa asymptoton suam revolvatur, generabitur solidum seu corpus vere infinite longum, quod tamen æquale

æquale erit solido seu corpori finito ; ut elegantissime à *Torricellio* demonstratum fuit, qui solidum hoc Hyperbolicum acutum nominavit ; at in hoc solido sunt partes numero infinitæ, cum scil. infinitè longum est, ergo partes corporis numero infinitæ finitum component corpus. Alia innumera proferre possumus hujus rei exempla, sed diutius fortasse, quam par est, in hac objectionem refellenda hæsimus.

2do. Obijciunt Atomistæ ; si quantitas omnis est divisibilis in infinitum, magnitudo quævis minima æquabitur maximæ, cum scil. tot partes habet minima quot maxima. qualis, quæso, est hæc consequentia ? an quia ulna Anglicana dividi potest in centum partes, & pes Anglicanus etiam dividi potest in centum partes, ideo sequitur pedem ulnæ æquari ? at ovum ovo non similis invenietur, quam est hæc argumentatio illorum objectioni ; quæ falsissimæ innititur hypothese, qua magnitudines volunt solum per partium numerum, non item per earum quantitates esse mensurandas.

Uterius obijciunt ; si pes dividatur in infinitas partes æquales, & ulna etiam ita dividatur, ut pars unaquæque ulnæ sit æqualis parti cuivis pedis, erit numerus partium in ulna triplus numeri partium in pede ; unde cum numerus partium in pede sit infinitus, erit numerus partium in ulna istius numeri infiniti triplus, & inde daretur infinitum infinito triplo majus. At unde notum est illis hoc esse absurdum ? an contradicit axiomatici alicui vulgo recepto ? nequaquam mehercule ; nullum enim est axioma quod omnia infinita æqualia ponit. Nec infiniti naturæ repugnat ut ab alio infinito superetur ; nam si detur infinitum, infinita v. g. linea, erunt in ea infinita milliaria, plura stadia & multo plures pedes ; sic in spatio, quod undique extensum imaginamur, si duæ lineæ parallelæ in infinitum producantur, erit area ab hisce rectis comprehensa revera area infinita, eo quod omnem aream finitam seu undique clausam superat ; erunt igitur in eâ in-


finita jugera, plures perticæ quadratæ, & multo plures pedes quadrati; rursus, si intra has lineas ducatur recta utrivis earum parallela, dividet hæc linea priorem aream in duas areas etiam infinitas; quæ igitur simul sumptæ priori infinito adæquantur. non igitur naturæ infiniti repugnat, illud posse ab alio infinito excedi, per aliud multiplicari, & in alia etiamnum infinita dividi; hæc, inquam, nullo modo repugnant, sed ex ipsius rei natura facillime sequuntur; imo nemo est, qui infinitum spatium concedit, quin simul agnoscere cogatur istius spatii in alia infinita divisibilitatem.

Aliud petunt argumentum contra infinitam materiæ divisibilitatem ex omnipotentia divina. Dicunt enim Deum posse continuum quodvis in partes suas infinitissimas resolvere, atque partes hæc à se invicem separare; sed si hoc fiat, daretur pars ultima, & divisibilitas continui tandem exhauriretur, ergo continuum non in infinitum sectile est. Respondeo proculdubio Deum posse quicquid est possibile, aut quod immutabili ipsius naturæ non repugnat; at cum hæcenus demonstravimus nullam dari posse materiæ particulam utcunque parvam, quæ non iterum secari potest in infinitas alias etiam particulas; liquet exinde Deum non posse ita secare materiam, ut daretur pars ultima indivisibilis. si enim ad hoc se extenderet potentia Divina, posset Deus aliquid quod contradictionem involvret, vel quod immutabili ipsius essentiae repugnaret. Sed ulterius urgent, si quantitas omnis sit divisibilis in infinitum, & partes actu sint in continuo, dabitur actu pars infinite parva, adeoque ulterius non divisibilis. Respondeo; primo possum cum Aristotele negare esse partes actu in continuo, & inde corrueret eorum argumentum quod ut demonstrationem invictam tantopere prædicant. 2do. Concedamus illis partes esse actu in continuo, concedamus esse partes infinite parvas & indivisibiles, concedamus denique argumentum, nihil tamen exinde infertur contra quantitatis.

titatis non infinite parvæ continuam & in infinitum divisibilitatem ; hæc in argumento supponitur, at non refellitur ; an, quia pars continui infinite parva non est ulterius divisibilis, ideo sequitur partem datam, seu partem non infinite parvam etiam non esse ulterius divisibilem ? si aliquid exinde sequatur, sequitur continuam omnem quantitatem in partes infinite parvas posse resolvi, adeoque continuum esse in infinitum divisibile. Sed tertia & vera responsio sit ; Negando esse partes in continuo adeo minutas seu parvas, quin adhuc erunt & semper ulterius divisibiles ; & quamvis darentur partes infinite exiguæ, vel tales, quæ eandem habent proportionem ad sua tota quam numerus finitus ad infinitum, vel spatium finitum ad infinitum ; negamus tamen hæc partes non esse ulterius divisibiles : sed cum ipsæ sunt extensæ, erunt etiam divisibiles non tantum in duas, tres vel plures partes, sed etiam quælibet potest in infinitum secari : hujus quantitatis infinite parvæ partes numero infinitæ Infinitesimæ infinitesimarum seu fluxiones fluxionum à Geometris dici solent ; à quibus adhibentur ad plura problemata alias intricatissima solvenda. Præterea, & harum fluxionum dantur & aliæ fluxiones seu partes suis totis infinite minores, & harum rursus partium erunt aliæ partes, atque sic quousque libet, progredi licebit. Non dissimulo ob humani ingenii imbecillitatem hoc conceptu esse difficillimum ; non ideo tamen deferenda est veritas validissimis suffulta argumentis, præsertim cum quædam sunt, quæ à tenui nostro intellectu difficile admodum capiuntur, quæ tamen esse, certissime novimus. Exempla possumus comparare plurima, at ea tantum adducemus quæ ad rem propositam illustrandam inserviunt ; quibus ostendemus esse quantitates infinite minores aliis datis quantitibus, quæ tamen erunt aliis infinite majores ; ita, si dentur quædam quantitates infinite parvæ, erunt quædam etiam quantitates his infinite minores, & rursus his ultimis fieri possunt

aliæ infinite minores, & sic semper deinceps usque ad infinitum.


Primo igitur, sic probamus dari quantitates, quæ quantitatibus infinite parvis sunt infinite minores; sit circulus ABF , cujus diameter AB , sitque BF pars



peripheriæ infinite parva, cujus proinde chorda erit etiam infinite parva, hoc est, eam habebit chorda BF ad magnitudinem quamvis determinatam, proportionem, v.g. ad circuli diametrum AB , quam habet magnitudo quævis finita ad infinitam. demissa intelligatur à puncto F ad AB , perpendicularis FG ; erit BG recta

BF infinite minor. ducatur enim AF , eritque angulus AFB in semicirculo rectus. Adeoque, in triangulo AFB rectangulo ad F , ob demissam in basim AB perpendicularem FG , erit, per 8^{am}. 5^{ci}. El. AB ad BF ut BF ad BG . Sed, ex hypothesi, AB infinite major est quam BF ; quare erit & BF infinite major quam BG ; erit igitur quantitas, quæ, etsi aliâ datâ quantitate sit infinite minor, alia tamen quantitate infinite major erit.

Sic etiam in circulo notum est, sinum cujuscunque arcus esse suo arcu minorem, tangentem vero esse arcu majorem, & proinde tangens arcus erit etiam ejusdem sinu major. sit itaque in circulo, cujus centrum C , &




diameter AB , arcus infinite parvus BF , cujus tangens sit BE , sinus rectus GF , & sinus versus GB ; per F ducatur FH ad AB parallela, erit HE æqualis differentiæ sinus recti FG & tangentis BE , quæ ex jam ostensis non est omnino nihil. Jam in triangulis CBE FHE æqui-

angulis,

angulis, ob angulos ad H & B rectos & E communem, erit, per 4^{am} 6^{ti}, CB ad BE sicut FH est ad HE; sed ex hypothesi CB infinite major est quam BE; quare erit & FH infinite major quam HE; id est, in præsentī casu, erit BG sinus versus arcus infinite parvi infinite major quam differentia inter sinum rectum & tangentem ejusdem arcus. Cum igitur CB sit infinite major quam BE, & BE, ut superius demonstratum est, sit infinite major quam BG, & rursus, per jam ostensa, est BG infinite major quam HE, liquet propositum.

Ad uberiores hujus doctrinæ illustrationem, aliud libet afferre exemplum, quod à summo illo philosopho & Geometra *Newtono* deprompsimus, in Scholio sectionis primæ *Philosophiæ Natur.* sit curva AC parabola Apolloniana, cujus axis AB, & AE tangens



in vertice A. demonstrant scriptores Conici, ut in circulo, sic etiam in parabola, angulum contactus FAC esse angulo quovis rectilineo infinite minorem. Ad eundem jam axem AB & verticem A, describi intelligatur alterius generis parabola, cubicalis scilicet, cujus

ordinatim applicatæ crescunt in subtriplicata ratione interceptarum ; erit angulus contactus FAD angulo contactus parabolæ FAC infinitè minor ; vel quod idem est, nullæ sunt parabolæ Apollonianæ, vel nulli circuli , quantumvis magna parametro describantur, qui inter parabolam cubicalem & ejus ad verticem tangentem duci possunt ; quod faciliè sic demonstratur. Dicatur parabolæ Apollonianæ AC parameter a , Parabolæ cubicalis AD parameter sit b ; Accipiat in tangente punctum E tale, ut sit AE rectis a & b tertia proportionalis, hoc est, ut sit $a \times AE = b^2$; per punctum quodlibet F medium inter A & E ducatur FD ad axem parallela, curvæ AD occurrens in D ; ducatur DCB ad tangentem parallela, & vocetur BD ordinatim applicata in parabola AD z ; BC autem ordinata in parabola AC y , & intercepta AB sit x ; erit ex natura harum curvarum $ax = y^2$, & $b^2x = z^3$,

adeoque $\frac{y^2}{a} = x = \frac{z^3}{b^2}$; unde $b^2y^2 = az^3$, & igitur

reducendo hanc æquationem ad analogiam. $b^2 : az :: z^3 : y^2$ hoc est, b^2 , seu $a \times AE$ est ad az seu $a \times BD$ vel $a \times AF$ ut BD q ad BC q : sed est $a \times AE$ major quam $a \times AF$, quare erit BD q major quam BC q , & proinde BD major quam BC ; punctum igitur C cadit intra parabolam AD . idem verum est de omnibus ordinatis BC , quæ sunt recta AE minores ; adeoque portio parabolæ Apollonianæ AC , ad verticem cadit intra parabolam cubicalem. Eadem de quavis alia parabola Apolloniana est demonstratio ; adeoque nulla potest duci parabola, & proinde nullus circulus (qui semper alicui parabolæ est æquicurvus) inter parabolam cubicalem & ejus ad verticem tangentem.

Quantumvis igitur diminuatur angulus contactus parabolicus vel circularis, erit tamen angulo contactus ad verticem parabolæ cubicalis major ; ideoque erit quivis datus angulus contactus circularis vel parabolicus, angulo contactus ad verticem parabolæ cubicalis infinite

infinite major ; quantitas enim alterâ infinite major est, quæ quantumvis diminuta alteram illam semper superat.

Adhuc ad eandem axem, & verticem, describi intelligatur alia curva parabolica AG , cujus ordinatim applicata quævis crescat semper in subquadruplicata ratione interceptæ ; erit angulus contactus FAG angulo FAD infinite minor ; quod ratiocinio priori haud dissimili demonstrare facile est. Eodem modo ad eundem axem & verticem, potest alia describi curva parabolica AH , cujus ordinatim applicatæ crescunt in subquintuplicata ratione interceptarum, in qua fit angulus contactus FAH angulo FAG infinite minor ; atque sic progredi licebit in infinitum, semper assignando alias atque alias figuras parabolicas, quarum anguli contactus infinite à se invicem differant, scil. erit angulus FAC infinite minor angulo quovis rectilineo, & angulus FAD infinite minor angulo FAC , & angulus FAG infinite minor angulo FAH : atque sic habebitur series angulorum contactuum in infinitum pergentium, quorum quilibet posterior est infinite minor priore ; imo inter duos quoslibet angulos, alii interferi possunt anguli innumeri, qui sese infinite superant. Sed & inter duos quosvis ex hisce angulis, potest series in infinitum pergens angulorum intermediarum interferi, quorum quilibet posterior erit infinite minor priore. quin etiam possunt esse anguli innumeri angulo contactus circulari infinite majores, qui tamen erunt angulo rectilineo infinite minores : atque sic proceditur in infinitum. *neque novit natura limitem.*

Hæc adhibui exempla, ut videant adversarii, immane quantum discedunt à veris rerum naturis eorum de rebus ipsis speculationes.

LECTIO. V.

De materiæ subtilitate.

Postquam infinitam materiæ divisibilitatem validissimis (ut nobis videtur) propugnauerimus rationibus ; objectionibus , quæ alicujus momenti sunt , prostratis prorsus & deletis ; restat , ut mirandam naturæ subtilitatem , & minutissimas illas particulas , in quas materia actu dividitur vel ex quibus componitur , paulisper contemplemur ; has equidem undique comparatis exemplis , ante oculos vestros poni , sensibus obverti , & ipsarum exilitatem calculo ostendi , facilitum foret : nos autem pauca tantum proferemus.

Et primo, ex summa auri ductilitate exiguum partium ipsius molem computu collegerunt Doctissimi viri, Rohaultus Gallus in *Tractatu suo Physico*, Nobilis Boyleus nostras in libro de effluviis, & nuper Clarissimus Halleus in Transactionibus Philosophicis numero 194. Halleus quidem demonstravit unum auri granum in 10000 partes visibiles posse secari ; adeoque cum unum auri granum æquale sit circiter $\frac{22}{100000}$ unius digiti cubici, sequitur unum digitum cubicum auri dividi posse in partes 454, 545, 454 ; quæ omnes erunt nudo oculo satis spectabiles.

Computavit præterea *Halleus* crassitiem istius Lamellæ aureæ, quæ super argentea fila ab artificibus inducitur ; invenitque eam $\frac{1}{124\ 500}$ digiti non excedere ; hoc est, si digitus longus dividatur in partes 134 500, crassities istius lamellæ unam harum partium vix adæquabit ; adeoque cubus partis centesimæ unius digiti,

giti, vel, quod idem est, digiti cubici pars $\frac{1}{1\ 000\ 000}$ potest continere 243 000 000 talium particularum.

Alia experimenta quamplurima tradit de hac re Insignis ille & nobilis Philosophus *Robertus Boyle* in præfato libro de natura & subtilitate effluviolorum; quorum unum aut alterum hic adducere licebit. Et primo, dissolvit unum cupri granum in spiritu falis Armoniaci, & inde orta solutio cum aqua distillata mixta tincturam cæruleam saturam valde atque conspicuam largita est granis aquæ 28534; unde, cum aquæ quantitas, cujus pondus est unius grani, æqualis sit $\frac{37}{10000}$ unius digiti cubici, erunt grana aquæ 28534 magnitudine æqualia digitis cubicis 105.57. cum igitur unum cupri granum potest colorem cæruleum tantæ aquarum copię communicare, necesse erit ut sit pars aliqua hujus cupri in parte quavis visibili prædictæ aquarum copię; adeoque quot sunt partes in ea aquæ quantitate oculo cognoscibiles, in tot ad minimum partes divisum erat unum cupri granum; at visu sensibilis est linea, cujus longitudo est pars digiti centesima, adeoque ejus lineæ quadratum aut cubus, adhuc multo magis erit visu dignoscibilis: quare cum cubus, cujus latus est pars digiti longi centesima, sit pars digiti cubici millionesima

$\frac{1}{1000000}$, sequitur ad minimum in digitis cubicis aquæ 105 57 esse partes sensu distinguibiles 105 570 000; adeoque per prædictam solutionem in tot ad minimum partes dividetur cupri granum; est vero magnitudo unius cupri grani æqualis digiti partibus circiter

$\frac{55}{100000}$, adeoq; cum digitus cubicus continet propemodum 20000 talium particularum; sequitur hinc posse digitum cupri cubicum in partes 2 111 400 000 000 actu resolveri: & si accipiatur minutissima arenula talis sc. ut ejus diameter sit pars digiti centesima, hæc duos milliones centum & undecem millia & quadringenta seu 2111

400 particularum, in quas divisum est cuprum, continebit.

Secundum, quod proponimus, exemplum ex sequentibus ducitur principis.

Omnes recentiores consentiunt philosophi odores oriri à profluviis ex corpore odorifero prodeuntibus & undique in medio dispersis, quæ ope spiritus, quem per nares trahimus, in nervos olfactorios irruunt, eos irritant, atque sic sensorium afficiunt; unde sequitur, in quocunque loco odor cujusvis corporis sentitur, in eo esse aliquas particulas corporis odoriferi sensum afficientes; at plurima sunt corpora odora, quæ ad distantiam quinque pedum facile olent, & sensum humanum olfactorium movent; erunt igitur per omne illud spatium quædam corporis odori diffusæ particulae, ita scilicet ut ubicunque in eo spatium ponantur nares, ibi aliqua esse corporis odoriferi effluvia necesse sit; saltem quædam erunt in ea aeris quantitate, quæ simul per inspirationem intra nares ducitur. ponamus igitur esse unam tantum corporis odori particulam in unaquaque istius spatii parte, quæ digiti cubici partem quartam magnitudine adæquat; quamvis verisimile sit effluvia tam rara vix sensum movere posse, nolumus tamen plura assumere; tot igitur ad minimum erunt particulae odorem producentes, quot sunt in sphaera, cujus semidiameter est quinque pedum, spatiola, quorum unumquodque æquale est digiti cubici parti quartæ: at in illa sphaera sunt ejusmodi spatiola numero 3618976, tot erunt igitur in illo spatio particulae odorem producentes.

Utunque igitur definito effluviolorum numero, progrediamur ad eorum magnitudinem determinandam. Cum quantum effluviolorum à corpore quovis decedit, tantum necesse erit ut corpus illud de pondere suo amittat; erit pondus effluviolorum omnium, in dato quovis tempore, à corpore odorifero prodeuntium æquale ponderi partis eo in tempore amissæ; jam per experimenta comprobavit *Boyleus* determinatam quandam aëris foetidæ massam aperto aeri expositam, sex dierum

dierum spatio, vix grani partem octavam de suo pondere amisisse; cum vero continuus est effluviolum à corpore odorifero effluxus, patet oportere eum semper temporis proportionalem esse, adeoque tempore unius minuti primi erit pondus effluviolum ab assa foetida decidentium æquale grani parti $\frac{1}{69\ 120}$. Est autem

magnitudo particulæ aqueæ, cujus pondus est unius grani, æqualis digiti cubici partibus $\frac{369}{100\ 000}$, & proinde ejusdem aquæ particula, cujus pondus est pars grani $\frac{1}{69\ 120}$, magnitudine æqualis erit partibus digiti cubici

$\frac{533}{10\ 000\ 000\ 000}$; atqui est gravitas assæ foetidæ ad aquæ gravitatem (ut ipse expertus sum) ut 8 ad 7, & proinde magnitudo quantitatis assæ foetidæ, cujus pondus est unius grani pars $\frac{1}{69\ 120}$, æqualis erit partibus digiti

cubici $\frac{466}{10\ 000\ 000\ 000}$; sed effluviolum omnium numerus supra inventus ponitur 3618976, adeoque cum


omnia hæc effluvia digiti cubici partes $\frac{466}{10\ 000\ 000\ 000}$ tantum adæquant, erit unaquæque particula æqualis digiti cubici partibus $\frac{466}{36\ 189\ 760\ 000\ 000\ 000}$; seu reducendo hanc fractionem ad decimalem, erit uniuscujusque particulæ magnitudo æqualis digiti cubici partibus

$\frac{12}{1\ 000\ 000\ 000\ 000\ 000}$ seu partibus duodecem millesimis.

In hisce supposuimus particulas odorem producentes esse ubique in prædicta distantia æqualiter diffusas; ac cum versus centrum seu corpus odoriferum, à quo prodeunt, spissiores & plures sunt quam versus extimam sphaeræ superficiem, multo plures erunt particulæ quam

superius determinavimus. Cum enim odores (sicut cæteræ omnes qualitates, quæ à centro secundum rectas lineas propagantur) decreſcunt in duplicata ratione diſtantiæ auctæ ab eodem centro, erit numerus particularum odorem producentium, & in dato ſpatio incluſarum, v.g. in digiti cubici quadrante ad diſtanti-
am unius pedis, quadruplus numeri particularum quæ in ſpatio æquali ad diſtanti-
am duorum à centro pedum locantur : & novies major erit numerus particularum ad diſtanti-
am trium pedum, & ſic de cæteris ; at ſi ubique non plures forent quam ſunt ad extremam ſuperficiem, eſſet eorum numerus ſupra inventus 3615633088. patet igitur revera eſſe ipſarum numero numero prædicto multo majorem.

Ut igitur, in prædicto caſu, particularum odores producentium numerus determinetur, cognoscenda eſt quantitas aſſæ foetidæ, quam aeri expoſuit *Boyleus* ; at ex ipſius ſcriptis non conſtat quanta hæc fuit ; neceſſe erit igitur ut aſſumamus aliquam illius quantitatem ; ſed quo minorem ipſam ponamus, eo major evadit proportio numeri particularum ex ea profluentium ad numerum ſuperius inventum, cæteris omnibus pariter poſitis ; ut igitur numerum vero non majorem eruamus, aſſumenda eſt quantitas probabiliter major eâ, quam aeri expoſuit *Boyleus*, ſitque ea æqualis ſphæræ, cujus diameter ſit ſex digitorum, per circulum *DHO* hic repræſentatæ ; ſitque recta *AD* quinque pedum, ſeu 60 digitorum ; erit *AB* 63 digitorum ; ad punctum *A* ſuper *A* Berigatur perpendicularis *AG*, quæ repræſentet denſitatem ſeu numerum particularum intra datum ſpatium ad diſtanti-
am *AB* ; & ſi in omnibus diſtantiis eadem eſſet particularum denſitas, earum numerus per rectas innumeras *EQ*, *mR*, *DH*, &c. parallelogrammum *AH* complentes, hoc eſt, per ipſum parallelogrammum *AH* exponi poſſit. Cum vero numerus particularum, in acceſſu ad centrum, ſupponatur creſcere in ratione diſtantiæ diminutæ duplicatâ ; ad puncta



puncta E, m , D & alia innumera in recta AB sumpta erigantur perpendiculara EL, mn , DC, quæ sint ad AG, ut quadratum rectæ AB ad quadrata rectarum EB, mb , DB &c. respective ; & per puncta G, L, n , C & alia innumera eodem modo determinata ducatur curva ; si jam AG repræsentet numerum particularum ad distantiam AB, EL repræsentabit earum numerum ad distantiam EB, posito quod particularum densitates sunt reciproce in duplicata ratione distantiarum à centro ; at EQ ipsarum numerum denotasset, si ubique eadem fuisset earundem densitas ; eodem modo, mn exponet densitatem particularum ad distantiam mb ; at mR ipsarum numerum repræsentasset, si ubique uniformiter spissæ essent ; sic etiam DC denotabit numerum particularum ad distantiam DB positarum ; si vero ubique æqualiter densæ essent, numerus ille per DH repræsentandus foret ; adeoque tota multitudo particularum, quæ à sphaera DBO profluunt, & quarum densitas decrescit prout recedunt à centro in ratione distantiae auctæ duplicata, est ad earum multitudinem, si ubique ipsarum densitas ea esset, quæ

est ad extimam distantiam AB quinque pedum, ut rectæ omnes DC , mn , EL , AG ad rectas DH , mr , EQ , AG ; hoc est, ut area mixtilinea $ADCG$ ad aream rectanguli $GA DH$.

Eo igitur res reducta est, ut inquiramus proportionem, quam habet area $GA DC$ ad aream rectanguli AH . Cum autem est curva $GLnC$ talis naturæ, ut rectæ AG , EL , mn , DC ordinatim ad asymptoton AB applicatæ sunt reciproce, ut quadrata distantiarum à centro; erit curva hæc generis hyperbolici, & spatium interminabile $CFBTS$ componitur ex elementis, quæ sunt secundanorum reciproca; adeoque erit illud spatium, etiamsi interminabile, perfecte quadrabile & æquale duplo rectanguli CB ; per ea quæ demonstravit *Wallisius* in sua Arithmetica Infinitorum. Adeoque erit area interminabilis seu indefinite protensa $CDTS$ ipsi CB rectangulo æqualis; & eodem modo area indefinite protensa $GATS$ æqualis erit rectangulo GB ; erit itaque excessus, quo area $CDTS$ superat aream $GATS$, æqualis excessui, quo parallelogrammum CB superat parallelogrammum GB . Investigemus igitur horum rectangulorum differentiam; Cum ex hypothesis AD 60 digitorum, & BD trium, erit AB 63 digitorum; sitque AG unitas, & cum est DBq ad ABq ut AG ad CD , hoc est, ut 9 ad 3969; erit CD partium 441 qualium AG est 1; adeoque $CD \times DB$, seu rectangulum CB erit ad rectangulum BG , ut 1323 ad 63; & proinde rectangulorum differentia, hoc est, area $GHDC$ erit partium 1260, qualium scilicet rectangulum AH est 60. adeoque numerus particularum ex assa fœtida prodeuntium, quarum densitates decrescunt in duplicata ratione distantie auctæ, & intra sphaeram cujus diameter est 5 pedum contentarum est ad earundem numerum, (si ubique earum densitas est æqualis ei quæ fit ad distantiam quinque pedum) ut 1260 ad 60; hoc est, ut 21 ad 1; si igitur numerus supra inventus 3618976 per 21 multiplicetur, productus dabit

dabit numerum particularum ex affa foetida prodeuntium , scilicet 3618976. præterea si fractio

$\frac{12}{1\ 000\ 000\ 000\ 000\ 000}$, quæ magnitudinem particularum in priore casu exprimebat, per 21 dividetur, quotiens


$\frac{12}{21\ 000\ 000\ 000\ 000\ 000}$ seu $\frac{57}{100\ 000\ 000\ 000\ 000\ 000}$

exhibebit veram magnitudinem uniuscujusque particulæ, in hoc posteriore casu.

Hæc omnia ex eo sequuntur, quod homo potest affæ foetidæ odorem ad distantiam quinque pedum sentire; at sunt alia animalia, quorum sensus in odorando humanis sensibus sunt multo acutiores, qualia in primis sunt canes venatici, qui ferarum effluvia in terra relictas longo post decesseum ferarum tempore, percipiunt; & aves quædam, quæ pulveris pyrii odorem ad magnam distantiam sentiunt. oportet certe ut istiusmodi effluviis subtilitas longe major sit ea, quam ex superiore calculo elicimus; at ob experimentorum defectum non potest ea facile ad numeros revocari.

Ut materiæ subtilitatem ulterius ostendant philosophi, in exemplum adducunt animalcula illa, quæ in aliorum animalium semine & in aliis liquoribus natantia conspiciuntur; hæc equidem in quibusdam fluidis adeo minutula sunt, ut per Microscopia objectum multum augmenta visa ut puncta appareant; imo solertissimus ille naturæ indigator *Leuwenhookius* plura horum animalculorum in lactibus unius asselli deprehendit, quam sunt homines in tota terreni globi superficie degentes. Sed lubet horum animalculorum magnitudinem veram investigare. ad quod præstandum sequentia ex opticis suppono. Primo, Imaginem cujusvis objecti sub eodem angulo ex vertice emersionis lentis apparere, quo visibile ex vertice incidentiæ; hoc in *Cl. Gregorii* Elementis Dioptricus prop. 18. demonstratum prostat. 2^{do}, Per experientiam comprobatum est ea objecta, quæ tanquam puncta videntur, hoc est, quorum partes

partes à se invicem visu distingui nequeunt, sub angulo uno minuto primo non majori apparere. 3^{tie}, Satis experiendo constat pleraque istiusmodi animalculorum tantillæ esse magnitudinis, ut per lentem visâ, cujus distantia focalis est pars digiti decima, tanquam puncta appareant; hoc est, eorum partes nequeunt discerni; adeoque sub angulo uno minuto primo non majori ex vertice istius lentis apparebunt. eo igitur devenit, ut investigemus magnitudinem objecti, quod sub angulo dato ad datam distantiam apparet; hoc



est, si in præsentî casu sit C vertex lentis, A B longitudo animalculi, B C ejus distantia à lente $\frac{1}{10}$ digiti, & angulus B C A sub quo ad illam distantiam videtur; ex datis B C & angulo B C A invenienda est A B longitudo objecti. Jam in triangulo rectangulo A B C, ex datis (præter angulum ad B rectum) angulo B C A unius minuti primi, & latere B C æquali parti decimæ, per Trigonometriam innotescet latus A B æquale quam proxime

$\frac{3}{100\ 000}$ unius digiti. Si igitur animalcula illa essent figuræ cubicæ, ejusdem scil. longitudinis, crassitiei & latitudinis; ipsorum magnitudo per cubum fractionis $\frac{3}{100\ 000}$ exprimenda esset; scil. per numerum

$\frac{27}{100\ 000\ 000\ 000\ 000\ 000}$; æquale scil. esset unumquodque viginti septem partibus mille billionesimis digiti cubici.

Hinc, quod quidam philosophi de angelis somniant, verum erit de nostris animalculis, nempe posse multa eorum millia super parvæ aciculæ cuspidem saltitare.

Hinc etiam colligitur quantum est intervallum, quantilla intercedit proportio inter minima hæc natantia animalia

animalia & illa maxima, immanes nempe balænas, quæ in oceano montium instar apparent, quoties ex aquis sua capita emergunt; sunt enim in quibusdam liquoribus animalcula tantillæ magnitudinis, ut si calculus incatur, inveniatur ingentem terræ molem non satis amplam futuram, ut sit tertia proportionalis minutissimis his animalibus natantibus, & vastis oceani cetis; adeo ut ipsa terra, utcunque magna videatur, minore tamenprehenditur habere rationem ad pisces hos maximos, quam hi ad illos minimos, qui in animalium semine natantes per microscopia conspiciuntur.

Cum animalculum quodvis sit corpus organicum, perpendemus paulisper, quam delicatulæ & subtiles debent esse partes ad ipsum constituendum, & ad vitalem actionem conservandam necessariæ. haud mehercule facile concipitur, quo pacto in tam angusto spatiolo comprehendi possunt; cor, quod ipsius vitæ fons est, muscoli ad motum necessarij, glandulæ ad liquores secernendum, ventriculus & intestina ad alimenta digerenda, & alia membra innumera sine quibus animal esse non potest. Sed cum singula memorata membra sunt etiam corpora organica, alias etiam habebunt partes ad suas actiones necessarias. constabunt enim ex fibris, membranulis, tunicis, venis, arteriis nervis & hisce similibus canaliculis numero fere infinitis, quorum exilitas imaginationis vires superare videtur. At his infinite propemodum minores debent esse partes fluidi, quod per canaliculos hosce decurrit, nempe sanguis, lympa & spiritus animales, quorum in grandioribus animalibus incredibilis est subtilitas.

Libet crassiores sanguinis partes in his animalculis contemplari, globulos nempe, qui in sanguine natant, ipsorumque magnitudinem calculo eruere.

Ad quod præstandum sequentem adhibebimus hypothesein; Nempe quod diversorum animalium similes partes solidæ, hoc est, similes particulæ corporeæ, seu partes trina dimensione constantes sunt ut. ipsorum ani-

malium magnitudines. Unde sequitur diverforum animalium similes dimensiones lineares esse in subtriplicata ratione magnitudinum animalium; hoc est, ut harum magnitudinum radices cubicæ: *v. g.* Cor humanum est ad cor animalculi cuiusvis, per microscopium visi, ut ipsum corpus humanum ad corpus animalculi; & proinde, si utriusque corda sunt figuræ similes, erit Diameter unius ad alterius diametrum, ut radix cubica magnitudinis unius ad radicem cubicam alterius magnitudinis. Sic etiam vasa sanguifera minima in homine sunt ad vasa similia minima in animalculo, ut magnitudo hominis ad animalculi magnitudinem; & Diameter vasis minimi in corpore humano erit ad diametrum vasis minimi in corpore animalculi, ut radix cubica magnitudinis humanæ ad radicem cubicam magnitudinis animalculi.

Ponamus jam hominis mediocris magnitudinem esse trium pedum cubicorum, seu digitorum 5184, ut igitur magnitudo hominis mediocris seu digiti cubici 5184 ad magnitudinem animalculi superius traditam, æqualem nempe digiti cubici partibus $\frac{27}{1\ 000\ 000\ 000\ 000\ 000}$, ita vasa minima in corpore humano ad similia vasa minima in animalculo; & ut radix cubica magnitudinis humanæ, seu ut radix cubica numeri 5184 ad radicem cubicam magnitudinis animalculi, seu ad radicem cubicam numeri $\frac{27}{1\ 000\ 000\ 000\ 000\ 000}$, hoc est, quam proxime ut 17 ad $\frac{3}{100\ 000}$, ita diameter vasis minimi in corpore humano ad diametrum vasis minimi in animalculo; Verum Cl. *Lewenhookius* istiusmodi vasa in corpore humano detexit ope microscopii, ut posita diametro unius arenulæ $\frac{1}{35}$ digiti, hæc contineret 2640 diametros talium vasculorum, quæ in humano corpore conspexit; adeoque erit diameter unius huiusmodi vasculorum

lorum æqualis $\frac{1}{2640} \times \frac{1}{30}$ digiti, hoc est, æqualis digiti

parti $\frac{1}{79\ 200}$; & quamvis certum sit hæc vasa non fu-

isse minima eorum, quæ sunt in corpore humano, nam
& alia hisce multo minora ibi esse oportere, facile est
ostendere; ponamus tamen ipsa fuisse minima. Fiat

igitur ut 17 ad $\frac{3}{100\ 000}$ ita $\frac{1}{79\ 200}$ ad alium numerum;

Numerus ille exprimet in partibus digiti diametrum
vasis minimi in animalculo; qui, operando per regu-

lam trium, invenitur $\frac{3}{174\ 640\ 000\ 000}$ hæc fractio ad de-

cimalem reducta erit quam proxime $\frac{17}{1\ 000\ 000\ 000\ 000}$.

Vel (ut numeris rotundis adhibeamus) $\frac{2}{100\ 000\ 000\ 000}$.

Cum autem necesse est ut diameter globuli vel particu-
læ fluidi, quod in vase aliquo continetur, ipsa vasis dia-
metro non sit major, erit diameter globuli sanguinei,

qui per vasa hæc minima decurrit, non major digiti par-
tibus $\frac{2}{100\ 000\ 000\ 000}$; adeoque ipsorum globulorum so-

lidas seu magnitudo minor erit cubo istius diametri,
hoc est, minor erit partibus digiti cubici

$\frac{8}{1\ 000\ 000\ 000\ 000\ 000\ 000\ 000\ 000\ 000\ 000\ 000\ 000\ 000\ 000\ 000\ 000}$; hoc est, erit

globulorum magnitudo minor ea digiti cubici parte,
quæ exprimitur per fractionem, cujus numerator est nu-
merus octenarius, denominator vero est numerus de-
cem quintillianarius, seu qui scribitur per unitatem cum
triginta tribus Cyphris post se.

Cum fractio, qua globulorum magnitudo exprimi-
tur, tam numerosis constat cyphris, ut vera ipsorum
quantitas non exinde facile concipitur; Libet ulte-
rius progredi & globulos hosce cum aliis minimis, quæ
nudo oculo conspici possunt, corporibus comparare, viz.

cum minutissimis arenulis, talibus scil. ut ipsarum diametri digiti partem centesimam non excedant, & denique minimas has arenulas cum aliis maximis terræ corporibus ingentibus e. g. montibus; ut videamus qualem ad se invicem obtineant rationem; atque sic multo melius particularum exilitas intelligetur. Sed cur hac utar voce? cum potius dicendum est, comparatione sic facta, illorum subtilitatem prorsus incomprehensibilem fore. Nam exinde colligitur ne quidem decem mille ducentos quinquaginta & sex altissimos totius telluris montes posse continere tot arenulas, quot potest una arenula continere globulos animalculorum sanguineos; non mirum erit, Academici, si ad hæc attonitis hæreatis animis, & re tam prodigiosa percussi ipsam materię infinitam divisibilitatem etli validissimis fustulæ demonstrationibus in dubium vocetis. Ut cunque vero res hæc prima facie prorsus incredibilis videatur, ipsam nihilominus ex claris & facillimis principiis deducemus.

Ut facilius calculus ineatur, vocemus decimam pedis partem unum digitum, & ponamus centum arenulas juxta se positas spatium istius longitudinis digitalis occupare; vel, quod idem est, supponantur mille arenulæ contiguae per longitudinem pedis extendi, erunt igitur in uno digito cubico arenulæ 1 000 000, & in pede cubico erunt arenulæ 1 000 000 000. Sit milliæ unum seu mille passuum æquale 3000 pedibus, erunt pedes cubici in uno milliari cubico 125 000 000 000; adeoque arenularum numerus, quæ in uno milliari cubico contineri possunt, erit 125 000 000 000 000 000 000.

Jam ut montium dimensiones habeamus, sumamus altissimum, ut vulgo creditur, totius telluris montem, cum nempe qui in Insula Teneriffa est, & *El. Pico de Terrario* dicitur, cujus altitudo perpendicularis vulgo æstimatur trium milliarium Italicorum. Supponamus montem hunc esse figuræ conicæ, atque hujus circuitum ad basim esse triginta & quinque milliarium, erit area

area basis 97,5 circinet milliarium; nam ut 314. ad 100, hoc est, ut circuli circumferentia ad diametrum, ita 35 ad 11, 14 diametrum seu montis crassitiem ad basim, cujus pars quarta 2785 ducta in peripheriam, 35 scilicet aream basis æqualem scilicet 97,5 milliariibus quadraticis; cum igitur mons ex hyp. sit figuræ conicæ, si basis in tertiam altitudinis partem multiplicetur, productus in milliariibus cubicis exhibebit ipsius montis contentum solidum; atque tertia pars altitudinis ex hypothesi æqualis est uni milliari, qui multiplicans numerum 97,5 productus, seu montis soliditas erit æqualis milliariibus cubicis 97,5; qui numerus si rursus multiplicetur per 124.000.000.000.000.000.000, productus seu numerus 12.187.500.000.000.000.000.000 exhibebit numerum arenularum ex quibus mons insule *Teneriffæ* componi possit.

Hæc investigatis, videamus quot particula seu sanguinei globuli in una arenula contineri possunt, ex supra monstratis uniuscujusque globuli magnitudo minor est digiti cubici partibus

8

$$\frac{1.000.000.000.000.000.000.000.000.000.000.000}{8.000.000.000.000.000.000.000.000.000.000.000}$$
; & magnitu-

do unius arenulæ æqualis est digiti cubici parti $\frac{1}{1.000.000.000.000.000.000.000.000.000.000.000}$

adeoque si posterior hic numerus per priorem dividatur quotiens

$$\frac{1.000.000.000.000.000.000.000.000.000.000.000}{8.000.000.000.000.000.000.000.000.000.000.000}$$

 seu $\frac{1.000.000.000.000.000.000.000.000.000.000.000}{8}$; hoc est,

125.000.000.000.000.000.000.000.000.000.000 minor erit numero globulorum sanguinis, qui in magnitudine unius arenulæ contineri possunt; sed numerus hic 125.000.000.000.000.000.000.000.000.000.000 divisus per 12.187.500.000.000.000.000.000.000.000.000 numerum arenularum, quæ in monte Insule *Teneriffæ* contineri possunt, quotiens major erit quam numerus 10.2569 adeoque una arenula plusquam decem milles ducenties quinquagesies

gesies & sexies plures globulos sanguineos in se continere potest, quam Altissimus totius telluris mons arenulas; vel, quod idem est, decem mille ducenti quinquaginta & sex montes, quorum unusquisque æqualis est altissimo totius telluris monti, non tot possint in se continere arenulas, quot una arenula possit in se continere particulas sanguineas animalculorum, quæ per microscopia in quibusdam fluidis natantia cernuntur. Quod erat ostendendum. Cum igitur globuli hi tantillæ sunt magnitudinis, quid sentiendum erit de particulis fluidum componentibus, in quo istiusmodi globuli vehuntur, & de spirituum animalium subtilitate? hæc proculdubio tanta est, ut omnem calculum & imaginandi vim fugiat.

Supra modum mirabilis est hæc naturæ subtilitas; at sunt aliæ materiæ particulæ memoratis multo subtiliores, ad quas si prædicti globuli referantur non montium sed ingentium terrarum instar apparebunt. Lucis intelligo particulas, quæ à corpore lucido ineffabili celeritate undiquaque projiciuntur, quarum subtilitatem animus humanus nunquam forte nisi post adeptam in coelis perfectionem assequetur; immensam tamen ipsam esse vel exinde colligitur, quod lumen tenuissimæ lucernæ in tempore omnino insensibili, & absque ullo sensibili ipsius lucernæ decremento, ad distantiam duorum millia passuum ab oculo sentitur; Unde necesse est, ut in omni assignabili parte sphaeræ activitatis istius lucernæ, cujus diameter quatuor millibus passuum major est, & in omni assignabili temporis particula, sint quædam istius lucernæ particulæ, quæ oculum ingrediuntur vel ingredi possunt; quæ quidem in diversis temporis partibus diversæ erunt. Atque per ineffabilem illam lucis subtilitatem fit, ut Sol etiamsi continuo ab ipsius creationis exordio lucem celerissime in omnem mundi partem emittat, non tamen sensibile quidquam per omne illud tempus de sua magnitudine amittit, etiamsi quotidie per aliquam, inæstimabilem

mabilem licet, quantitatem decreseat; unde etiam si post sex mille annos ejus diminutio nondum notabilis evasit, post finitam tamen annorum seriem, quamvis valde protractam, totus dissipabitur. Ex quo sequitur Mundum hunc nec in æternum existere posse, nec potuisse ab æterno extitisse.

Qui dicta in hisce lectionibus probe intellexerit, is potest facile sequentis problematis solutionem exhibere;

Data materiæ quavis quantitate, v. g. ea quæ est in una arenula, & spatio quovis quantumvis magno, finito tamen v. g. æquali ei, quod intra sphaeram fixarum continetur, materiam hanc ita per totum illud spatium disponere, & ipsum ita per illam materiæ particulam implere, ut nullum sit in spatio hoc vacuum, cujus diameter major sit quam data recta; vel, quod idem est, efficere ut diametri pororum istius arenulæ, quæ totum illud spatium occupat, sint data recta minores.

Atque eodem modo, quo solvitur hoc problema, ostenditur quo pacto fieri potest ut una arenula totum illud spatium obfuset & ne minimo lucis radio transitum præbeat, sed totum illud spatium opacum reddat.

LECTIO VI.

De Motu Loco & Tempore.

CUM hætenus de corporum Soliditate, Extensione, Divisibilitate, & Subtilitate, satis à nobis dictum sit; ad motum jam, nobilissimam, qua gaudet corpus, affectionem, dilucidandum accedimus: quo mediante se prodit natura, eà rerum varietate agentem, quæ videri non sine stupore debet; quo sublato, omnis periret mundi ornatus, & spectabilis pulchritudo; atque horrendæ tenebræ, & infinitus torpor, res omnes occuparent. Ab hoc pendent dierum & noctium vicissitudines, frigoris, & caloris, nivis, pluvix, & serenitatis, sese mutuo excipientium tanta varietas, atque anni tempestates omnes. Per motum crescunt plantæ, nutriuntur arbores, & vivunt animalia, cum ipsa vitæ non nisi in motu, hoc est sanguinis circulatione consistit. Sed quid singulis enumerandis moter? cum res omnes ex motu nascuntur.

Scientia igitur de motu, ad rite philosophandum adeo est necessaria, ut ne vel minimum naturæ opus absque eo investigari possit. Hinc celebre & verissimum illud philosophi Effatum ἀναγκαῖον ἀγνοεῖν αὐτὸς καὶ τὸν ἀγνοῦν Ignorato motu naturam ignorari necesse est.

De motus natura, causis, & communicatione, multum inter se disceptant Physici seu potius Metaphysici; & mirum est quantas lites, de re satis clara, moverunt; & quæ idearum confusio, quæ tenebræ exinde subortæ sunt, adeo ut inter disputandi ineptias, naturalis & simplex, quam de eo habuerunt notitia, ipsis elabi videatur. Vix enim è plebe quemquam, aut rudem artificem inveniemus, qui non plus novit de vera natura, atque

atque causa quam omnes hi disputantes philosophi, quorum quidem aliqui eo pervenerunt insaniam, ut motum omnem tanquam rem impossibilem à corporibus sustulerunt & argutias quasdam proposuerunt quibus illius impossibilitatem adstruere sibi visi sunt.

Liceat hic validiora quædam illorum argumenta proferre; & primum sit illud Diodori Croni: Nempe, si corpus movetur, vel movetur in loco quo est, vel in loco quo non est, quorum utrumvis est impossibile; si enim movetur in loco quo est, ab illo loco nunquam exiret, adeoque nullus daretur motus; similiter non potest movere in loco quo non est, quia nihil agit in loco quo non est, ergo non omnino movebitur corpus. Respondedo, nec corpus movere in loco quo est, nec in loco quo non est, sed movere è loco in locum.

Secundum Argumentum est illud Zenonis, quod Achilles nomine inignivit, quo Zeno conatur probare, si daretur motus, Achillem etiam velocissimum testudinem animalium tardissimam nunquam affecuturum: est autem ejusmodi; ponatur Achillem à testudine distare per quodvis spatium finitum, v. g. mille passuum, atque eum centies velocius testudine movere supponamus; ergo dum Achilles unum percurrit milliare, testudo milliariis partem unam centesimam conficiet, adeoque Achilles testudinem nondum est affecutus; & rursus dum Achilles partem illam milliariis centesimam conficit, testudo interim per milliariis partem decem-millesimam reptabit, adeoque nec adhuc testudinem erit affecutus Achilles; eodem modo dum Achilles partem illam milliariis decem-millesimam decurrit, testudo per milliariis partem millionesimam promovebitur, adeoque nec adhuc testudinem attingere potest: atque sic progredi licebit in infinitum, nec unquam potest testudinem captare, sed semper erit aliqua inter Achillem & testudinem distantia.

Famosum est hoc Zenonis argumentum; ad quod solvendum scripserunt quidam integri tractatus; at nos fa-

cillime illius nodum dissolvemus, dicendo milliare, una cum milliaris parte centesima, una cum milliaris parte decemmillesima, una cum milliaris parte millionesima, & sic in infinitum, quantitati finitæ æquipollere, hoc enim ab arithmetiis demonstratum extat, quod summa seriei cujusvis quantitatum in quavis proportionem Geometrica in infinitum decrescentium, æqualis sit quantitati finitæ; sed milliaris pars $\frac{1}{100}$, una cum parte $\frac{1}{10\ 000}$, una cum parte $\frac{1}{1\ 000\ 000}$ una cum parte $\frac{1}{100\ 000\ 000}$ centum millionesima, & sic in infinitum, est series quantitatum in proportionem geometricam in infinitum decrescentium, adeoque illius summa, cum sit æqualis quantitati finitæ, à mobili cum data velocitate moto, finito in tempore percurri potest. Ponamus enim Achillem spatio unius horæ milliare peragrassè, ergo & partem milliaris centesimam in parte horæ centesima conficiet, & partem milliaris decemmillesimam, in horæ parte decemmillesima percurrer; eodem modo pars milliaris millionesima in parte horæ millionesima peragrabitur, & sic de cæteris. si igitur hora, una cum horæ parte centesima, una cum horæ parte decem millesima, una cum horæ parte millionesima, + $\frac{1}{100\ 000\ 000}$ &c. in infinitum, si inquam summa hujus seriei in infinitum continuatæ infinito temporis spatio æquipollit, certum est Achillem restudinem nunquam esse affecuturum in tempore finito; verum cum, ut hætenus dictum est, horæ pars $\frac{1}{100} + \frac{1}{10\ 000} + \frac{1}{10\ 000}$ &c. sit series quantitatum in proportionem Geometricam in infinitum decrescentium, erit illius summa quantitati finitæ æqualis scil. uni parti horæ nonagesimæ nonæ, ut facillime demonstrari potest, & intra illud temporis spatium omnes, ut-

cunque

cunq̃ue numero infinitæ, temporis particulæ elabentur. Dicimus igitur Achillem testudinem affecuturum post elapsas horam unam & infinitas illas numero particulas quæ in prædictâ serie continentur; hoc est, post horam unam & horæ partem nonagesimam nonam ad testudinem pertinet; atque sic tollitur vis illius argumenti quod tanquam insolubile toties jactaverunt illius patroni.

Hoc etiam proferri solet contra motum argumentum. Moveatur corpus A B ad C, positis B & C duobus punctis contiguis, in instanti D, cum movetur A supponitur esse in B, adeoque in eo instanti non potest ad C pervenire, quia scil. ponitur esse in B, & in eodem instanti non potest esse in utroque, quia nihil potest esse simul in duobus locis, hoc est, in eodem instanti, adeoque in instanti quo est in B non potest ad C pervenire; eodem modo in quolibet alio instanti non potest ad C pervenire, quia adhuc ponitur in B, adeoque secundum hujus argumenti authores nunquam ad C pertinet.

Huic argumento facile responderi potest, dicendo A sub initio instantis D, esse in B puncto, at in fine in puncto C; oportet enim ut tempus omne, in quo peragitur motus finitus, habeat initium & finem.

Sed præterea in allato argumento, non pauca assumpta ponuntur, quæ falsa atque impossibilia sunt, v.g. cum duo supponuntur puncta contigua. Si per punctum intelligatur pars indivisibilis seu minima quantitas, talia equidem puncta non dari olim demonstravimus; adeoque si huic hypothesi innitetur argumentum, impossibile erit, ut ullam inferat humano intellectui vim, ad motum convellendum; si vero per puncta intelligantur ipsa puncta mathematica, qualia scil. sunt linearum termini, sectiones, & contactus, hæc equidem ut possibilia agnosco, impossibile tamen erit ut res quævis in iis moveatur; quicquid enim movetur per spatium movetur, at punctum mathema-

tieum alio puncto contiguum non potest spatium componere, sed punctum; nam sicut in Arithmetica mille cyphræ seu nihil millies sumptum nihilo æquipollet; sic in Geometria mille puncta, vel etiam infinita simul puncta quantitatem non component, sed puncto seu non quanto æquipollebunt; unde cum duo puncta contigua tantum puncto æquantur, lubens agnosco non posse motum per ea fieri, at nihil inde sequitur absurdi, motus enim per spatium non tollitur, sed motus per punctum, & absurdum quidem esset si istiusmodi concederetur motus.

Quod de punctis diximus idem potest instantibus accommodari, ostendendo ut magnitudines omnes, sic etiam tempus esse in infinitum divisibile, adeoque nullam esse temporis particulam quæ proprie instans dici potest, seu punctum temporis, sicut nulla est pars lineæ quæ cum puncto Geometrico coincidit, & ut infinita puncta non lineam componunt, sed punctum, sic etiam infinita instantia, seu temporis puncta, nulli tempori æquantur: potest quidem spatium temporis inter diversa instantia dato tempori æquari, at ipsa instantia nulli tempori æqualia erunt, tempus enim non ex instantibus, sed ex partibus quæ sunt tempora componitur, nec motus in instanti sed in tempore peragitur.

Sed hisce nugis valere iussis ad institutum revertor.

Cum motus de quo acturi sumus sit motus localis, res postulat ut quædam de loco & tempore prius differamus. Locus distingui solet in internum, & externum. Internus locus est spatium quod à corpore locato repletur; externus autem is solus est, qui ab Aristotele definitur, & dicitur superficies concava corporis ambientis, & locatum continentis.

Clarius fortasse distinguetur locus, sicut & spatium, in absolutum & relativum. Locus absolutus seu primarius est ea spatii immobilis, permanentis & undique expansi pars, quæ à corpore locato occupatur; Locus relativus seu secundarius est apparens ille & sensibi-

lis,

Iis, qui à sensibus nostris ex situ ad alia corpora definitur. Cum enim spatium ipsum sit ens simile & uniforme, cujus partes videri nequeunt, & per sensus à se invicem distingui, ideo convenit ut corporum loca ad alia corpora referantur, & per distantias & positiones ad alia ista corpora determinantur, v. g. ponamus aliquem in angulo quovis domus alicujus sedere; illius locus per distantiam respectum & positionem quam habet ad alios angulos, parietes, & circumstantia corpora, quæ tanquam immobilia spectantur, definitur; & quamdiu quisquam eundem situm, & distantiam ab hisce corporibus conservat, tamdiu in eodem manere loco videbitur; sic etiam si quisquam in nave sedeat, sive quiescit navis sive movetur, quamdiu eandem servat distantiam ab omnibus navis partibus quæ tanquam quiescentia spectantur, & eadem manet ad eas omnes positio, idem etiam manebit illius locus relativus.

Quod de loco diximus potest etiam spatio similiter applicari, scil. illud quoque in absolutum & relativum distingui; Absolutum dicimus illud, quod sua natura, absque relatione ad externum quodvis, semper manet simile & immobile. Relativum autem est quod ad corpora quædam refertur, per quæ determinatur, & mensuratur; cujus nempe partes ad corpora illa eandem semper servant positionem & situm, & quarum distantia ab iis immutata, eadem semper perseverat.

Spatium relativum idem semper magnitudine & figura est cum spatio absoluto, non tamen necesse est ut idem semper numero maneat cum eodem; nam in prædicto navis exemplo, si navis absolute quiescit, in eo quidem casu spatium relativum cum absoluto coincidit, non magnitudine & figura tantum, sed etiam & numero: at si ponamus navem movere, spatium absolutum quod intra cavitatem navis continetur, erit in diversis locis diversum; at cum ipsa cavitas & figura

navis eadem manet, erit spatii in ea contenti eadem semper & invariata magnitudo, eadem illius figura, & ejus partes similiter sitæ, ad easdem navis partes, eandem semper habent positionem & distantiam, & proinde idem spatium relativum dici meretur.

Sic etiam in hypothesei terræ motæ, spatium quod intra parietes ædificii continetur, etsi absolutum scil. spectando, semper mutatur, cum tamen eadem manet ædificii cavitas, eadem figura, & omnes spatii contenti partes similes, ad easdem ædificii partes eundem semper conservant situm, imo cum ad spatium aeris nostri relativum, seu etiam ad omnes terræ partes, eandem semper obtinet positionem, spatium illud idem relativum dici potest.

Eodem modo & tempus distingui potest in absolutum & relativum. Tempus absolutum æquabiliter fluit, hoc est, nunquam tardius, nunquam velocius procedit, sed absque omni relatione ad corporis cujuscunque motum, æquo semper labitur tenore. Tempus relativum seu apparens est sensibilis durationis cujuscunque per motum mensura; cum enim ipsius temporis fluxus æquabilis sensus non afficit, advocandus est in subsidium motus æquabilis, ut mensura aliqua sensibilis, quæ illius quantitatem determinet, cujus partes temporis partibus semper respondeant, & proportionales sint; motus autem ille uniformis, qui ad mensuram temporis adhibendus est, debet esse maxime notabilis, cunctis obviis, & in omnium sensus incurrens, qualis vulgo censetur apparens ille Solis & Lunæ, & reliquorum siderum revolutiones; per quas tempus partimur in horas, dies, menses, & annos; Et sicut ea tempora æqualia judicamus, quæ præterlabuntur dum mobile aliquod æquabili velocitate latum æqualia spatia percurrit, sic æqualia etiam dicenda sunt tempora, quæ fluunt dum Sol, vel Luna, revolutiones suas ad sensum æquales peragunt.

Verum cum, ut hæcenus dictum est, temporis fluxus accelerari

accelerari aut retardari nequit, corpora autem omnia nunc incitatus nunc segnius moveri possunt, nec fortasse datur in rerum natura motus perfecte æquabilis, necesse est ut tempus absolutum sit aliquid à motu vere & realiter distinctum, nec illius natura magis à motu corporum quam ab eorundem quiete dependet; ponamus enim cælum & sidera ab ipso mundi exordio immobilia perstitisse, at non ideo fisti potuit temporis cursus, sed illius quiescentis status duratio æqualis esset tempori quod jam movendo elapsum est; præterea cum constet ex sacra historia tempore *Josue*, solem in eodem cæli visibilis puncto, per aliquod tempus immotum mansisse, non tamen ideo tempus absolutum perstitit & cum sole rursus progredi cœpit, sed eodem quo prius celeri præterlabebatur cursu; quamvis omnia horologia sciatherica eandem diei horam, per omne illud stationis tempus indicabant, & sic quidem substitit tempus apparens ad solis nempe motum relat-um, cum absolutum interim uniformiter progrediebatur.

Sic etiam cum & hodie solis motus apparens uniformis non est, nec ejus revolutio diurna æquabilis erit, ut omnes agnoscunt Astronomi, sed aliquando celeriore, aliquando lentiore procedit gradu, ac proinde dies naturalis *ἡμέραν φυσικὴν* seu spatium temporis una revolutione diurna elapsum nunc minus nunc majus evadet; adeoque tempus apparens non eodem quo, tempus absolutum, progreditur tenore, unde ut ab illo distinguatur necesse est.

Cum tempus absolutum sit quantum uniformiter extensum & sua natura simplicissimum, potest per magnitudines simplicissimas rite repræsentari, seu imaginationi nostræ proponi; quales imprimis videntur esse rectæ lineæ, & circulares, quibuscum & tempori quædam intercedunt analogiæ. Nam tam temporis, quam rectarum, & circularium linearum partes omnes sunt sibi ubique similes & uniformes, & sicut linea per motum

tum seu fluxum puncti generatur, cujus quantitas ab unica pendet longitudine per motum determinata, sic etiam tempus quodammodo censi potest instantis continuo labentis vestigium; cujus quantitas ab unica consequatur velut in longum exposita successione, quam spatii percurri longitudo demonstrat, & proinde optime per fluxum puncti seu rectam lineam representari potest, quod in sequentibus sæpius fiet.

Observandum autem nos per temporis vocem intelligere spatium illud temporis quo motus transequitur, adeoque cum de rebus physicis & motu agendum est, rite cum Aristotele definiri potest, Mensura motus secundum prius & posterius; non equidem absolutam temporis naturam spectando, sed connexionem illam quam motus cum eo habet, ut scil. nullum spatium à mobili in instanti percurri potest, sed successive & juxta fluxum temporis omnis motus peragitur, qui igitur cum temporis quantitate comparari potest & ab ejus fluxu mensurari.

LECTIO VII.

Definitiones.

- I. **M**OTUS est continua & successiva loci mutatio.
 - II. Celeritas est affectio motus, quâ mobile datum spatium in dato tempore percurrit.
 - III. Quies autem est corporis cujufvis in eodem loco permanentia.
- Hinc sequitur quietem, motum & celeritatem, secundum duplicem loci distinctionem, duplices esse, absolutos scil. & relativos.
- IV. Motus absolutus est mutatio loci absoluti, & illius celeritas secundum spatium absolutum mensuratur.
 - V. Quies absoluta est permanentia corporis in eodem loco absoluto.
 - VI. Motus relativus est mutatio loci relativi, cujus celeritas secundum spatium relativum mensuratur.
 - VII. Quies vero relativa est permanentia corporis in eodem loco relativo.

Ex hisce sequitur. Primo, posse aliquem relative quiescere, qui tamen secundum spatium absolutum vere & absolute movetur; *v. g.* si aliquis in nave sedeat, cum eundem retinet locum relativum, eundem servat situm & distantiam ad reliquas navis partes, quæ tanquam quiescentes spectantur, ille relative quiescit; cum tamen interea eodem provehitur motu, eadem celeri-

tate, & secundum eandem plagam, qua ipsa navis à ventis defertur; in quo casu, omnes navis partes eundem inter se situm servantes spectatori intra navem posito tanquam quiescentes apparebunt: è contra, dum ipsa navis movetur, spectatori in navi locato littora aliaque corpora extra navem circumjacentia moveri videbuntur, ea celeritate, at versus contrariam plagam, qua ad ea revera accedit navis, vel ab iisdem recedit: hujus apparentiæ ratio ex principiis Opticis facile ostenditur: ea enim corpora ut quiescentia videmus, quæ ad ipsum oculum easdem semper servant positiones & distantias. Quæ autem moveri videmus corpora, ea distantias suas & positiones oculi respectu mutare deprehendimus; vel ut paulo altius rem deducamus.


Cum Optica nos doceat omne corpus, quod videtur, imaginem suam ope radiorum à visibili prodeuntium in ipso fundo oculi seu retina depictam habere; sequitur, ut ea objecta moveri videantur, quorum imagines in retina moventur; hoc est, quæ diversas retinæ partes successive pertranseunt, dum quis oculum suum immotum supponit: at ea objecta tanquam quiescentia cernuntur, quorum imagines eandem semper occupant retinæ partem, cum scilicet imaginum motus in oculi fundo non sentitur; atque hinc est, quod in nave sedentes ipsius navis motum non percipiant; omnes quippe navis partes inter se relative quiescentes eandem positionem & distantiam quoad oculum servant, imagines suas in iisdem retinæ partibus semper depictas habebunt; earum igitur motus non videbitur: at cum ad littora oculos vertat spectator, dum ipsa navis movetur, necesse est ut objectum quodlibet externum situm suum oculi respectu mutet, & proinde ejus imago alias atque alias retinæ partes successive occupabit; hoc est, objectum externum movere videbitur. Ob eandem rationem, si terra circa solem vel suum axem moveatur, illius motus ab ipsius terræ incolis neutiquam

neutiquam percipietur, cum sc. ædificia & omnia in terra objecta visibilia iisdem semper terræ partibus insidentia, eandem semper inter se & oculum positionem servabunt; sin alia aliaque omnia corpora terræ non adhærentia aspiciantur, ea ob eandem causam, qua prius littora, moveri videbuntur; hoc est, si terra circa suum axem rotetur ab occidente in orientem, sol & reliqua sidera ab oriente in occidentem moveri conspiciuntur.

Sed terræ motu paulisper dimisso, ad exemplum navis redeamus; si navis secundum quamcunque directionem feratur *v. g.* versus orientem, & aliquis in prora sedens lapidem versus occidentem cum eadem velocitate projiciat, qua ipsa navis ad orientem progreditur; lapis in hoc casu spectatori intra navem moveri videbitur versus occidentem, & ejus velocitas relativa æqualis erit ipsius navis celeritati absolutæ; revera tamen lapis quiescit in spatio absoluto, abstrahendo à terræ motu & eo omni qui ex gravitate oriri potest. At si ponamus aliquem extra navem in aere pendulum, ille lapidem quiescentem spectabit; cum vero gravis sit lapis videbit illum perpendiculariter tantum deorsum moventem, nec magis versus ortum quam occasum tendentem; vis enim à projiciente in lapidem impressa nihil aliud agit, quam destruit æqualem vim motûs, quæ à navi versus contrariam plagam ipsi communicabatur; moto enim quolibet corpore vel spatio, etiam omnia corpora vel corporum particule intra illud relative quiescentia, eadem celeritate & secundum eandem plagam moventur;

At objiciat aliquis, lapidem è manu projicientis emissum in ipsam puppim impingere, eique ictum imprimere, adeoque cum lapis in ipsam puppim irruit, non potest non moveri; respondeo, verum quidem esse eos, qui intra navem versantur, lapidem in puppim irruentem eamque percutientem conspiciere; at si ponatur aliquis extra navem in aere pendulus; ille non lapidem versus puppim, sed puppim in lapidem impin-

gentem videbit, & ictus magnitudo, qui in utrovis corpore recipitur, eadem omnino erit ac si navis quiesceret, & lapis revera versus puppim impelleretur, eadem celeritate, qua puppis ad lapidem accedit. Si enim duo sint corpora A & B utcumque æqualia vel inæqua-



lia; eadem erit percussionis vis, siue B cum data celeritate in corpus A quiescens impingat, vel si quiescat B, & A eadem celeritate in ipsum irruit, vel si utrumque corpus versus eandem pla-

gam moveretur, & subsequens A celerius motum in ipsum B impingeret; eadem erit quantitas ictus, ac si B omnino quiesceret & A solum latum esset, differentia celeritatum, qua scil. ipsius celeritas celeritatem corporis B superabat; vel denique, si tam A quam B versus contrarias partes ferantur, ictus magnitudo eadem foret, ac si unum quiesceret, & alterum motum esset cum ea celeritate, quæ sit summæ priorum velocitatum æqualis: verbo dicam. eadem semper manente velocitate relativa corporum, qua ad se invicem accedunt, eadem quoque erit percussionis quantitas, quomodocunque veræ velocitates partiantur, ut in sequentibus demonstrabitur. sed rursus ad navem redeamus.

Si vis, qua lapis à projiciente emittitur, minor sit eâ quæ ex navis motu in hoc casu recipitur, lapis ipse revera in eandem, qua ipsa navis, plagam motu scil. absoluto deferetur; hoc est, à spectatore, quem extra navem in aere hærentem posuimus, versus orientem moveri videbitur, ea celeritate, qua celeritas navis celeritatem motus ab impellentis dextra impressi superabat; at in ipsa navi degentibus lapis versus occasum moveri apparebit, eadem prorsus celeritate, quam à projicientis manu accepit, qua etiam in puppim impingere videbitur.

Sed si quis in puppi sedens lapidem versus proram projiciat,

projiciat, verus & absolutus illius motus erit versus program seu orientem, & à spectatore nostro extra navem posito ea celeritate ferri conspicietur, quæ æqualis sit summæ duarum celeritatum, illius scil. quam à projiciente accepit, & illius quæ per motum navis ipsi communicabatur.

Hæc omnia hypothefi terræ motus possunt applicari. Si enim terra solummodo circa axem suum revolvatur ab occidente. versus orientem, & lapis vel globus è tormento projiciatur ad occidentem ea celeritate, qua terra circa axem vertitur; impetus, quem globus ex tormento recipit, contrarium impetum, qui ex terra illi imprimabatur, destruet; adeoque in spatio absoluto quiesceret globus, secluso motu ex gravitate orto; nihilominus qui in terræ superficie degunt & una cum ea revolvunt, lapidem vel globum versus occasum celeriter ferri conspicient, & si murus aliquis ejus motui apparenti objiciatur, eadem vi globum murum ferientem videbunt, ac si murus revera quiesceret, & globus contra illum ea celeritate impingeret, quam in eo casu ab explosione reciperet; nam eadem, ut dictum est, erit ictus quantitas, sive globus cum determinata celeritate in murum quiescentem projiciatur, sive murus in globum quiescentem eadem celeritate irruat.

Si minor sit vis, quæ in globum per bombardæ explosionem imprimitur, eâ quæ per diurnum motum terræ illi communicatur, globus revera versus orientem feretur, at quia ejus velocitas minor est ea, qua nos versus orientem revolvimur, globus à nobis ad occidentem tendere conspicietur; & obstaculum quodcunque ejus motui apparenti oppositum ea vi ferire videbitur, ac si revera obstaculum in eodem spatio absoluto permanisset, & globus in ipsum ea vi, quam à bombardâ accepit, impegisset. Si deinceps globus versus orientem explodatur, motus ejus absolutus erit in orientem, & ejus velocitas in tantum superabit velocitatem, qua ipsa tellus fertur, quanta est ea quæ globo
per

per bombardam imprimitur, adeoque eâ solâ velocitatis differentiâ in obstaculum quodcunque irruit, & illud percutiet.

Verum universaliter, corporum in dato spatio inclusorum idem erunt motus inter se, iidem congressus, eadem percussionis vis, sive spatium illud quiescat sive moveatur uniformiter in directum.

Motu, quiete, celeritate tam absolutis, quam relativis prolixè satis explicatis, ad alios terminos definien- dos accedo.

VIII. Spatium percursum est via illa quæ à corpore motu suo peragatur.

IX. Illius longitudo est recta illa quæ à centro corporis moti describitur.

X. Directio motus est recta quâ tendit mobile.

XI. Motus æquabilis fit quando mobile eadem semper celeritate omnes longitudinis seu spatii percursum partes describit.

XII. Motus acceleratus est cujus velocitas continuo crescit.

XIII. Motus retardatus est cujus velocitas continuo minuitur.

XIV. Motus æquabiliter acceleratus est, cui temporibus semper æqualibus æqualia accedunt velocitatis incrementa.

XV. Motus æquabiliter retardatus est, cujus velocitas temporibus æqualibus ad quietem usque æqualiter decrescat.

XVI. Momentum (quod & quantitas motus sæpe etiam simpliciter motus dici solet) est potentia seu vis illa corporibus motis insita quâ è locis suis continuo tendunt.

XVII. Impedimentum vero est quod motui obstat

stat vel resistit atque illum destruit vel saltem minuit.

XVIII. Vis motrix est potentia agentis ad motum efficiendum.

XIX. Vis impressa est actio in corpus exercita ad ejus statum vel motus vel quietis mutandum.

Si corpus A quiescat & movendum sit cum data celeritate, vis illa quæ ipsi imprimitur, quaque accepta cum data velocitate moveri incipit, dicitur vis impressa; in quo casu à vi motrici non nisi in concipiendi modo differt, eadem enim vis quatenus ab agente procedit, dicitur vis motrix, & quatenus à patiente recipitur, dicitur vis impressa; sic etiam, si corpus B moveatur, quædam determinata requiritur vis ad illius motum minuendum, & quædam etiam determinata vis necessario habenda est ad illius motum omnino sistendum; quæ cum in corpus B exercetur, vis impressa dicitur.

Non ignoro quosdam philosophos quantitatem motus ab illius celeritate non distinguere; ea quippe corpora æquales motus habere dicunt, quæ æquali celeritate moventur, sive ipsa corpora æqualia sive inæqualia existant, sive unum sit exiguum admodum, alterum vero utcumque magnum, modo eadem velocitate utrumque corpus latum sit, in utroque semper eandem motus quantitatem permanere volunt. At non ratio solum, verum & experientia docet motum non modo augeri in ratione velocitatis, sed & etiam in ratione molis seu magnitudinis, positis corporibus homogeneis seu ejusdem speciei; v. g. sint duo corpora A & B, quorum A majus corpus, & B minus, & momentum seu quantitas motus ipsius A non tantum majus erit momento ipsius B, si A velocius feratur ipso B; verum si utrumque æquali



æquali celeritate feratur, erit vis seu energia, qua corpus majus A fertur, major ea quam habet corpus B ad suum locum mutandum; quia scil. vis contraria obstaculi vel impedimenti major requiritur ad sistendum motum majoris corporis A, quam ea quæ necessaria est ad motum corporis minoris B tollendum; quippe, si sit corpus A centrum librarum, pondus vero ipsius B unius libræ, & si æqualis sit in utroque corpore celeritas, vis quam corpus A exerceat quaque obstaculum quodvis remove conabitur (& proinde vis impedimenti renitentis & motum illius destruents multo major erit vi motus corporis B,) qua scil. impedimentum remove nititur, & illius impedimenti vis, quæ necessario requiritur ad motum ipsius B destruendum, minor erit vi impedimenti quæ sufficiens erit ad motum mobilis A auferendum. Verum in sequentibus theoremata dabimus, quibus motus quantitas æstimari & ejus mensura determinari potest.

XX. Vires motrices æquales sunt quæ similiter agentes æquales motuum quantitates in dato tempore producant.

XXI. Vires contrariæ sunt quarum lineæ directionis sunt contrariæ.

XXII. Gravitas est vis ferens deorsum, qua corpora recta ad terram tendent.

XXIII. Vis centripeta est vis illa, qua corpus ad punctum aliquod tanquam centrum continuo urgetur, atque hinc sequitur gravitatem esse vim quandam centripetam.

XXIV. Per vim centrifugam autem intelligimus vim qua corpus aliquod continuo urgetur ut à centro recedat.

Vires autem hæ semper æstimantur per vires contrarias quæ corpora in eodem statu retinere possunt; sic
 si

fi corpus aliquod filo alligatum circa centrum immobile revolvat, vis, qua à centro recedere conatur, est vis centrifuga; actio autem fili renitentis & corpus versus centrum continuo retrahentis, qua fit ut corpus in eodem semper circulo revolvat, erit tanquam vis centripeta vi centrifugæ æqualis, adeoque harum virium una per alteram rite æstimari potest; sic etiam vis gravitatis alicujus corporis innotescit per vim ipsi contrariam & æqualem qua ipsius descensus, impediri potest. Potest autem vis illa vel esse alterius corporis pondus (per mechanicum aliquod instrumentum *e. g.* libram) contrarie agentis, vel vis centrifuga quæ oriatur, si corpus illud cum certa quadam & determinata velocitate in circulo circa centrum terræ revolvat, vel denique potest esse alterius corporis firmitudo & resistentia supra quod pondus premens incumbit.

XXV. Quantitas acceleratrix cujusvis vis est mensura velocitatis quam vis illa in dato tempore generat.

In eadem à terra distantia corpora omnia utcunque inæqualium ponderum æquielociter descendunt, & proinde æquales sunt ipsorum vires acceleratrices; in distantis autem inæqualibus inæqualiter, in majori scilicet minus in minore magis accelerantur.

LECTIO VIII.

FINITIS definitionibus, ad res minus claras, vel terminos minus usitatos explicandos inventientibus, ad axiomata physica accedimus. Cum autem philosophiæ naturalis objectum sint corpora corporumque in se invicem actiones, quæ non tam facile & distincte concipiuntur, quam simplices illæ magnitudinum species de quibus tractat Geometria; nollem ut quisquam in materia physica, tam rigide demonstrandi methodo insisteret, ut principia demonstrationum, hoc est, axiomata adeo clara & per se evidentia postulet, ac illa sunt quæ in Geometriæ elementis traduntur; talia equidem dari rei natura non permittit. Verum sufficiat si ea adhibeantur, quæ rationi & experientiæ congrua esse deprehendimus, quorum veritas primò quasi intuitu elucet, quæ sibi ipsis fidem apud non obstinatos conciliant, & quibus assensum suum nemo denegabit, nisi se omnino Scepticum vel Pyrrhonicum profiteatur.

Verum etiam in demonstrationibus laxiore aliquando argumentationis genere utendum est, & propositiones adhibendæ sunt non absolute veræ, sed ad veritatem quam proxime accedentes. *e. g.* cum demonstratur omnes ejusdem penduli vibrationes in arcibus circuli minoribus factas, æquiditurnas fore. Supponitur arcum circuli parvum ejusdemque chordam esse declivitatis & longitudinis ejusdem, quod tamen, si rigidam veritatem spectemus, admittendum non est: at in physica hac materia tantillum à vero abludit, ut differentia merito est negligenda, & discrepantia vibrationum quæ ex illa differentia oritur omnino insensibilis evadit, uti experientia testatur. Sic etiam insignis philosophus & Geometra D. Gregorius in *Elementis suis Catoptricis & Dioptricis* laxiorem Geometriam adhibet, lineas & angulos

angulos tanquam æquales assumendo, qui reuera inæquales ad æqualitatem quam proxime accedunt. atque sic pulcherrima solvit problemata physica quæ alias intricatissima futura sunt. Sed etiam ipsi Neutono aliquando arridet hæc methodus; ut videre est *in prop. 3. lib. 2. Philosophiæ naturalis princip. Math.*

Si qui vero sint qui contra istiusmodi principia & demonstrationes pertinacem obfirmant, animum & propositionibus satis manifestis se expugnari non patiuntur, hos ut supina sua ignorantia gaudeant relinquimus nec dignos esse qui ad veram physicam admittantur censemus.

Axiomata.

- I. Non entis aut nihili nullæ sunt proprietates aut affectiones.
- II. Nullum Corpus potest naturaliter in nihilum abire.
- III. Omnis mutatio corpori naturali inducta ab agente externo procedit; corpus enim omne est iners materiæ moles & nullam sibi ipsi mutationem inducere valet.
- IV, Effectus sunt causis suis adæquatis proportionales.
- V. Causæ rerum naturalium eæ sunt, quæ simplicissimæ sunt & phænomenis explicandis sufficiunt: nam natura methodo simplicissimâ & maxime expeditâ semper progreditur; hisce enim operandi modis se melius prodit Sapientia Divina.
- VI. Effectuum naturalium ejusdem generis eadem sunt causæ; ut descensus lapidis & ligni ab eadem causâ procedit; eadem quoque est causa lucis & caloris in sole & in igne

culinari; reflexionis lucis in terra & planetis.

VII. Quæ duæ res ita inter se connexæ sunt ut sese perpetuo comitentur, & quarum unâ mutata, altera quoque similiter mutetur vel tollatur, vel harum una alterius causa est vel utraque ab eadem causa communi provenit.

Sic si sit acus magnetica circa axem versatilis, cui magnes admoveatur & circa eandem revolvat; acus etiam continuo eodem tenore movebitur, & si sistatur magnetis motus, subsistit quoque ipsius acus circulatio, & rursus cum ipso magnete revolvere incipiet; unde nemo dubitat quin acûs vertigo ab ipsius magnetis motu dependeat; sic etiam cum fluxus & refluxus maris in eodem loco semper fiat, cum Luna ad eundem circulum horarium pervenerit & ejus motum continuo comitatur; periodus nempe æstuum periodum motuum lunarium ita præcise respondet ut nulla à tot seculis notata sit sit aberratio, retardantur enim minutis 48. in singulos dies, & in syzygiis. Lunæ cum Sole semper fit æstus maximus, in quadraturis minimus; unde agnoscendum est maris fluxum à motu lunæ & ipsius situ respectu solis pendere.

VIII. Moto corpore quovis secundum quamcunque plagam, omnes ejusdem particulæ, quæ in ipso relative quiescunt, eadem velocitate simul secundum eandem plagam progrediuntur, hoc est; moto loco relativo movebitur quoque locatum.

IX. Æquales materiæ quantitates eadem velocitate latæ æqualia habebunt momenta seu motuum quantitates.

Nam momentum cujusque corporis est summa momentorum omnium particularum corpus illud componentium, & proinde ubi æquales sunt particularum magnitudines & numeri, æqualia erunt momenta.

X. Vires æquales & contrariæ in idem corpus agentes mutuum effectum tollunt.

XI. Ab inæqualibus autem & contrariis viribus producitur motus æquipollens excessui præpollentis.

XII. Motus à viribus conspirantibus, hoc est, secundum eandem directionem agentibus productus æquipollet earundem summæ.

XIII. Æquipollens si vel augeatur vel contrarium minuatur fit præpollens.

Qui mechanice philosophari volunt duo sequentia adhibent Effata.

XIV. Omnis materia est ejusdem ubique naturæ & eadem habet essentialia attributa, sive in coelis sit, sive in terris, sive apparet sub forma corporis fluidi, sive duri aut alterius cujusvis; hoc est, materia cujusvis corporis e.g. ligni à materia alterius cujusvis non essentialiter differt.

XV. Diversæ autem corporum formæ non sunt nisi diversæ modificationes ejusdem materiæ; & à varia particularum corpora componentium magnitudine, figura, textura, positione & cæteris modis pendent.

XVI. Sic etiam qualitates seu actiones vel potentia quorundam corporum in alia corpora oriuntur solum ex prioribus affectionibus & motu conjunctim.

Ponunt

Ponunt autem philosophi materiam esse omnium formarum & qualitatum commune substratum, quæ ad omnes se indifferenter habet, cum sit omnium capax, & eadem semper manet sub quibuscunque videtur formis, unde & à Peripateticis materia prima nuncupatur.

Quamvis vero formæ & qualitates ipsi materiæ sunt prorsus accidentales, ad corpus tamen, quod ex forma & materia simul junctis coalescit, necessario & essentialiter pertinent; *v. g.* quamvis materia ligni prorsus sit indifferens ad hanc vel illam formam seu particularum figuram & texturam, quibus infinitis modis variatis eadem semper manet, non tamen potest lignum subsistere sine determinata illa particularum modificatione, quæ formam lignei corporis constituit, qua sublata perit lignum, & eadem materia in alterius generis corpus transit; quod autem in particularum modificatione forma corporis lignei consistit, patet ubi lignum igni immittitur & materia forma illa privatur; nam per vim ignis dissolvitur particularum nexus & textura, & harum pars quædam in fumum & vapores transit, altera in cineres reducitur.

Multa à philosophis proferuntur exempla, ut ostendant varias particularum ejusdem materiæ magnitudines, figuras & texturas, varias producere corporum formas & ex variis etiam ipsarum motu & positione varias oriri qualitates; quorum aliqua hic adducemus.

Primo, cum per calorem solis aqueæ particulæ rarefiunt, ex mari ad supremum fere aera sub forma vaporum evahuntur, at recens hæc forma non aliunde provenit quam ex partium mutato situ; per rarefactionem autem fit, ut aqueæ particulæ plura & patentiora forte contineant in se spatiola, vel omnino vacua, vel purissimo tantum æthere repleta, unde harum materia majus occupans spatium, quam æqualis materiæ aeris quantitas, aere redditur minus intensive gravis, & proinde sursum trahitur, eodem modo quo suber sub aqua demersum: nec unquam consistunt vapores donec ad æ-

rem

rem ejusdem gravitatis perveniunt, ubi relative quiescunt, & nubes quæ mille figuras imitantur componunt.

Mox ubi per ventorum cursum aer minus gravis redditur, vapores eandem retinentes gravitatem necessario subsident, & in casu suo per aeris resistantiam condensati, & in minus spatium coacti formam priorem amittunt, & in terram cadentes pluvix speciem induunt.

Multo maxima hujus pars per fluvios ad mare deducitur iterum in vapores abitura, pars vero aliqua terræ se immiscet, & ibi deposita arborum herbarumque radices & semina ingreditur, è quibus in alias plane & novas corporum species affurgit. Et eadem quidem pluvialis aqua diversa corpora componit, prout diversa ingreditur rerum semina; quædam scilicet transit in plantagines, quædam in gramina, aliqua in flores, aliqua in quercus, arnos fagos & alias quamplurimas arborum & plantarum species.

Nec in eadem planta omnino similis manet eadem pluvia, cum plantæ omnes ex innumeris heterogeneis constant partibus; sic in lino *e. g.* alia est forma radices, alia caulis, alia tenuium fibrarum, alia florum, alia seminis, alia capsularum semen continentium.

Varia quoque est in eodem lino vasorum structura, sua enim habet vasa humorum circulationi inservientia, non aliter ac in corpore animato; sed & diversis omnino gaudent hæ partes proprietatibus: caulis *e. g.* est corpus lignosum & post exsiccationem valde friabile, dum cortex seu membranula caulem operiens ex oblongis tenuissimis & plicabilibus constat fibris varie inter se connexis.

Hanc membranam à caule sua separant linifices, & postquam mille tractaverunt modis, fibras ejus in oblonga contorquent fila; mutata particularum positione & situ, & tunc sane aliam & longe diversam subeunt fibrillæ formam ab ea, quam in viridi habebant planta.

Mox in se convoluta fila, iisdem manentibus particulis

lis, ipsarum minimis glomorum species præbent. Fila hæc varie inter se connectunt & texunt linteones, & arte suâ tela ex illis componunt, quæ vestimenta hominibus præbent. hæc denique in linteola redacta aquæ immittuntur & malleis ligneis in mollem quasi pulpam rediguntur, quæ tandem, exsiccato humore aqueo in formam papyri transmutatur, quæ si igni immittatur partim in tenuissimum pulverem, partim in fumum evanescit.

At hæc omnes tam multifariæ sub quibus eadem materia apparet formæ non nisi ex particularum mutata figura, magnitudine & textura poveniunt, & ab his solummodo pendent.

Sic si metalla liquantur, ignis vi partium cohæsiō dissolvitur, & particulæ metallicæ à se invicem separatæ rapidissimo cientur motu, quo fit ut formam corporis fluidi induant.

Hinc etiam (ut videtur) oritur illa salium & metallorum in menstruis dissolutio; per fermentationem enim separantur partes à se invicem, & in minima resolutæ corpuscula ipsius fluidi agitantur motu, unde tanquam corpora fluida apparebunt. Ex hisce corporum ipsorumque partium figuris & reliquis modificationibus plurimi oriuntur effectus, plurimæ qualitates singulis corporum generibus propriæ, quas perire necesse est, si partium constitutio mutetur. sic ex eadem materia *v. g.* ferro formantur claves, cultri, limæ, ferræ, & alia innumera instrumenta ad varios usus accommodata, quorum qualitates & effectus ex solis pendent eorundem figuris; unde enim clavi potentia sua ad ostium referandum, nisi ab ipsius figura, magnitudine, & partium congruitate cum partibus serræ cui immittitur? unde cuneis & cultris potentia ad corpora findenda? nonne hanc ex sola ipsarum figura provenire demonstratur in vulgaribus de mechanica scriptis? unde fiunt motus in automatis tam regulares, nisi ex rotis inter se dispositis, sibi invicem adaptatis, & commissis? unde denique fit, ut per machinas artificiales
tanti

tanti effectus producantur? certè ratio non aliunde quam ab ipsarum fabrica petenda est.

Nec minus partium suarum constitutioni & modificationi debent corpora naturalia, quam artificialia, omnes enim ipsorum operationes non nisi ex motu, situ, ordine, figura, & positione corpusculorum procedunt, quibus in quovis corpore mutatis, mutantur etiam eo ipso istius corporis qualitates.

Si corporis superficies sit scabra & aspera lucem in ipsam incidentem undequaque reflectit, propterea quod partes superficiales lucem excipientes & remittentes non omnes in una atque eadem superficie regulari, sed infinitis fere, iisque diversis locantur planis; unde lucem in variâ hæc plana incidentem undique etiam reflecti necesse est. Hinc glacies, quæ cum integra & polita sit nullius fere est coloris, in partes tamen contusa, seu asperam & angulosam habens superficiem, alba apparet, scil. cum lumen copiose & in omnes partes reflectit. Eadem quoque est ratio albescentis aquæ cum in spumam vertitur.

Est autem plerorumque corporum visibilium ea structura, ut superficies eorum partem radiorum in se incidentium suffocare, partem remittere possunt; si superficies ita sunt comparatæ, ut omnia radiorum genera æqualiter reflectant vel æqualiter suffocent, erit illorum color vel albus, vel niger, vel subfuscus, inter album & nigrum medius; nam color albus non aliter differt à nigro, quam quod alba corpora plurimos reflectunt omne genus radios, nigra autem paucissimos. Hoc patet ex umbra corporis opaci, quæ sole lucente in partem album projicitur; pars enim in qua umbra versatur cum multo pauciores quam reliquæ omnes excipiat radios, multo pauciores quoque reflectit, adeoque reliquarum respectu nigra apparet. At si partes illæ reliquæ, non plures reciperent radios, quam ea ubi umbra projicitur, tunc ubique idem foret color, nempe albus.

Si talis sit superficiei textura, ut aliquod radiorum

L

genus

genus magis spisse, & reliqua omnia minus spisse, reflectit, superficiei color ad eum accedet qui ex radiis magis spisse reflexisoritur, hoc exinde demonstrari potest quod ejusdem objecti varius erit color, prout varia excipit radiorum genera reliquis interceptis, ut primus invenit Sagacissimus *Newtonus*, sic si per trigonum vitreum radii rubri (sic enim vocitare licet colorem rubrum producentes) in objectum cæruleum projiciantur, objectum suum mutabit colorem, & rubrum induet, si flavos tantum excipiat radios, tunc ejus color in flavedinem vertitur, si cærulei incidant radii, cæruleus apparebit, & color ille ceteris omnibus coloribus vividior erit, eo quod horum radiorum multo plures reflectit, & pauciores suffocat quam reliquorum.

Si superficies corporis sit exacte polita, hoc est, nulla asperitate & scabritie impedita, & radios satis confertos reflectit, hæc ab objecto quovis prodeuntes radios & in ipsam incidentes ita reflectet; ut objecti illius imaginem conspiciendam præbeat. Et ob eam causam corpora istiusmodi superficies habentia specula vocantur. Si speculum sit planum, imago erit objecto æqualis, & pone speculum invenietur, ad distantiam æqualem ei quam habet radius ante ipsum; si superficies sit concava spherica, & objectum radius magis distat ab ipso quam $\frac{1}{2}$ diametri spheræ, imago in aere pendula inter radius & speculum apparebit, & ipso quidem objecto minor erit; si radius in centro locetur ibi quoque erit ejus imago ipsi æqualis; si ultra centrum versus speculum progreditur radius, ita scilicet ut major sit ipsius distantia ab eo quam $\frac{1}{2}$ diametri, imago à speculo ultra centrum transcurrent, & radiante major erit: cum autem radius ad distantiam æqualem $\frac{1}{2}$ diametri pervenerit, tum imaginis distantia infinita evadit; si autem tantillo propius ad speculum accedat, imago erit pone speculum ipso radiante major. Omnia hæc tam diversa phænomena ex sola mutata distantia proveniunt, ceteris omnibus pariter se habentibus.

Videamus

Videamus jam varios illos & prorsus contrarios effectus, qui ex solo mutato situ seu positione oriuntur, aliis rebus omnibus æqualiter existentibus, præter ea quæ ex mutatione situs dependent.

Omnes jam agnoscunt philosophi solem in centro hujus systematis quiescere, terram autem, reliquorum planetarum instar, circa ipsum spatio annuo deferri, ita autem Terra circa Solem movetur, ut axis ejus non ad orbitæ suæ planum normalis sed ad ipsum inclinatus angulo $66\frac{1}{2}^{\circ}$ sibi semper parallelus maneat. Et propter hunc parallelismum & inclinationem, necesse est, ut Terra aliquando unum ipsius polum Soli obvertat, aliquando alterum, & proinde Terræ partes omnes varios subibunt ad Solem situs. Ex hac situs mutatione dependent omnes illæ tempestatum vicissitudines quæ singulis annis obveniunt, scil. æstas, hyems, ver & autumnus; si enim axis Terræ ad planum suæ orbitæ normalis esset, tunc nullæ forent temporum mutationes, nullæ dierum & noctium differentiarum, sed quælibet Terræ pars radiorum Solarium æquales vires eodem semper exciperet modo.

Cum autem singulæ Terræ partes Solis respectu situm suum continuo mutant, & ejusdem radios nunc magis obliquos, nunc minus, nunc breviores nunc diuturniores tempore excipiant, diversæ & prorsus contrariæ exinde oriuntur phasæ. Autumno scil. exarescunt segetes, & fructus maturescunt, paulatim tamen viridem & amœnam faciem deponunt campi, & decidunt arboribus folia. Mox ingruente hyeme frigent & horrent omnia, nix tegit alta montes, cujus onere depressæ laborant silvæ, imo quod mirum est, ipsæ maris aquæ stabiles & firmæ redduntur, quodque prius fuit navibus tantum penetrabile, nunc exercitus & castra gerit.

Terra autem continuo revolvente, quælibet ejus pars Solis respectu situm mutat, & quæ prius aversa, nunc Solem respicere incipit; quod dum fit, defugiunt nives, redeunt gramina campis & sua arboribus folia, nec sta-

bulis jam gaudet equus, nec arator igne, sed nova prorsus & læta apparet rerum facies, & annus per ætatem ad autumnum revolvitur.

Cum jam tot diversi, tot contrarii eveniunt effectus ex sola sitis mutatione, & tam varia ex hac consequantur phænomena, cæteris omnibus causis iisdem manentibus, certe ex positione, distantia, magnitudine, figura, & structura partium corpora componentium, ex effluviis motu, & subtilitate, ex corporum congruitate, & eorum ad alia corpora respectu, ex hisce inquam omnibus varie & infinitis fere modis junctis & simul combinatis, infinitæ propemodum diversæ provenire possunt corporum formæ affectiones, & in se invicem operationes, nec quicquam in natura conspiciendum est quod ex hisce non pendet. Si enim hæc mutantur, mutabuntur simul corporum formæ, qualitates & operationes. *e.g.* constat attractiones & directiones magneticas ex partium structura oriri, nam si ictu satis valido magnes percutiatur, quo partium internarum positio mutetur, mutabitur etiam eo ipso magnetis polus. Et si igni immittatur magnes, quo interna partium structura mutetur vel prorsus destruat, tunc amittit omnem priorem virtutem, & ab aliis vix differt lapidibus.

Etiam si autem generaliter ostensum sit operationes magneticas ab interna partium constitutione quodammodo provenire, modus tamen operandi, ex mechanicis & intellectu facillimis principiis deductus, non adhuc inventus est. Quodque nonnulli de effluviis, materia subtili, particulis poris magnetis adaptis, &c. generaliter prædicant, minime nos ad claram & distinctam harum operationum explicationem deducit: sed omnibus hisce non obstantibus virtutes magneticæ inter occultas qualitates reponendæ sunt.

Ex dictis sequitur, qualitates corporum, quæ à formis non pendent, quæque eadem manente materiæ qualitate intendi & remitti nequeunt, sed omnibus insunt corporum generibus, in quibus experimenta instituere liceat,

ceat, esse qualitates omnium corporum universales. Cum enim ex forma seu modificationibus corporum non proveniant, oportet ut ab ipsa dependant materia; sed cum omnis materiæ eadem sit natura, & pars ipsius quævis ab alia non nisi per modos differat, erunt qualitates ex hisce modis productæ in omni materia eadem.


LECTIO IX.

Theoremata de Motus Quantitate & Spatiis à mobilibus percurfis.

THEOR. I.

IN comparandis corporum motibus, si mobilium quantitates materiæ æquales sint, erunt momenta seu motuum quantitates, ut velocitates.

Sint A & B duo mobilia æquales habentia materiæ quantitates, & moveatur A celeritate C, B vero celeritate c ; dico momentum seu quantitatem motûs in mobili A, esse ad momentum seu quantitatem motûs in mobili B, ut celeritas C ad celeritatem c : si enim vis aliqua imprimenda sit corpori A, ad illud movendum cum data velocitate C, dupla habenda est vis ad movendum corpus B cum



dupla velocitate, & tripla adhibenda est vis ad illud movendum cum tripla velocitate, & dimidia tantum vis necessaria est ad movendum B cum dimidia velocitate, & sic de cæteris multiplicibus vel sub multiplicibus; *i.e.* cum (per axioma quartum) effectus sint causis suis adæquatis proportionales, si vis, quæ adhibetur ad corpus B movendum, sit dupla istius quæ applicatur ad A movendum, erit quoque illius momentum hujus momenti duplum; si tripla habenda est vis, erit quoque motus corporis B motûs ipsius A triplus; si dimidia tantum vis corpori B imprimatur, erit ejus momentum dimidium momenti ipsius A:

hoc

hoc est, cum velocitas corporis A sit universaliter ad velocitatem ipsius B, ut vis impressa corpori A, ad vim ipsi B impressam, & ut vis impressa mobili A ad vim impressam corpori B, ita momentum seu quantitas motus in A, ad momentum seu quantitatem motus in B, erit velocitas mobilis A ad velocitatem mobilis B ut motus ipsius A ad motum mobilis B. Q. E. D.

Cor. Si momenta sint ut velocitates, erunt quantitates materiæ in corporibus motis æquales.

THEOR. II.

In comparatis motibus, si celeritates sint æquales, erunt corporum momenta seu motuum quantitates, ut quantitates materiæ in iisdem, vel si mobilia sint homogenea, ut ipsorum magnitudines.

Sint duo mobilia A & B, quorum utrumque fertur eadem celeritate C, dico momentum corporis A, esse ad momentum corporis B, ut quantitas materiæ ipsius A ad quantitatem materiæ ipsius B. si enim materiæ quantitas in A dupla sit ipsius quæ est in B, dividi potest A in duas partes, quarum utralibet, tantum habebit materiæ, ac proinde per axioma 8, tantum motus, quantum habet B; cum scilicet eadem velocitate utrumque corpus feratur; adeoque erit momentum corporis A momenti corporis B duplum.



C —

Si materiæ quantitas in A tripla sit ejus quæ est in B, dividi potest A in tres partes, quarum unaquæque habebit motus quantitatem, æqualem ei quæ est in B, & universaliter, quamcunque proportionem habet materia in A, ad materiam in B, eandem habebit rationem momen-

cum

tum ipsius A, ad momentum ipsius B, si modo eadem velocitate utrumque corpus latum fuerit.

Si corpora homogenea sint, erunt quantitates materiæ, ut ipsorum magnitudines seu moles, ac proinde ipsorum motus erunt etiam in eadem magnitudinum ratione.

Cor. Si momenta sint ut quantitates materiæ, erunt celeritates corporum æquales.

THEOR. III.

In comparatis motibus quorumcunque corporum, momentorum ratio componitur ex rationibus quantitatum materiæ & celeritatum.

Sint duo mobilia quæcunque A & B, & moveatur A celeritate C, B vero celeritate c ; dico momentum ipsius A esse ad momentum ipsius B, in ratione composita ex ratione quantitatis materiæ in A, ad quantitatem materiæ in B, & ratione celeritatis corporis A, ad celeritatem corporis B. Ponatur corpus tertium G, quod materiam habet æqualem ei quæ est in A, sed moveatur celeritate corporis B. Constat ex Elementis rationem momenti corporis A, ad momentum corporis B, compositam esse ex ratione momenti corporis A, ad momentum corporis G, & ratione momenti corporis

G ad momentum corporis B; sed [per Theor. I.] momentum corporis A, est ad momentum corporis G, ut celeritas C est ad celeritatem c , &

cum G & B eadem celeritate feruntur, momentum corporis G erit ad momentum corporis B, ut materiæ quantitas in G vel A ad quantitatem materiæ in B. ideoque erit quoque momentum corporis A, ad momentum corporis B, in ratione composita celeritatis C ad celeritatem c , & quantitatis materiæ in A vel G ad quantitatem materiæ in B. Q. E. D.

Cor.

Cor. 1. Si corpora sint homogenea, momentorum ratio erit composita ex ratione magnitudinum & celeritatum.


Cor. 2. Si fiat ut A ad B, hoc est, ut materiæ quantitas in A ad quantitatem materiæ in B, ita recta D ad rectam E, & compleantur rectangula sub D & C, & sub E & c, erit momentum mobilis A ad momentum mobilis B, ut rectangulum DC ad rectangulum Ec.

Nam quia est ut A ad B, ita D ad E, erit ratio composita ex rationibus A ad B & C ad c æqualis rationi compositæ ex rationibus D ad E & C ad c; sed [per 23. El. 6.] ratio composita ex rationibus D ad E & C ad c æqualis est rationi rectanguli DC ad rectangulum Ec, & [per Theor. hoc tertium] ratio momenti mobilis A ad momentum mobilis B æqualis est rationi compositæ ex rationibus A ad B seu D ad E & C ad c, quare erit ut rectangulum DC ad rectangulum Ec, ita momentum mobilis A ad momentum mobilis B. Cujusvis igitur corporis momentum considerari potest tanquam rectangulum factum ex ductu molis vel quantitatis materiæ in eodem contentæ in ejusdem celeritatem.

Cor. 3. Quare quæcunque demonstrata sunt de horum rectangulorum proportionibus, eadem quoque vera erunt de corporum momentis hisce rectangulis proportionalibus; v. g. si sit ut D ad E, vel ut A ad B, ita c ad C, erunt in eo casu mobilium momenta æqualia; rectangula enim parallelogramma latera reciproce proportionalia habentia æqualia [per 14. El. 6.] & è contra, si rectangula sint æqualia, erunt latera reciproce proportionalia; hoc est, si quantitates materiæ, seu in corporibus ejusdem generis, eorundem magnitudines sint celeritatibus reciproce proportionales, erunt momenta æqualia; & conversim, si momenta sint æqualia, erit ut materiæ quantitas in uno ad quan-

M


titatem



titatem materiæ in altero, ita reciproce hujus celeritas ad illius celeritatem; hinc etiam demonstratur sequens.


THEOR. IV,

In comparatis motibus, celeritatum ratio componitur ex ratione directâ momentorum, & reciproca quantitatum materiæ.



Sint duo mobilia A & B, & feratur A celeritate C, B vero celeritate c. Dico esse C ad c, hoc est, celeritatem unius A ad celeritatem alterius B, in ratione directâ momenti corporis A ad momentum

corporis B, & ratione reciproca materiæ in B ad materiam in A. Fiat ut A ad B, ita recta EI ad rectam KG; & fiat IL æqualis C; GH vero æqualis c; &



compleantur rectangula E L, K H. Per superius dicta rectangula E L, K H representabunt momenta mobilium A & B respective; ad GH applicetur rectangulum H N æquale rectangulo E L. Cum igitur H N æquale sit E L, erit [per 16. El. 6.] I L ad G H, ut G N ad E I; sed ratio G N ad E I æqualis est rationi G N ad G K, & G K ad E I; hoc est, æqualis rationibus rectanguli H N vel E L ad K H rectangulum, & G K ad E I: quare erit celeritas C vel I L ad celeritatem c vel G H, in ratione composita ex ratione momenti E L ad momentum K H, & materiæ G K ad materiam

teriam E I; hoc est, velocitas cujusque corporis semper est ut illius momentum applicatum ad ejusdem materiam. Q. E. D.


Simili prorsus ratiocinio colligitur, corporis cujusque materiam esse semper ut momentum ad ejusdem velocitatem applicatum.

Atque hæc de corporum momentis. De proportionibus spatorum à mobilibus emensurorum sequentia etiam vulgo demonstrantur Theoremata.

THEOR. V.

In comparatis motibus, si mobilium celeritates sint æquales, erunt spatia ab illis percurra directè ut tempora quibus peraguntur motus.

Percurrat mobile longitudinem A B, tempore T, motu æquabili & uniformi; item idem vel aliud mo-



bile eadem velocitate latum percurrat longitudinem C D, tempore t ; dico lineam A B esse ad lineam C D, ut tempus T ad tempus t . Etenim si tempus T sit duplum ipsius t , potest illud dividi in duas partes, quarum unaquæque æqualis erit t , adeoque singula spatia, æqualibus hisce temporis partibus eadem celeritate percurra, æqualia erunt spatio percurso in tempore t ; & duo spatia simul sumpta spatii tempore t percurri dupla erunt: eodem modo, si T sit triplum ipsius t , dividi potest T in tres partes æquales, & spatia singulis hisce temporibus percurra æqualia erunt spatio tempore t percurso; ac proinde tria spatia simul sumpta spatii tempore t percurri tripla erunt; idem de aliis multiplicibus & submultiplicibus ostendi potest; quare


universaliter, quamcunque proportionem habet T ad t , eandem habebit spatium percursum AB ad spatium percursum CD. Q. E. D.

Cor. Si tempora sint ut spatia percurfa, celeritates sunt æquales.

THEOR. VI.

In comparatis motibus, si lationum tempora æqualia sint, spatia percurfa erunt ut celeritates.

Percurrat mobile aliquod in dato tempore longitudinem AB, celeritate C; & in eodem vel æquali tempore, percurrat idem vel aliud mobile longitudinem DE, celeritate c ; dico lineam AB esse ad lineam DE, ut celeritas C est ad celeritatem c . Si enim celeri-



tas C sit dupla ipsius c , erit spatium AB percursum celeritate C duplum spatii DE percurfi celeritate c ; si celeritas C sit tripla ipsius c , erit quoque AB longitudo ipsius DE longitudinis tripla; si C sit dimidia ipsius c , erit AB ipsius DE dimidia; & universaliter, cum æqualia tempora in percurrendis lineis insunt, quamcunque proportionem habet celeritas C ad celeritatem c , eandem habebit longitudo percurfa AB ad longitudinem percurfam DE. Q. E. D.

Cor. Si celeritates sint ut spatia percurfa, tempora erunt æqualia.


Potuiſſent duo prima Theoremata, item quintum & hoc sextum universaliter per æquimultiplicia, Euclidis methodo, demonstrari; verum cum per se adeo clara sint ut inter axiomata reponi possunt, vix tanto demonstrationis apparatu indigeant.

THEOR.

THEOR. VII.


Longitudines percursæ sunt in ratione composita ex rationibus temporum & celeritatum.

Sit linea AB peragrata celeritate C, tempore T; & linea DE celeritate c , tempore t ; dico rationem AB ad DE compositam esse ex ratione celeritatis C ad celeritatem c , & ratione temporis T ad tempus t . Po-



natur linea FG percurri tempore T, celeritate c ; constat AB esse ad DE, in ratione composita ex rationibus AB ad FG, & FG ad DE. Sed cum AB & FG eodem tempore percurrantur; erit AB ad FG, ut celeritas C ad celeritatem c ; cum vero mobilia eadem celeritate describunt lineas FG & DE, erit [per Theor. 6.] FG ad DE, ut T tempus ad t tempus quare cum ratio AB ad DE componitur ex rationibus AB ad FG, & FG ad DE; erit etiam composita ex rationibus AB hisce rationibus æqualibus, nempe ex ratione celeritatis C ad celeritatem c ; & temporis T ad tempus t .

Cor. I. Si fiat HK æqualis C, HI æqualis T, item MN æqualis c , & MO æqualis t , & compleantur rectangula parallelogramma HL, MP; erit AB ad DE, ut rectangulum HL ad MP rectangulum; nam [per 23. El. 6.] est rectangulum HL ad rectangulum MP, in ratione composita ex rationibus HK ad MN, & HI ad MO; sed [per præcedens




dens Theorema] spatium percursum A B est ad spatium percursum D E, in ratione ex iisdem rationibus composita; unde spatia hæc percurfa considerari possunt, tanquam rectangula factu ex ductu temporum in celeritates.

Cor. 2. Si igitur spatia percurfa sint æqualia, erit quoque rectangulum sub celeritate & tempore, quibus unum spatium transigitur, æquale rectangulo sub celeritate & tempore, quibus alterum peragratu spatium; & proinde erit ut celeritas ad celeritatem, ita reciproce tempus ad tempus [per 14. El. 6.]. Si igitur spatia percurfa sint æqualia, tempora erunt reciproce ut celeritates.

THEOR. VIII.

In comparatis motibus, temporum ratio componitur ex directâ ratione longitudinum, & reciproca celeritatum.

Theorema hoc demonstrari potest eodem modo ex precedenti, quo quantum sequitur ex tertio; perspicuitatis autem gratia sic breviter ostenditur. Percurratur tempore T longitudo A B, celeritate C; item tempore t longitudo D E per-



curratur, celeritate c ; dico tempus T esse ad tempus t in ratione composita ex directâ ratione longitudinis A B ad longitudinem D E,

& reciproca celeritatis C ad celeritatem c . Sit K tempus quo pertransiri potest longitudo A B, cum celeritate c , erit ratio temporis T ad tempus t composita ex ratione T ad K, & K ad t ; sed [per corol. precedentis] est ut T ad K, ita c ad C. (cum idem spatium utroque tempore percurritur) & ut K ad t , ita [per cor. theor. 5.] longitudo A B ad longitudinem D E; quare erit T ad t in ratione composita celeritatis

tis

tis c , ad celeritatem C , & longitudinis AB ad longitudinem DE ; hoc est, tempora sunt in ratione composita ex reciproca celeritatum, & directa longitudinum. $Q.E.D.$

Eodem modo ostenditur, celeritates esse in ratione directa longitudinum, & reciproca temporum.

Cor. 1. Atque hinc sequitur tempus esse ut spatium percursum applicatum ad celeritatem.

Cor. 2. Celeritas quoque est ut spatium percursum applicatum ad tempus.

Theorema tertium & septimum demonstrari possunt ex universali hoc theoremate, nempe,

Si effectus aliqui ex pluribus simul causis pendeant, ita scil. ut augeantur vel diminuantur in eadem ratione, qua augeatur aut diminuitur causarum aliqua, erunt effectus illi in ratione causarum omnium composita; hoc est, si causæ A, B, C simul agentes producant effectum E , qui cæteris iisdem manentibus semper est ut causarum quævis; & aliæ causæ a, b, c , prioribus respectively similes & similiter agentes, producant effectum e erit; ut E ad e ita $A \times B \times C$ ad $a \times b \times c$. Quod methodo simili ei, quam in præcedentibus demonstrationibus adhibuimus facile ostendi potest.

Ad eundem modum, si idem effectus ex pluribus rebus simul pendeat, quarum aliquæ eundem adjuvant vel augeant, in ea ratione qua ipsæ augeantur; aliquæ vero impediunt vel minuunt, in eadem ratione qua augentur, erit effectus semper directe ut causæ adjuvantes, & reciproce ut agentes impediētes vel minuentes.

Theorema septimum in stylo Newtoniano sic demonstratur,

Data celeritate, spatium percursum est ut tempus; & dato tempore, spatium percursum est ut celeritas; quare neutro eorum dato, est ut celeritas & tempus conjunctim.

Sic

Sic etiam Theorema octavum ostenditur,

Data celeritate, tempus est directe ut spatium percursum; & dato spatio, tempus est reciproce ut celeritas; quare neutro dato, tempus erit directe ut spatium & reciproce ut celeritas.

Similiter Theoremata tertium & quartum efferri possunt, atque hanc methodum nos etiam brevitati studentes interdum usurpabimus.

LECTIO X.

IN Demonstrationibus præcedenti lectione adhibitis methodum exposuimus, qua res physicae ad Geometriam primo, deinde ad Arithmeticam reducendæ sunt; cum enim ibi demonstratur corporum motus esse ut rectangula sub ipsorum celeritate & materia; ex datis cujusvis corporis materia & celeritate, dabitur ejusdem momentum; æquale scil. factò ex celeritate corporis in ejusdem quantitatem materiæ; v. g. sit corpus A octo partium, B vero partium sex, celeritas ipsius A ut 5, & corporis B celeritas ut 3; erit motus corporis A quadraginta partium; & motus corporis B partium tantum octodecim.

Ita ex datis corporis cujusvis momento & materia, innotescet quoque illius celeritas; nempe si dividatur momentum per ipsius materiam, quotiens exhibebit ejusdem velocitatem; sit enim motus in corpore A partium 40, & ejus materia octo partium; sit etiam motus in corpore B partium octodecim, & illius materia partium 6; dividendo quadraginta per octo, quotiens quinque exhibebit, velocitatem sc. mobilis A; & dividendo octodecim per 6, Quotiens tria dabit, velocitatem mobilis B.

Cum per exempla res magis elucescunt, & numeri semper ad praxin sunt advocandi, ut tyrones se melius illis assuecant; licebit nobis scientiam de motu per numeros quandoque illustrare, & Arithmeticam tam speciosam quam numerosam adhibere; ex speciosa enim Arithmetica eruuntur canones quidam generales, qui postea ad numeros particulares sunt applicandi.

Sic denotet A materiam in quovis dato corpore A, C vero ejusdem celeritatem, atque ipsius momentum vocetur M; vel potius hæ literæ denotent numeros quantitatis illis proportionales; erit $C \times A = M$ & $C =$

$$\frac{M}{A} \text{ \& \& } A = \frac{M}{C}$$

N

Simi

Similiter cum spatium percursum sit semper re-
ctangulo sub celeritate & tempore proportionale: Si
spatium dicatur S , tempus T , & celeritas C , erit
 $S = C \times T$; & $C = \frac{S}{T}$; & $T = \frac{S}{C}$; & proinde cum

fit $M = A \times C$, erit quoque $M = \frac{A \times S}{T}$; vel si T dentur,

erit $M = A \times S$; hoc est, cuiusque corporis momentum
est ut ipsius materia ducta in spatium, ab ipso in dato
tempore percursum. Alia quamplurima hinc similia,
quæ nonnulli pro motus legibus venditant, ex hæcenis
demonstratis deduci possunt; at cum ea omnia tyro qu-
vis facile per se eruere potest, non opus est ut hic pro-
ferantur.

Ex supra demonstratis constat, momentum corporis
cuiuscunque oriri ex motu partium singularium; nam
singulis corporis particulis inest impetus seu vis mo-
vendi, & ex harum virium summa componitur impetus
seu quantitas motus totius corporis.

Hinc etiam colligitur; quo major corporibus inest
materiæ quantitas, eo major adhibenda est vis ad cor-
pora ea cum data velocitate movenda, & eorum promde
momenta eadem ratione maiora erunt; si igitur sint
duo corpora eadem velocitate lata, erunt quantitates ma-
teriæ in ipsis semper ut eorundem momenta; adeoque
si corpora mole æqualia inæqualia habuerint momen-
ta, necesse est, ut in illis inæquales quoque sint materiæ
quantitates; & quod minus habet momenti, plures ha-
bebit poros seu spatia, vel omnino vacua, vel materia
aliqua repleta, quæ non participat de motu totius
corporis, cuius poros implere supponitur; sic, e.g. si
fiant duo globi suberis & plumbi, ejusdem magnitudi-
nis, & utrumque eadem velocitate moveatur; cum ex-
perientia notum est, momentum unius multo majus esse
momento alterius, necesse est ut multo plures sint pori
in uno quam in altero, quos vel omnino vacuos esse
conce-

concedendum est, vel dicendum eos materia aliqua subtilissima repletos esse, quæ ita libere potest ejusdem poros permeare, ut de motu corporis, cujus poros occipat, non participet.

Ubi autem materia illa libere possit aliorum corporum poros permeare nec de ipsorum motu participare, oportet ut omnia corpora omnes suos poros secundum rectas lineas directioni motus parallelas extensos habeant; ut scilicet nullæ sint reflectiones materiae subtilis contra pororum latera; alioquin una cum ipso corpore movebitur materia, etiamsi subtilissima, quæ ipsius poros replet supponitur; non potest igitur materia subtilis de corporis motu non participare, nisi corpus motum ita disponatur, ut poros suos directioni motus parallelos habeat; cum autem infinitis aliis modis ipsius situs variari potest; hoc est, possunt pororum longitudines in infinitis angulis ad lineam directionis inclinari, & proinde illis omnibus positus, moto corpore, una movebitur materia subtilis in ipsius poris locata; non igitur potest materia subtilis ita corporum poros libere permeare quin de ipsorum motu participet; ac proinde moto corpore, movebitur quoque materia intra ipsum contenta quantumvis subtilis sit; si igitur suber moveatur, secum quoque deferet materiam in ejus poris contentam, adeoque cum minus habet momenti quam globus plumbeus ejusdem magnitudinis eadem velocitate latus, minor erit in subere materiae copia, & proinde plures pori seu spatia absolute vacua.

Ex demonstratis etiam deducitur sequens theorema.

T H E O R. IX.

Pondera corporum omnium sensibilibum juxta terræ superficiem, sunt quantitativis materiae in iisdem proportionalia.

Nam, ut multiplici pendulorum experientia constat, corpora omnia vi gravitatis perpendiculariter cadentia

(abstractendo aeris resistantiam) æqualia spacia in iisdem temporibus percurrunt; Nam in vacuo seu medio non resistenti, non plus temporis impendit in descendo minutissima quævis plumula, quam ponderosum plumbum; adeoque omnium corporum in dato tempore cadentium velocitates sunt æquales; erant igitur eorum momenta quantitativis materiæ in iisdem proportionalia; verum vires motum generantes sunt semper motibus seu momentis generatis proportionales, & proinde in hoc casu erunt ut quantitates materiæ in corporibus motis; sunt autem vires quæ motus illos generant ipsæ corporum gravitationes, hoc est, pondera; Omnium igitur corporum pondera sunt quantitativis materiæ in corporibus existentibus proportionalia.

Q. E. D.

Cor. 1. Corporis igitur cujuscvis pondus, ex aucta solummodo vel diminuta materiæ quantitate, augetur vel diminuitur;

Cor. 2. Quare eadem manente materiæ quantitate in corpore quovis dato, idem quoque manebit ejusdem pondus, & quomodocunque variatur ejusdem figura vel textura particularum corpus illud componentium, pondus tamen ipsius non mutabitur: adeoque corporum omnium pondera ab illorum formis seu partium texturis non pendent.

Cum (per Axioma 14) Natura cujuscunque materiæ est eadem, nec unum corpus ab alio differt, nisi modaliter, per partium figuram, situm & alias istiusmodi formas, erunt corporum affectiones, quæ ab illorum formis non pendent, in omnibus corporibus eadem; adeoque cum (uti dictum est) corporum pondera ab illorum formis non oriantur, sed à materiæ quantitate pendeant, in æqualibus materiæ quantitativis, in eadem à terræ distantia, æquales erunt versus terram gravitationes; si vero duorum corporum pondera sint inæqualia, inæquales quoque erunt in iis materiæ quantitates.

Ponamus jam duos globos, plumbi scil. & suberis,
æqua-

æqualium magnitudinum; si in utroque eadem esset materiae quantitas, (per jam ostensa) utrumque corpus æqualiter ponderaret; nam materia subtilissima poros fibris occupans, æque ponderaret ac materia plumbi ipsi æqualis; cum vero magnum sit in duobus hisce globis ponderum discrimen, magnum quoque erit in eisdem materiae discrimen; & si plumbum fibere sit triplo gravius, triplo quoque major erit in plumbo contenta materia, quam in fibere; adeoque plures erunt in plumbo pori seu plura spatia absolute vacua: vacuum igitur non tantum possibile est, sed & actu datur; quod erat probandum, atque hinc sequitur materiae quantitatem in quovis corpore rite per ipsius gravitatem æstimari posse.

Cum momentum augeri potest, tam ex aucta materiae quantitate, eadem manente velocitate, quam ex aucta velocitate, eadem manente materia, veteres (quos vis pulveris pyrii ad corpora celeriter movenda latebat) machinis ad hostium muros diruendos ita comparatis utebantur, ut ingens materiae moles, etsi non magna velocitate, vehementi tamen impetu muros concuteret; at hodie per explosionem pulveris pyrii ex tormentis bellicis magna velocitate parvi globuli impelluntur. Quamvis autem veterum machinae bellicae hodiernis multum cedant, ipsarum tamen vis ad muros evertehdos incredibilis fere fuit; arietes enim ex ingentibus trabibus sibi invicem commissis compositi erant; quorum pondus vel hinc æstimari potest, quod sc. ipsorum aliqui sex hominum millibus (ut alii sc. aliis succederent) ad ipsos gubernandum & motum eis imprimendum indigebant; ea illorum pars, qua murum percutiebant, gravi ferro consolidata fuit, & ex funibus ita dependebant (Arietes compositos intelligo) ut ipsorum longitudines horizonti essent parallelæ; unde magna virorum manu retrorsum acti, statim sua gravitate & hominum viribus simul agentibus antrosum pulsî, prominenti ferro muros quatiebant; & teste Josepho, nullæ fuerunt tæres tam validæ, aut mania tam lata, quæ potuerunt assidue ipsorum plagas sustinere.

In machinis, quæ per circumgyrationes rotarum pondera elevant, aliquando per additionem plumbi rotæ graviores redduntur; ut scil. major materiæ copia majorem impetum, seu motus quantitatem concipiat, quam per quam resistentiæ, tam ex aere quam ex materiæ frictione orta, melius resistatur & diutius conservetur motus, qui proinde semel inceptus facile continuabitur.

Ab eodem quoque pendet principio, quod lanifices in nendo fusis suis versoribus graves turbines imponunt, ut gyrationes diutius perseverent. Cum scil. motus pars per resistentiam aeris amissa, ad motum ex materiæ additione auctum, minorem habet rationem, quam est ea quam haberet ad motum non auctum.

Ex prædictis etiam solvitur sequens problem.

P R O B L E M A

Dato corpore quovis & ejus celeritate, & alio quovis corpore etiam dato; Invenire velocitatem eam, cum qua si moveatur aliud illud corpus, habebit momentum æquale momento prioris corporis dati.

Nempe corpus A moveatur celeritate C; & detur aliud corpus B, quod movendum est cum tali velocitate, ut ipsius momentum æquale sit momento corporis A; fiat ut B ad A, ita C ad aliam c ; erit hæc velocitas, cum qua si moveatur B, habebit momentum æquale momento corporis A.




Atque hinc sequitur, corpus quodcumque parvum posse habere momentum æquale momento corporis utcumque magni, quod cum data velocitate movetur. Ex hoc principio pendens omnes machinarum vires, ad corpora

pora trahenda vel elevanda; nempe si machinæ ita fabricentur, ut sit potentiz velocitas ad velocitatem ponderis, ita pondus ad potentiam; in eo inquam casu, potentia pondus sustinebit. Liceat in rei exemplum verum adducere, primum illud & simplicissimum instrumentum mechanicum, & ope sequentis Theorematis hanc rem in ipso ostendere.

THEOR. X.

Sit AB vectis (qui tanquam recta inflexilis consideratur) circa punctum seu fulcrum C tantum rotabilis, erit cujusque puncti velocitas, ut ipsius distantia à fulcro.

Nam moveatur vectis ex situ ACB ad situm $\alpha C \beta$, & punctum A describet peripheriam $A\alpha$; B vero per-




curret interea peripheriam $B\beta$, quæ proinde erunt ut ipsorum velocitates (per Theor. 6.) sed propter sectores $AC\alpha$, $BC\beta$ similes, est $A\alpha$ ad $B\beta$, ut AC ad BC ; quare erit velocitas puncti A ad velocitatem puncti B , ut AC ad BC ; hoc est, punctorum velocitates sunt ut ipsorum à fulcro distantiz. Quod si punctis A & B applicentur potentiz vectis brachia tantum sursum vel deorsum trahentes, spatia quæ ab ipsis describuntur secundum vel contra propensiones suas, non sunt peripheriz $A\alpha$, $B\beta$, sed perpendiculariter αF , βE in hori-

zontem

zontem demissa; nam potentia A per spatium αF tantum & non amplius progressa est secundum directionem vel propensionem suam, adeoque ipsius velocitas per hanc rectam est æstimanda; sicut ob eandem causam velocitas potentie B æstimanda est per rectam βE ; sed (ob similia triangula $\alpha C F$, $\beta C E$) est αF ad αC , vel A C, ut βE ad βC , vel B C; quare erunt etiam potentiarum velocitates ut ipsarum à fulcro distantia.

Cor. 1. Cum corporis cuiusque momentum est ut ejus pondus seu vis gravitatis & velocitas conjunctim, si diversa mobilia seu potentie vecti applicentur, erunt ipsorum momenta etiam ut vires seu pondera & distantia à centro conjunctim.

Cor. 2. Adeoque si eidem vecti duo applicentur pondera, ad distantias à centro seu fulcro ipsis ponderibus reciproce proportionales, erunt ipsorum momenta æqualia; nam velocitates sunt ut distantia à centro, adeoque (ex hypothesi) ipsis ponderibus reciproce proportionales, & proinde (per *Cor. Theor. 3.*) erunt ipsarum momenta æqualia; adeoque si contrariè agant, mutuum effectum tollunt (per axioma 10.) & proinde vectis non movebitur. Sic e.g. si vecti A B applicentur duo pondera A & B, talia, ut pondus A sit ad pondus B, ut B C ad




A C, erunt ipsorum ponderum momenta æqualia; sed in hoc casu contrariè agunt, quare vires æquales contrariè agentes omnem motum tollent, & vectis non movebitur, sed situm quemcunque datum retinebit; atque sic per applicationem vectis fieri potest ut vis quævis, utcunque parva, v.g. quæ uni libræ æquipollet, pondus quodvis, utcunque magnum nempe mille seu decem mille librarum, potest sustinere; scil. si ita ponatur fulcrum, ut potentia sit ad pondus, reciproce ut eorum à fulcro distantia; adeoque si tantillum augeatur potentia, vel pondus minuat, potentia pondus elevabit.

Cor.

Cor. 3. Per machinās igitur mechanicas non augetur potentia, quod quidem fieri non potest, sed pondus elevandi vel trahendi velocitas ita per instrumenti applicationem minuitur, ut ponderis momentum potentia non majus evadat; sic, exempli gratia, si vis eadem agens possit elevare datum pondus unius libræ a data velocitate, per nullum instrumentum fieri potest: ut eadem vis elevet pondus duarum librarum cum eam velocitate; potest tamen per instrumentum cum velocitatis dimidio pondus duarum librarum elevare; potest eadem potentia pondus mille vel decem millibrarum elevare cum velocitatis parte millesima vel eam millesima; sed non ideo augetur potentia vis, sed tantus quem producit in elevando pondus illud maximè omnino æqualis est motui, qui producitur cum eatur pondus unius libræ.

Ex dictis etiam patet ratio, cur canalibus communicantibus eæse amplitudinis conservari liquorum æquilibrium. Sit in canali amplius ABCD, et alio angustiore MNKH communicans in C; in utraque ali infusa aqua ad eandem altitudinem affurget, & descendens conatus seu vis, quam habet aqua in canali FH ad elabendum per orificium C, æqualis est aquæ in canali AC ad descendendum per idem orificium. Si ponatur, aquam descendente in canali AC per altitudinem AI; necesse est, ut aqua in canali FH ascendat ad altitudinem HN, talem scilicet ut cylindrus aquæ MFGN æquifit cylindro AILD, scilicet cylindro aquæ, quæ in canali AC descendit; sed æqualium cylindrorum reci-



procantur bases & altitudines (per Prop. El. undecimi) hoc est, erit FM ad AI, ut orificium AD ad orificium MN vel FG; sed est FM ad AI, ut velocitas ascensus aquæ in canali FN ad velocitatem descensus aquæ in canali AC, & est orificium AD ad orificium FS, ut aqua in AC ad aquam in canali FH, nam cylindri æque alti sunt inter se ut bases; quare erit velocitas aquæ ascendens in canali FH ad velocitatem aquæ descendens in canali AC, ut aqua in canali AC ad aquam in FH; hoc est, aquarum velocitates sunt ipsius reciproce proportionales, & proinde erunt aquarum momenta æqualia; sed sunt contraria, quare nullus sequetur motus.

Hinc obiter patet ratio, cur aqua vel fluidum quodvis ex latiore in angustiore alveum defluens *majori* celeritate moveatur.

Hinc si in corpore animali, arteriarum ramuli vel arteriæ Capillares habeant summam orificiorum seu potius sectionum transversarum, majorem sectione transversa arteriæ magnæ seu Aortæ, unde omnes oriuntur, erit sanguinis velocitas in extremitatibus corporis minor, quam in Aorta; si verò æqualis sit hæc summa sectioni transversæ Aortæ, erit velocitas sanguinis in iisdem æqualis velocitati sanguinis in Aorta; si minor sit summa, tunc major erit velocitas sanguinis per extremas arterias transcurrentis, quam in Aorta.

LECTIO XI.

De Legibus naturæ.

HActenus Theoremata de motus quantitate, spatiis à mobilibus percursis, & quæ exinde consequuntur corollaria demonstrata dedimus; ad leges naturæ jam deventum est, illas sc. leges, quas omnia corpora naturalia constanter observare necesse est. Has igitur eodem ordine, & iisdem verbis, prout ab illustri *Newtono* proponuntur trademus, quarum prima hæc est.

LEX. I.

Corpus omne perseverat in statu suo quiescendi vel movendi uniformiter in directum, nisi quatenus à viribus impressis cogitur statum illum mutare.

Cum corpora naturalia constant ex materiæ massa, quæ sibiipsum nullam status sui mutationem inducere queat; si prius quiescebant corpora, oportet ut in ea quiete semper permaneant, nisi adsit vis nova ad motum in iis producendum; si vero in motu sint, eadem energia seu vis motum semper conservabit; & proinde corpora motum suum semper retinebunt & secundum eandem rectam eodem tenore semper progredientur, cum nec sibiipsis quietem, nec retardationem, nec directionis suæ mutationem ad deflectendum versus dextram aut sinistram acquirere valeant. Philosophos novimus, qui facile agnoscunt nullum corpus posse seipsum movere, hoc est, per se ex quiete ad motum transire; at non æque lubenter concedunt corpora semel mota non posse per se ad quietem tendere, eo quod videant pro-

jectorum motus paulatim languescere, & ipsa mobilia ultimo ad quietem pervenire.

Verum ut nullus modus, vel accidens, sponte sua semper se destruitur, & sicut omnes effectus à causis transeuntibus producti semper permanent, nisi adsit nova aliqua & extranea causa quæ ipsos tollat; sic etiam motus semel inceptus semper continuabitur, nisi vis aliqua externa adsit, quæ ipsi obstat; nec magis potest corpus semel motum, motum seu energiam suam ad movendum deponere, & per se ad quietem redire, quam potest figuram semel sibi inductam exuere & aliam recentem absque causa extrinseca acquirere.

Inest præterea corporibus vis quædam, seu potius inertia, qua mutationi resistunt, unde est quod difficulter admodum è statu suo, qualiscunque is sit, deturbentur; vis vero illa eadem est in corporibus motis ac quiescentibus, nec minus resistunt corpora actioni, quæ à motu ad quietem reducuntur, quam ei, quæ à quiete ad motum transeunt; hoc est, non minor requiritur vis ad corporis alicujus motum sistendum, quam prius necessaria fuit ad eundem motum eidem corpori imprimendum: unde cum vis inertie æqualibus mutationibus æqualiter semper resistit, illa non minus efficax erit, ut corpus in motu semel incepto perseveret, quam ut corpus quiescens semper in eodem quietis statu permaneat.

Quidam sunt Philosophi, qui corpus ex sua natura tam ad motum quam quietem indifferens esse supponunt; at per indifferentiam illam non (ut opinor) intelligunt talem in corporibus dispositionem, per quam quieti aut motui nihil omnino resisterent; quippe hoc posito, sequeretur corpus quodvis maximum summa celebritate motum à minima quavis vi posse sisti; aut si quiesceret magnum illud corpus, ab alio quovis minimo propelli, absque ullo velocitatis corporis impellentis decremento; hoc est, corpus exiguum quodvis in aliud maximum impingens posset illud secum abripere sine ulla
 ipsius

ipsis retardatione; sed utrumque corpus post impul-
 sum junctim fererentur cum ea celeritate, quam prius
 corpus illud exiguum habebat, quod absurdum esse
 omnes novimus; non igitur indifferentia illa sita est in
 non renitentia ad motum ex statu quietis, aut ad quie-
 tem ex statu motus, sed in eo solum, quod corpus ex
 sua natura non magis ad motum quam ad quietem pro-
 pendet, nec magis resistit transire à statu quietis ad mo-
 tum, quam à motu rursus ad eandem quietem redire;
 potest præterea corpus quodvis quiescens à quavis vi mo-
 veri, potest æqualis secundum contrariam directionem
 agens motum illum destruere; atque in hoc indifferentiam
 illam sitam esse volunt.

Cum, secundum expositam naturæ legem, corpus omne
 semel motum in eodem semper perseverat, quærunt Phi-
 losophi cur projecta omnia motum suum (quem vio-
 lentum vocant) sensim amittunt? cur non in infinitum
 pergunt? si motus ex sua natura non languesceret, po-
 tuisset lapis ex manu projicientis sub initio mundi emis-
 sus spatium fere immentum, & tantum non infinitum,
 pertransiisse. Sic equidem potuit, si in vacuo seu spa-
 tiis liberis motus absque gravitate fieret. Verum cum
 omnia projecta vel per aerem vel super aliorum cor-
 porum superficies scabras feruntur, exinde provenit eo-
 rum retardatio; cum enim necesse sit, ut mobilia aerem
 obstantem è loco suo pellant & dimoveant, vel ut su-
 perficiei, super quam moventur, scabritiem vincant,
 oportet ut vim & motum illum omnem amittant, qui
 hisce obstaculis continuo impenditur, & proinde proje-
 ctorum motus semper diminuetur; si vero nulla esset
 medii resistentia, nulla superficiei, super quam decur-
 runt mobilia, asperitas, nulla gravitas quæ corpora ter-
 ram versus continuo pelleret, absque omni retardatione
 idem semper continuaretur motus; Sic in coelis, ubi me-
 dium tenuissimum est, Planetæ diutissime suos conser-
 vare possunt motus, & super glaciem aut alias super-
 ficies politas seu minime scabras corpora ponderosiora
 serius ad quietem reducuntur.

Desi-

Definant jam Philosophi continuati motus exquirere causam, alia quippe agnoscenda est nulla, præter primam illam, quæ non modo motum sed res omnes in esse suo conservat, Deum scil. Opt. Max. nec alia ratione perseverat motus, quam continuatur corporis alicujus figura, color, aut alix quævis istiusmodi affectionum, quæ semper eadem permanerent nisi vis aliqua externa eas turbaverit.

Multo quidem rectius & magis secundum bonæ methodi leges egissent, si rationes retardati & amissi motus investigassent: verum quosdam in hac re adeo excutire deprehendimus ut illud ipsum ponant causam ~~continuari~~ motus, ex quo revera ejus retardatio provenit.

Definant etiam Philosophi de communicatione *motus* tantas lites movere; ex supra positis enim facile intelligitur, cur lapis ex projicientis manu tanto cum impetu emititur: quippe quum lapis in manu continetur, necesse est ut de motu ipsius manus participet (per Cor.) adeoque eadem celeritate & versus eandem plagam, qua ipsa manus, feretur; sed corpus omne naturale semel motum in eodem perseverat motu (per legem supra positam) donec ab agente externo impediatur; unde cum projiciens manum suam retrahit, lapis non retrahitur recta progreditur. Eodem prorsus modo, si navis aut cymba ventis vel remis celeriter agatur, qui in ipsa sedeant eundem celerem motum ipsis communicatum habent, at si subito sistatur navis, res omnes in navi positæ motum suum continuare conantur, & quæ ipsi navi firmiter non adhærent, post illius quietem relictis locis suis etiamnum progrediuntur; atque hinc periculum est ne homines in navi relative quiescentes, post tam subitam & quasi violentam status sui mutationem, prorsum præcipitentur, cum scil. motus, quem prius ab ipsa navi acceperunt, nondum destructus est.

Si lapis in funda celeriter circumagatur, cum ea celeritate circulum describet quam habet ea fundæ pars,
in

in qua ponitur; cum vero corpus omne secundum rectam lineam progredi affectat, lapis in singulis orbitæ suæ punctis secundum lineam orbitam in puncto in quo est tangentem egrederetur, nisi à filo detentus esset; adeoque si filum demittatur, rumpatur, vel alio quovis modo lapidem cohibere desinat, lapis non ulterius in circulo sed secundum rectam lineam movebitur, secluso motu ex ipsius gravitate orto.

Conatus ille, quem lapis circumgyratus habet in quovis suæ orbitæ puncto secundum tangentem egrediendi, filum per quod in orbita detinetur tendit, & vis illa, qua filum tenditur, ex vi centrifuga oritur, per quam scilicet à peripheria recedere coratur. Tensionem hanc quisque in funda facile experiri potest; & per experientiam invenimus, quo celerius circumgyratur lapis, vel etiam quo majus materiæ pondus in funda ponatur, eo majorem fieri fili tensionem.

Ob hanc rationem volunt quidam Philosophi centrifugam hanc vim à sola gravitate proficisci, huic tamen sententiæ nec ratio nec experientia favet; nam in funda non solum tenditur funis cum lapis partem suæ orbitæ infimam percurrit, sed etiam dum superiorem partem describit; quod à gravitate oriri non potest, cum gravitas lapidem in superiore suæ orbitæ parte, tantum urgere potest versus centrum, quæ directe contraria est vi centrifugæ quæ illum à centro recedere cogit; præterea cum lapis in plano horizontali in circulo revolvitur, filum quoque tenditur; sed gravitas tensionem illam in illo plano nullo modo producere potest, cum lapis nec sursum nec deorsum fertur, cujus proinde motus à gravitate hæc nec augebitur nec minuetur: non igitur à gravitate oritur vis centrifuga, sed à solo conatu quem habent corpora omnia secundum rectam lineam progrediendi.

Si terram circa suum axem rotari supponamus, nos omnes qui in ejus superficie degimus una cum ipsa revolveremur; adeoque si subito sisteretur ejus motus,

res

res omnes ipsi firmiter non adhærentes vehementi ^{motu} excussæ ab illa recederent; sic etiam si circa solem ^{mo-}tu annuo deferatur, & subito illa revolutio ^{mo-}sisteretur, res omnes excussæ, planetarum instar, circa solem ^{gra-}trarentur; ob eandem causam qua prius ipsa tellus circa solem movebatur.

Cum tellus circa axem vertitur & res omnes in ipsi circulos describunt æquatori parallelos, quærun Philo-
sophi unde sit, ut corpora omnia ab ejus superficie non excutiantur, cum per naturæ legem corpora omnia motum secundum rectam lineam affectant? Sic equidem excuterentur, nisi alia adesset vis, per quam ad terram detinentur, quæ est ipsa gravitatio vi centrifuga multo potentior.

Si vas aquæ plenum in plano quovis horizontali ponatur & subito vi satis magna impellatur, aqua in vase sub initio versus partes motui vasis contrarias tendere videbitur; non quod revera talis motus aquæ impressus est, sed cum illa in eodem quiescendi statu permanere conatur, vas motum suum aquæ intra ipsum contentæ communicare statim non potest, & proinde aqua à vase derelicta, & revera quiescens, locum suum relativum mutare videbitur. Tandem postquam vasis motus aquæ impressus est, & illa una cum vase uniformiter & eadem celeritate progredi cæperit, si subito sistatur vas, aqua tamen in eodem motu perseverare conabitur, & super vasis latera affurgens pars illius ulterius progredietur.

Si navis tempestate & turbulento mari jactetur, in ipsa sedentes homines & relative quiescentes doloribus, ægritudine, nausea & vomitu afficiuntur, præsertim si mari minus affueti fuerint; cum scilicet liquores in ipsorum ventriculis, intestinis, vasibus sanguiferis, & cæteris ductibus contenti, navis jactationibus non statim obediunt, unde in corpore humano fluidorum motus turbabitur, & morbi orientur.

Mutatio motus est semper proportionalis vi motrici impressæ, & fit semper secundum rectam lineam, quæ vis illa imprimitur.

Sequitur ex axioma 4; si enim vis aliqua motum quemvis generet, dupla duplum, tripla triplum generabit; & hic motus quoniam in eandem semper plagam cum vi generatricæ determinatur (quippe ab illa tantum oritur) fiet semper secundum eandem plagam (per legem primam); nec potest corpus secundum aliam quamvis plagam deflectere, nisi adsit nova vis priori obstandi; adeoque si corpus antea movebatur, motus ex vi impressa productus motui priori vel conspiranti additur, vel contrario subducitur, vel obliquo oblique adjicitur, & cum eo secundum utriusque determinationem componitur.

Si vis aliqua in dato corpore motum producat, (per legem primam) corpus illud in motu suo semper perseverabit; si vero postea vis eadem vel æqualis secundum eandem directionem rursus in idem corpus agat, motus exinde productus priori æqualis erit, & proinde summa motuum prioris dupla erit; si denuo vis eadem tertio in idem corpus similiter agat, motus hinc ortus erit etiam primo æqualis, & proinde summa motuum erit motus primò impressi tripla; & similiter si vis eadem rursus in idem corpus ageret, omnium motuum summa erit primò impressi quadrupla, & sic continuo.

Hinc si vis hæc nova æqualibus temporum intervalis continuo æqualiter ageret, motus exinde ortus esset ut summa temporum quibus generatur; adeoque cum, (ob datum corpus) motus sit ut velocitas, erunt velocitates sic genitæ ut tempora ab initio motus, & motus esset æqualiter acceleratus; hinc sequentia Theoremata facile demonstrantur.

THEOR. XI


Si corpora in omnibus à terra distantius equaliter gravitent, erit motus corporum sua gravitate in eadem recta cadentium motus æquabiliter acceleratus.

Supponatur tempus in quo grave cadit divisum esse in particulas æquales & valde exiguas, & gravitas prima temporis particula agens corpus versus centrum pellat; si jam post primum illud tempus omnis gravitatis actio cessaret & corpus desinerec esse grave, nihilominus motus ex primo impulsu acceptus semper continuaretur & corpus ad terram æqualiter accederet (per legem primam;) verum cum corpus continuo sit grave & gravitas indefinenter agat, etiam in secunda temporis particula eadem gravitatio alium impulsu prioris æqualem ipsi communicabit, & corporis velocitas post duos hos impulsus prioris dupla erit; & si vis gravitatis omnino tolleretur, corpus tamen cum eadem celeritate in eadem recta moveri perseverabit; cum vero & tertia temporis particula corpus eadem gravitate urgetur, alium quoque motum priorum utrivis æqualem post tertium illud tempus acquirat; sic etiam in quarta temporis particula gravitatio quartum impetum singulis priorum æqualem ipsi gravi superaddit; & sic de cæteris. Impetus igitur seu motus dati corporis à gravitate acquisiti sunt ut particule temporis ab initio elapse; adeoque cum actio gravitationis sit continua, si particule illæ infinite exigue sumantur, erit corporis cadentis motus ex gravitate acquisitus ut tempus ab initio casus elapsum; cumque corpus datum sit, erit motus ut ipsius velocitas, ergo velocitas erit semper ut tempus in quo acquiritur. Gravi igitur cadenti æqualibus intervallis æqualia accedunt velocitatis incrementa, & proinde ejus motus erit uniformiter acceleratus. Q. E. D.

Similiter

Similiter ex iisdem principiis demonstrari potest corporum eadem recta sursum tendentium motum esse æquabiliter retardatum; cum scil. vis gravitatis, contra motum inceptum continuo & æqualiter agens, æqualibus temporibus remittit ipsos motum minuit, usque dum motus omnis sursum omnino sublatus sit.

Cor: Recta A B exponat tempus quo corpus cadit, & B C cum A B faciens angulum rectum exponat velocitatem in fine istius casus acquisitam, jungatur A C, & per punctum quodvis D ducatur D E ad B C parallela; erit hæc ut velocitas fine temporis A D acquisita. Nam (ob triangula A B C A D E æquiangula) est A B ad A D sicut B C ad D E, sed B C representat velocitatem in tempore A B, quare (cum velocitates sunt ut tempora) D E representabit velocitatem acquisitam in fine temporis A D: similiter F G representabit velocitatem in puncto temporis F, & in omnibus temporis punctis velocitates erunt ut rectæ intra triangulum, per ipsum ductæ & basi B C parallela.




THEOR. XII.

Si grave ex quiete motu uniformiter accelerato descendat; spatium, quod ab ipso in dato ab initio motus tempore percurritur, dimidium erit istius quod in illo tempore uniformiter percurri potest cum ea velocitate, quæ fine istius temporis à gravi cadente acquiritur.

Sit A B tempus in quo cadit grave, sitque B C velocitas ultimo acquisita, compleatur triangulum A B C & rectangulum A B C D; porro distinguatur tempus

A B in innumeras particulas $ei, im, mp, \&c.$; D
cantur $cf, ik, mn, pq, \&c.$ basi parallelæ; (per Cor.




preced:) *est* erit ut velo-
tas gravis in temporis par-
ticula infinite exigua ei ; ik
 $erit$ ejus velocitas in par-
ticula temporis im ; mn
 $erit$ ipsius velocitas in
punctum temporis mp ; pq
 $erit$ velocitas in tem-
poris particula po ; (sed per
Cor. Theor. 7.) spatium in
quovis tempore & cum qu-
vis celeritate percursum est
ut rectangulum sub eo tem-
pore & celeritate; quare erit

spatium percursum tempore ei cum velocitate ef ut
rectangulum if ; sic spatium percursum tempore im
cum celeritate in erit ut rectangulum mn ; sic etiam
spatium percursum cum celeritate mn tempore mp
erit ut rectangulum pn ; & sic de cæteris. Quare erit
spatium percursum in omnibus hisce temporibus, ut
omnia hæc rectangula seu ut rectangulorum omnium
summa; cum autem temporis particula infinite exigua
sunt, erit omnium rectangulorum summa æqualis tri-
angulo ABC; est vero (per supracitatum Corol. The-
or. 7.) spatium à mobili percursum tempore AB cum
uniformi celeritate BC ut rectangulum ABCD; unde
erit spatium percursum à gravi in dato tempore ca-
denti ex quiete ad spatium percursum in eodem tempore
cum velocitate uniformi æquali ei quæ ultimo acqui-
ritur à gravi cadente, ut triangulum ABC ad rectan-
gulum ABCD; sed triangulum ABC est dimidium
rectanguli ABCD, unde erit spatium quod à gravi
cadenti ab initio casus in dato tempore percurritur di-
midium ejus quod percurri potest in eodem tempore
cum velocitate ultimo acquisita. Q. E. D.

Cor.

Cor. 1. Spatium, quod percurritur cum velocitate GB in tempore aequali dimidio ipsius AB , aequalis erit spatio à gravi cadenti tempore AB percurso.

Cor. 2. Ex ipsa demonstratione sequitur, ut spatium percursum tempore AB representetur per triangulum ABC , sive spatium tempore AF à gravi emensum per triangulum AFG representari posse; item spatium peractum tempore AD per triangulum ADE exponetur.



Cor. 3. Spatia percursa ab initio casus computando sunt in duplicata ratione temporum; nam spatium percursum tempore AB est ad spatium percursum in tempore AF ut triangulum ABC ad triangulum AFG ; sed (ob similia triangula ABC AFG) triangulum ABC est ad triangulum AFG in duplicata ratione lateris AB ad latus AF : adeoque erit spatium percursum tempore AB ad spatium percursum tempore AF in duplicata ratione temporis AB ad tempus AF . Sunt igitur spatia percursa à gravi è quiete cadente ut quadrata temporum quibus percurruntur.

Cor. 4. Hinc si grave in dato tempore è quiete percurrat spatium quodvis, spatium in duplo tempore percursum erit prioris quadruplum, in triplo tempore spatium peractum erit novies majus quam illud quod primo percurritur, &c. Hoc est, si tempora sumantur ut 1. 2. 3. 4. 5. &c. spatia hisce temporibus descripta ab initio motus computando erunt ut 1. 4. 9. 16. 25. &c.

Cor. 5. Cum spatium percursum in primo tempore sit ut 1, in secundo ut 4, computando ab initio, erit spatium in secundo tempore seorsim descriptum ut 3; eodem modo cum spatium descriptum in fine temporis tertii sit ut 9, & in fine temporis secundi ut 4, erit spa-

tium

tium descriptum in tempore tertio seorsim sumpto ut 5;
& sic de cæteris : sumendo igitur temporis partes æqua-
les erunt spatia à gravi è quiete cadenti in singulis se-
orsim descripta ut 1. 3. 5. 7. 9. 11. &c. scil. ut numeri
impares.

Cor. 6. Hinc etiam cum velocitates cadendo acquisitz
sunt ut tempora, erunt spatia percurra etiam ut qua-
drata velocitatum, & cum velocitates quanti tempori
erunt in subduplicata ratione spatiorum per quæ grave
cadit ab initio motûs.

LECTIO

LECTIO XII.

LEX III.

Actioni semper contraria & æqualis est reactio;
 seu corporum duorum actiones in se mutuo
 æquales sunt, & in partes contrarias dirigun-
 tur. Hoc est, per actionem & reactionem
 æquales motûs mutationes in corporibus in
 se invicem agentibus producuntur, quæ mu-
 tationes versus contrarias partes imprimun-
 tur.

Hæc Lex non aliter melius quam per exempla
 posset illustrari.

1. Si corpus unum in alterum quiescens impin-
 gat, quicquid motus quiescenti imprimitur, tantun-
 dem præcise impingenti subtrahitur. *v. g.* Si corpus
 A cum duodecem motus
 partibus versus corpus B fe-
 ratur, & postquam in illud
 impegerit communicentur
 ipsi B 5 partes motus, re-
 stabunt ipsi A motus partes
 tantummodo 7, adeoque mu-
 tationes quæ utrique corpori
 contingant æquales erunt; idemque omnino erit ef-
 fectus ac si vis 5 partibus motûs æquipollens impelle-
 rit corpus B versus C, & alia huic æqualis in corpus A
 ageret ipsum in contrarias partes versus D pre-
 mendo.



2. Si corpus B non quiescat, sed tendat versus C,
 & corpus A celerius motum in ipsum impingat; tan-
 tundem

tundem motus deperdet corpus A quantum corpus B lueratum est, & mutationes motus per impulsu in utroque corpore productæ (hoc est incrementum motus unius & decrementum alterius) æquales erunt.


3. Si corpora A & B sibi obviam veniant, & A feratur versus C cum 12. motus partibus, B vero versus D cum tribus motus partibus; qualiscunque motus mutatio corpori B accadat, eadem omnino corpori A contingeret: v. g. si post occursum feretur B versus C cum partibus motus duabus, mutatio motus quæ ipsi inducta est erit partium quinque; æqualis scilicet summa duorum motuum, illius nempe quo prius versus D ferebatur quique per impulsu corporis A destructus est; & illius qui de novo recipitur cum quo versus partes C tendit; & motus in corpore A amissus hisce 5 motus partibus præcise æqualis erit: adeoque (ut in primo exemplo) idem omnino sequitur effectus, qualis fuisset si vis cum 5 motus partibus pelleret B versus C, & alia hinc æqualis in corpus A imprimeretur, quæ illud versus partes D ageret.

Verum universaliter istos magnitudo quæ ab occurssu duorum corporum oritur, in utroque corpore semper æqualiter recipitur, unde & mutationes motus quæ ab ictu producuntur in utroque corpore semper æquales erunt.

Sic si malleus ferreus vitrum percutiat, ictus tam in malleo quam in vitro æqualiter recipitur, & vitrum frangitur ferro integro manente; non quod major est vis percussiois vitro impressa, quam est illa quæ in malleo recipitur, sed quia partes ferri duriores & firmiter inter se coherentes multo melius eidem percussiois vi resistunt, quam vitri particule fragiles & minus coherentes; eodem prorsus modo si corpus aliquod tenui filo muro alligetur, parva vis sufficiens erit ad illud divellendum; si vero prægrandi fuso idem corpus muro alligatum esset, vis prior æqualiter applicata parum proficeret ad corpus avellendum.

4. Si equus lapidem funi alligatum trahat, retrahetur etiam equus æqualiter in lapidem; nam funis utrinque distentus eodem se relaxandi conatu urgebit æqualiter lapidem versus equum & equum versus lapidem; unde attractionis vires, tam in equo, quam in lapide, æquales erunt; verum cum tanta sit firmitudo & vis equi solo vel terræ insistentis, ut tractioni funis resistere possit, ille funi trahenti minime cedit, nec per ejus vim à loco suo dimovebitur; at lapis, cui non tanta inest resistendi vis, versus equum promovebitur.

5. In attractionibus magneticis, non solum magnes trahit ferrum, verum & æqualiter vicissim ab ipso ferro trahitur; quod experientia constat: imponatur enim magnes suberis frustra B, & ferrum A similiter alio suberis frustra imponatur, & tam magnes quam ferrum aquæ innatent; deinde manu teneatur magnes, & ferrum videbimus ad magnetem accedere; si vero ferrum immobile teneatur, ad illud accedere magnetem deprehendemus: sed si utrumque corpus aquæ libere innatare permittatur, magnes & ferrum sibi mutuo obviam ire conspicientur, & attractionis vis in utrumque æqualiter agit, æquales motus in utroque producendo: dico motus æquales fore, non item celeritates, nisi ferrum & magnes ejusdem sint ponderis; si enim diversi sint ponderis, quod magis pendet, minorem habebit celeritatem. e. g. si magnes sit duplo ferro ponderosior, ferrum vicissim duplo majorem velocitatem habebit; ut scilicet: æquales motuum quantitates in utroque corpore generentur; adeoque non convenient magnes & ferrum in medio puncto E, sed in puncto D, quod ita dividet distantiam B A, ut B D sit ad D A ut pondus A ad pondus B; sic in allato exemplo, si B D sit totius




Q

distantiam

distantiæ pars undecima, punctum D erit nbi magnes & ferrum sibi mutuo occurrent; cum enim BD sit pars undecima distantie BA; erit BD ad DA ut 1 ad 10; sed ut 1 ad 10 ita (per superius dicta) erit velocitas corporis B ad velocitatem corporis A; quare cum spatia percurſa in dato tempore ſint velocitatibus proportionalia, tempore, quo corpus A percurreret ſpatium AD, corpus B cum decimâ velocitatis parte li- tum percurreret ſpatium æquale decimæ iſtius ſpatii parti; adeoque in puncto D poſt illud tempus reperietur, in quo igitur puncto magnes & ferrum ſibi mutuo occurrerent. Eodem modo duo magnetes ſubſeris diverſis particulis impoſiti, ſi eorum poli amici ſibi invicem obver- tantur æqualiter ſeſe mutuo attrahent: ſi vero poli inimici ſibi invicem juxta ponantur, poli hi ſeſe mu- tuo fugient, & quantitates motuum, vi fugæ productæ, in utroque æquales erunt.

6. In aliis attractionibus idem oſtenditur. Sint enim duæ cymbæ A & B aquæ innatantes & homo in illa



rum una v.g. in A poſitus ope funis verſus ſe trahat cymbam alteram B; non ſolum hac tractione B ac- cedet ad A, verum etiam A verſus B æqualiter trahetur; & quantitates motuum, attractione productæ, in utraq; cymba æquales erunt; unde ſi cymbæ pon- dere ſint æquales, cæteris paribus, æquales habebunt ve- locitates, & in medio puncto E convenient. Sin una illarum


illarum altera major sit, hoc est, majorem habeat in se materię quantitatem, seu majus pondus, quę major est, minus habebit velocitatis; *e. g.* si cymba B sit decuplo major cymba A, velocitas ipsius A decuplo major erit velocitate cymbę B, & cymbę convenient in puncto D, quod ita dividit illarum distantiam primam AB ut AD sit decuplo major quam BD; hoc est, erit BD pars undecima totius distantię AB; si vero B sit navigium millecuplo vel decemmillecuplo majus quam A, ipsius velocitas erit millecuplo vel decem millecuplo minor velocitate A, adeoque vix sensibilis. Si jam B sit aliud corpus infinite magnum, illius velocitas erit infinite parva, hoc est, prorsus nulla respectu velocitatis ipsius A. Hinc si funis littori alligetur & homo in cymba per funem trahat ad se littus, cymba ad littus accedet, & littus ad cymbam; cum vero littus reliquę terrenę moli firmiter adhęret, ejus magnitudo, quę eadem est, cum totius terrę magnitudine respectu cymbę erit valde immensa & tantum non infinita, adeoque ejus velocitas erit fere infinite exigua & (ut dicam) nulla; ac proinde littus potest tanquam firmus obex considerari qui cedere nescit, & tota velocitas tanquam cymbę inhærens æstimari potest. Si navigii B pondus sit mille talentorum & feratur versus F cum velocitatis gradibus centum, erit (per Theor: tertium) momentum illius navigii partium centum millium; si jam navigio B alligetur cymba A, cujus pondus sit decem talentorum, quicquid motus communicatur hac ratione cymbę A, tantundem decidit navigio B. Adeoque

7. Si quis in cymba A trahat funem AE, per quem navigio B alligatur, ita ut hac tractione cymba promoveatur cum quingentis velocitatis partibus, erit motus exinde ortus 5 millium partium; & tantundem sui motus amittet navigium B, cui proinde restabunt motus partes nonaginta quinque mille, unde erit velocitas navigii B partium nonaginta & quinque.

8. Si quis in navigio A sedens per contum aut aliud

eiusmodi instrumentum pellat aut protrudat navigium B versus partes F, per illam arustionem retro tondet etiam navigium A versus partes contrarias G; itaque utroque navigio æquales erunt motus quantitates, quæ ab hominis propellentis vi oriuntur; unde si navigium B sit decuplo majus navigio A, decuplo minorem habebit velocitatem; si centuplo sit majus, habebit viginti centesimam partem velocitatis navigii A; adeoque si B sit corpus quodvis immensum, erit velocitas navigii A immensa respectu illius quæ inveniri debet in cymba B; unde si quis in nave sedens percontum terram & litus à se protrudit, recedit hæc ratione: navis à litore; litus enim tanquam corpus immensum & firmus obex respectu navis considerari potest; cuius proinde velocitas erit minima aut plane nulla respectu illius quæ in navigio reperitur.

Si navigium E D G remis agatur, cum aqua per remorum palmulas A B retro pellitur D versus partes C; illa rursus æqualiter in remos reaget, eosque una cum navigio, cui affinis sunt, versus partes



H propellet, ob quam solam causam promovetur navigium: si enim nulla esset reactio & aqua nullam opposueret motum remis versus partes H, cum ipsa in contrarias partes per remos traditur, subsisteret navigium; quandoquidem nihil esset quod illud versus plagam H propelleret; verum cum aqua reagendo tantum motus imprimit navigio E D quantum ipsa exinde per remos acceperit, hinc sequitur quo majores sunt remorum palmulae, vel numero plures, cæteris paribus, vel etiam quo celerius intra aquam agantur, eo concitatio impetu progredi navigium.

Hinc cum natatio nihil aliud sit quam brachiorum pedumque

denique remigium; facile intelligitur cur intra aquas promoveamur naundo; cum scilicet per manus pedumque palmas aqua repellitur retrorsum, illa reagendo in contrariam plagam natantes propellet, ita ut motus in aqua gressibus aequalis sit motui, quod natantes progressuntur. Idemque etiam dicendum est de avium volatu, cum enim aves per alas suas aedem deorsum feriant, aer reagendo gas fursum elevabit, si versus orientem aerem pellant, reactio aeris ipsas in occidentem tendere cogit. Sic pulvis pyris intra tormentum bellicum accensus rarefit, & vis sua aequaliter agit in globum missilem & tormentum unde globus expellitur, aer enim rarefactus in omnem partem se expandere satagens aequaliter tam tormentum retrorsum quam globum antrosum urget, & inde elicit in utroque aequales motus quantitates producet; & dividendo has motuum quantitates tam per pondus tormenti quam per pondus globi velocitates exinde ortæ erunt ponderibus reciproce proportionales.


Cum omnia corpora in superficie terræ posita versus terram gravitant, vicissim tellus in corpora singula gravitabit & versus illa attrahetur; & motus hac attractione geniti cum in terra tum in corporibus gravibus descendantibus æquales erunt; ita si lapis vi gravitatis suæ deorsum ad terram cadat, terra vicissim ad lapidem assurgat, cum vero quantitas materiæ in terra ammense superat quantitatem materiæ in lapide, velocitas lapidis vicissim immense superabit velocitatem, quâ terra ad lapidem tendit, adeoque (si physice loquamur) velocitas terre nulla erit; quod calculo sic patebit: ponamus lapidem centum pedum solidorum versus terram descendantem: spatium à lapide tempore unius minuti secundi deorsum erit: quinddecem circiter pedum: sed (juxta illos qui de terræ dimensione scripserunt) tota globi terraqueæ moles continet pedes solidos 30 000 000 000 000 000 000 000 ponamus jam terram ubique esse ejusdem densitatis cum vulgaribus lapidibus (quamvis omnino credibile est ipsam esse multo densiorem) Unde
erit

erit materię quantitas in terrā ad quantitatem materię in lapide centum pedum, ut 300. 000. 000. 000. 000. 000. 000. ad 1 ; & proinde dum lapis centum pedum gravitate impulsus descendere debet per spatium undecem pedum, terra versus lapidem trahetur per unius pedis partes $\frac{15}{300\ 000\ 000\ 000\ 000\ 000}$ quę tantilla est quantitas

ut ipsam imaginandi vim effugiat : & proinde in Physica negligi potest & pro nulla haberi, quamvis Geometricę & secundum veritatem loquendo, dicendum est terram ad lapidem accedere & utrumque corpus æqualiter se mutuo trahere.

Si luna per gravitatem in suā orbitā detineatur ne à terra recedat ; hoc est, si luna versus terram gravitet, terra vicissim & omnes ejus partes versus lunam gravitabunt, & hinc continuus orietur fluxus atque refluxus maris; sed hoc obiter, alibi enim motum maris fusius explicabimus.

Sit navis in aquā quiescens quę facile à quolibet impulsu externo moveri potest, nulla tamen est vis intra navem agens, eaque solum innixa, quę ipsam promovere potest ; sit enim G H navis & ponatur intra navem ma-



china quęvis, v. g. corpus elasticum A B C, quod vehementer constrictum resilire ex se potest ; porro compressa machina, latus B C approximabitur lateri A B ; elater naturali sua energia seu vi sua restitutiva se utrinque æqualiter explicare satagens, æqualiter impellet tabulatum D A versus G, & tabulatum E F versus
fus

fus H; & proinde navis duobus hisce contrariis & æqualibus motibus affecta non movebitur: eodem plane modo, si quis in prora stans ad H per funem trahat ad se puppem G, funis utrinque distentus relaxandi se cœnatu æqualiter urgebit puppem versus hominem trahentem, & trahentem versus puppem; cumque trahens ipsi proræ insistit, prora vicissim ad puppem æqualiter trahetur, unde & hi duo motus contrarii & æquales se invicem destruent, & nullus sequetur motus.

Ex hac lege sequentia demonstrantur Theoremata.

T H E O R. XIII.


Si corpus unum alteri vel quiescenti vel secundum eandem directionem tardius moto impingat, summa motuum in utroque corpore versus easdem partes eadem manebit post impactum quæ fuit ante impactum.

Moveatur Corpus A secundum directionem CD à




C versus D, atque in aliud corpus B impingat, quod vel quiescat vel secundum eandem directionem tardius moveatur: dico summam motuum in utroque corpore versus easdem partes, à C scil. versus D, ante & post impulsus eandem manere. Exponat CD motum corporis A, & si corpus B moveatur, recta EF motum ejus exponat versus easdem partes, & proinde summa motuum per summam rectarum CD EF exponetur; cum jam actio & reactio æquales semper sunt & contrariæ, æquales vires versus contrarias partes impressæ, æquales in utroque corpore producent motuum mutationes versus contrarias plagas; si igitur motus per impactum corporis A ipsi B impressus repræsentetur per F G, vis

F G, vis contraria & æqualis in corpus A agens tandem subducet de ejus motu versus easdem partes; factò adeoque ponendo D K ipsi F G æqualem, erit CK ut motus corporis, A & E G ut motus corporis B, occurrunt; & proinde summa motuum erit ut summa rectarum CK E G; cum autem F G sit æqualis K D, si utrisque addantur E F & CK erunt E G & CK æquales ipsis C D, E F: unde eadem manebit summa motuum versus easdem partes G ante & post impulsus. Si F G sit æqualis C D, punctum K coincidet cum C, &



CK æqualis erit nihilo; unde post impulsus quiescet corpus A. Si vero F G major sit quam C D punctum



K cadet ultra C, & motus ipsius A erit negativus seu versus contrarias partes factus à C versus K, & summa motuum versus partes G factorum erit ut E G dempta CK; nam summa duarum quantitatum, quarum una est positiva, altera negativa, est ipsarum differentia. Quoniam autem $FG = KD$, utrique addatur EF — CK, & erit $EF + FG - CK$; hoc est, $EG - CK = EF + DK$, hoc est, $EF + CD$; unde summa motuum versus easdem partes, quæ hic est differentia motuum versus contrarias partes factorum ante & post impactum, eadem manet. Q E D.


Cor. Eodem modo si plura corpora versus easdem partes mota in sese impingat, summa motuum versus easdem partes non mutabitur.

T H E O R

THEOR. XIV.

Si duo corpora ad partes contrarias mota sibi mutuo directe occurrant, summa motuum ad easdem partes (quæ est differentia motuum ad partes contrarias factorum) ante & post occursum versus eandem semper partem eandem perseverabit.

Moveatur corpus A à C versus D, cujus motus expo-



netur per CD; B vero in contrarias partes scil: ab E ad F moveatur cum motu ut EF; ponatur DH ipsi BE æqualis; eritque CH, quæ est differentia motuum ad partes contrarias, ut summa motuum factorum ad partes G; dico eandem CH esse summam motuum versus eandem partes G post occursum. Sit enim motus corporis B post impactum versus partes G, & per rectam EG representetur; vis igitur impulsus in corpus B versus partes G impressa, æquipollebit summæ motuum EF, EG, & per rectam FG representabitur; nam per illam vim destruitur motus ut EF versus partes F, & novus ut EG imprimatur versus contrarias partes G; cum vero vis impulsus æqualiter in utrumque corpus agit versus contrarias partes, si fiat DK æqualis ipsi FG, hæc representabit vim in corpore A exercitam versus contrarias ejus motui partes; adeoque si motus ut DK subducatur à motu ut CD, restabit CK ut verus motus corporis A versus partes G. Jam cum DK æqualis sit FG, & DH æqualis FE, erit DK, demptâ DH, hoc est, KH æqualis FG, demptâ FE, hoc est, EG: & proinde cum sit KH æqualis EG, erit KH ut motus corporis B post occursum; sed CK est ut motus corporis A,


R

adeoque

adeoque EK KH , i. e. CH erit summa motuum in utroque corpore versus partes G . Si FG sit aequalis



CD cadet punctum K in C , & motus K erit actuali nihilo; hoc est quiescet corpus A post impactum, & CH erit aequalis EG . Si vero FG major sit quam CD ,



punctum K cadet ultra C ad alteram partem, & motus corporis A erit a C versus K ; est vero (ob FG aequalen ipsi DK & FE aequalen DH) KH aequalis ipsi EG , & proinde si ab utraque dematur CK , erit CH aequalis rectae EG , dempta CK ; sed CH erat ut summa motuum versus partes G factorum ante occursum, & est EC , dempta CK , ut summa motuum versus easdem partes factorum, differentia scil. motuum versus contrarias partes post occursum. Quare eadem manebit summa motuum versus easdem partes ante & post impactum.

Duo haec ultima Theoremata simul & iisdem verbis sic optime à Newtono enuntiantur.

Summas motuum, quae colliguntur capiendò summam motuum factorum ad eandem partem, & differentiam factorum ad contrarias partes, non mutatur ab actione corporum inter se.

THEOREMA III. Si duo corpora A & B in se collidantur, & post impactum moveantur in eandem partem, summa motuum factorum ad eandem partem, & differentia motuum factorum ad contrarias partes, non mutatur ab actione corporum inter se.

L E C T I O XIII.


Definitiones Secundæ.

Centrum gravitatis cujusque corporis est punctum illud intra corpus positum, per quod si attingatur pondus planum, quæ utrinque sunt gravis Segmenta circa planum illud librata æquiponderabunt.

Hinc, Si corpus ex centro suæ gravitatis suspendatur, situm quemcunque datum retinebit; cum scilicet partes corporis circa centrum indique æqualium momentorum consistant, seu æquales habent ad motum præpensionem.


2. Duorum corporum commune gravitatis centrum vocamus punctum in recta ipsorum centra conjungenti ita situm, ut distantia corporum ab illo puncto sint in ratione reciproca corporum.

Sint duo corpora A, B, quorum gravitatis centra conjungat recta AB; quæ ita sit in C divisa, ut AC sit ad BC, ut corpus B; hoc est, materia in B ad corpus A vel




materiam in A; punctum illud C dicitur commune corporum A & B centrum gravitatis; ideo scilicet, quia si corpora illa circa punctum illud in iisdem ab ipso distantis rotarentur, situm quemcunque datum retineant; (ut demonstratum est in Corol. 2. Theorematum 10.)

3. Similiter, si sint tria corpora A, B, D, sitque G centrum gravitatis duorum A & B, & dividatur



tur recta CD in E ita, ut CE sit ad DE ut pondus corporis D ad pondus duorum A & B simul, dicitur punctum illud E trium horum corporum commune gravitatis centrum, circa quod etiam corpora illa rotari possunt quemcunque datum retinerent.

4. Eodem modo, si sint quatuor corpora A, B, D, F, & sit E commune centrum gravitatis



trium illorum A, B, D; punctum G, quod ita dividat rectam EF, ut EG sit ad GF ut pondus corporis F ad pondus corporum A, B, D simul, vocatur commune horum quatuor centrum gravitatis.

Atque sic quinque aut plurium corporum commune centrum gravitatis definitur.

5. Corpus unum dicitur alteri directe impingere, cum recta, secundum quam movetur, per impingentis centrum gravitatis & punctum contactus ducta sit superficiei corporis, in quod impingitur, perpendicularis; aut etiam si non in puncto, sed in linea seu superficiei sese tangant, cum recta illa sit huius sine linea siue superficiei perpendicularis.

6. Oblique

2. Oblique, seu indirectè impingere dicuntur, cum prædicta recta superficiæ corporis, in quod impingit, non sit perpendicularis.

7. Corpus perfectè durum appello, quod ictui nequaquam cedit; hoc est, quod ne pro minimo tempore figuram suam amittit.

8. Corpus malle est, quod ictui ita cedit, ut pristinam figuram amittit, & nunquam sese ad eandem restituere conatur.

9. Corpus elasticum est, quod ictui aliquantisper cedit, se tamen in pristinam figuram sua sponte restituit.


10. Vis elastica est vis illa, quâ corpus de figura sua detrusum seipsum in pristinam figuram restituere satagit.

11. Corpus perfectè elasticum est quod se eadem vi in pristinam figuram restituit, quâ exinde deturbatur.

THEOR. XV.

Si duo vel plura corpora motu æquabili, secundum eandem vel contrarias partes, feruntur, commune illorum centrum gravitatis ante mutuam occursum, vel quiescet, vel movebitur uniformiter in directum.

Casus primus. Corpora A & B versus partes contrarias cum motibus æqualibus tendant, quorum com-



mune gravitatis centrum sit C. Ob æqualem in utroque corpore motû quantitatem, erit, velocitas corpo-

ris A ad velocitatem corporis B ut corpus B ad corpus A; hoc est, (ex natura centri gravitatis) ut A ad B C; unde, cum spatia eodem tempore percursa sint velocitatibus proportionalia, quoniam mobile A percurrit longitudinem A C, longitudo B C percurretur à mobili B; adeoque occurrunt corpora in puncto C & in eò puncto igitur ipsorum gravitatis centrum in tempore concersit; sed & ante concersum ibi eodem tempore, adeoque in eodem permanfit loco.


Eodem modo, si corpora cum æqualibus motibus à puncto C recederent, ostendetur ipsorum gravitatis centrum quiescere.

Casus secundus. Si corpora in eadem recta versus eandem partem, vel inæqualibus motibus versus contrarias, ferantur, illorum commune gravitatis centrum semper in eadem recta invenietur. Cum enim corpora uniformiter directe à sese recedant vel ad sese accedant, ipsorum à se invicem distantia uniformiter augebitur vel minuetur, & proinde corpora à puncto quovis prædictam distantiam in data ratione dividente uniformiter recedent, vel ad ipsam uniformiter accedent. Corporum igitur distantia à communi gravitatis centro uniformiter augebitur vel minuetur; quod fieri non potest, in prædictis casibus, nisi centrum illud vel quiescat (ut in primo casu) vel uniformiter moveatur, ut in præsentis casu.

Casus tertius. Moveantur corpora A & B in rectis A C, B D; finisque spatia à corpore A in æqualibus temporibus percursa A C, C E æqualia, & spatia à corpore B in iisdem temporibus percursa B D, D F quoque æqualia; concurrant rectæ A G, B D in G; & fiat ut A C ad B D ita A G ad G H; & jungatur A H; cui per C & E parallelae ducantur C I, E K; quæ A G ad H I ut A G ad G H, hoc est, ut A C ad B D; quare est H I = B D, & proinde H B = I D. Similiter est C E ad I K ut A G ad G H vel A C ad B D, hoc est, ut C E ad D F; quare est I K = D F, unde & K F

$KF = IG$ & HB . Sit L commune gravitatis cen-
trum, cum corpora in punctis A & B locantur; ducan-
tur LA & LB parallelae; erunt rectae AB , AH si-
militer sectae. Si jungatur GM & producatur, haec se-
cabit parallelas ipsas AH in punctis N & O ; idem sa-
dem scilicet ratione, quâ secât ipsas AH vel AB ; nec
continget NI & OD esse parallela NP , OQ inq.

Locos istos inq. in hos in quibus, quibus
& auditum auditusque in hoc quod si in hoc in hoc
autemque in hoc in hoc, in hoc in hoc, in hoc in hoc



secabunt CD , EF in eadem ratione, quâ secât sunt
 CI , EK , hoc est, in ea ratione quâ secât est AB in
 E ; sed L est commune centrum gravitatis, cum cor-
pora in A & B reperiuntur; quare erit P ipsorum
centrum, cum in punctis C & D sunt; & Q illo-
rum erit centrum, cum corpora sunt in punctis E , F .
Præterea est ML ad HB ut AM ad AH , vel ut CN
ad

ad CI , seu ut NP ad ID ; sed sunt HB & ID æquales; quare & ML , NP æquales erunt; similiter NP & OQ æquales erunt: cum igitur rectæ ML , NR , OQ æquales sint & parallelæ, recta per L ducta & ad MO parallela transibit per puncta P & Q , & proinde centrum gravitatis semper in recta LQ locabitur: præterea (ob parallelas) est AQ ad CE ut MN ad NO , hoc est, ut L P ad PQ ; quare (ob $AC = CE$) erit $LP = PQ$. Semper igitur in eadem recta est eorum commune gravitatis centrum & in æqualibus temporibus æqualia percurrit spatia. Q. E. D.

Casus quartus. Si corpora non in uno aliquo sed in diversis planis moveantur, ipsorum viæ & via communis centri gravitatis reducendæ sunt ad idem planum, demittendo à punctis viarum singulis perpendiculara in planum quodvis, & (similiter ac in præcedenti casu) demonstrabitur viam centri gravitatis sic reductam esse lineam rectam; cumque hoc in plano quovis ad libitum assumpto sit, necesse est ut ipsa via seu semita centri gravitatis corporum sit linea recta. Q. E. D.


Similiter commune centrum horum duorum corporum & tertii cujuscvis vel quiescit, vel progreditur uniformiter in linea recta, propterea quod ab ipso dividitur distantia centri communis gravitatis duorum corporum, & centri corporis tertii in data ratione; eodem modo & commune centrum horum trium corporum & quarti cujuscvis vel quiescit, vel progreditur in linea recta, propterea quod ob eo dividitur distantia inter centrum commune trium & centrum corporis quarti in eadem semper ratione; & sic de aliis quocunque corporibus. Q. E. D.

THEOR. XVI.

Si duo corpora, utcumque æqualia vel inæqualia, versus eandem partem, celeritatibus utenque æqualibus vel inæqualibus ferantur, summa

summa motuum in utroque corpore aequalis erit motui, qui oriretur, si utrumque corpus cum celeritate communis centri gravitatis latum esset.

Sint duo corpora A & B, quorum commune gravitatis centrum sit C, & utrumque corpus feratur versus D; dico summam motuum in utroque corpore eandem fore motui, qui produceretur, si utrumque cor-




pus cum celeritate centri gravitatis C versus partes D latum esset. Describat enim corpus A in data quovis tempore longitudinem A a, corpus B longitudinem B b, & via à gravitatis centro C anterea percursa sit CG; & (per theor. 6.) longitudines A a, B b, CG simul descriptæ representabunt celeritates corporis A, corporis B, & communis centri gravitatis C respective; (per corol. autem theor. 3.) motus quantitas in quovis corpore est ut rectangulum factum ex materia & celeritate, adeoque erit motus in corpore A ut $A \times A a$; & in corpore B, ut $B \times B b$; & summa motuum erit ut summa horum rectangulorum, sc. ut $A \times A a + B \times B b$. Est vero (per def. centri gravitatis corporum) BC ad AC ut A ad B, & ut A ad B ita etiam (per eandem definitionem) bG ad aG; quare erit BC ad AC ut bG ad aG; unde (per 19. Elementi quinti) BC est ad AC, hoc est, A ad B, ut BC — bG ad AC — aG; hoc est, ut CG — Bb ad Aa — CG; adeoque (per 16. El. 6.) $A \times A a - A \times CG$ æquale erit $B \times CG - B \times B b$; & proinde $A \times A a + B \times B b$ æquale erit $A \times CG + B \times CG$: sed duo rectangula $A \times A a$ & $B \times B b$ sunt (uti dictum est) ut summa motuum in utroque corpore, & duo rectangula sub A & CG & sub B & CG erunt, ut summa motuum qui

S

oriantur,

orirentur, si utrumque corpus cum celeritate CG communis gravitatis latum esset; unde erit summa motuum in utroque corpore æqualis motui, qui produceretur, si utrumque corpus cum celeritate communis centri gravitatis latum esset. Q. E. D.


Si tria sint corpora A, B, D , ad eandem partem latam, quorum trium commune gravitatis centrum sit E , erit summa motuum in tribus corporibus æqualis motui orto ex corporibus iisdem cum velocitate puncti E latis. Sit enim C commune centrum gravitatis duorum quorumvis A & B ; erit (per superius demonstratum) motus in duobus hisce corporibus æqualis motui, qui



oriretur, si utrumque corpus in unum coalescens cum velocitate puncti C latum esset; sed etiam summa motuum (scil. motus corporum sic coalescentium & motus tertii corporis D) æqualis erit motui, qui fieret, si corpus ex duobus coalescens una cum corpore tertio D moveretur cum celeritate puncti E , unde liquet in hoc quoque casu theorema.

Eadem est demonstratio, si corpora non in eadem recta sed in parallelis vel etiam in rectis quomodocunque inclinatis moveantur. Sed in hoc casu notandum est celeritatem corporum, qua versus eandem plagam cum centro gravitatis feruntur non æstimari a via quam revera percurreunt, sed solum a via in quam secundum directionem centri gravitatis promoven-
tur; *v. g.* si duo corpora A & B in rectis Aa, Bb ferantur, sitque CG linea a communi centro gravitatis descripta, interea dum corpora percipiunt longitudines Aa, Bb , & demittantur a punctis A, B in rectam CG perpendiculares $AF, BH, ag, b\kappa$, spatia jam quæ secundum directionem puncti C corpora percurreunt non sunt Aa, Bb , quæ sunt spatia absoluta ab iisdem descripta; verum spatium secundum quod

quod promoveatur corpus A versus plagam D computandum est per rectam FD; tantum enim & non amplius secundum directionem puncti C progreditur. Si



militer spatium secundum quod promovetur corpus B versus plagam D est HK, & per illud spatium ejus in recta HD progressus æstimatur; adeoque celeritates corporum quibus versus eandem partem feruntur sunt ut rectæ Fg, HK; est præterea A ad B ut BC ad AC seu (ob æquiangula triangula ACF, BCH) ut HC ad FC; unde similiter procedet demonstratio ac in primo casu.

THEOR. XVII.

Si duo corpora versus contrarias partes ferantur, erit differentia motuum ad partes contrarias factorum, vel quod idem est, summa motuum ad eandem partem æqualis motui qui produceretur, si utrumque corpus versus eandem plagam cum celeritate communis ipsorum gravitatis centri fereretur.

Sint corpora A & B quorum gravitatis centrum commune sit C, & moveatur corpus A ab A versus D; &

corpus B versus contrariam plagam à B versus E, si spatia à corporibus A, B & centro C simul descendant, A a, B b, C G; hæc (per theor. 6.) repræsentabunt velo-

E A a C G b B

citates corporis A, corporis B & centri gravitatis C respective; unde est motus corporis A ut $A \times A a$, & motus corporis B ut $B \times B b$, unde differentia motuum erit $A \times A a - B \times B b$: porro ex natura centri gravitatis est BC ad AC ut A ad B, & ut A ad B ita erit b G ad a G, quare erit ut BC ad AC ita b G ad a G; adeoque erit (per 19. El. 5.) BC ad AC, hoc est, A ad B ut $BC - b G$ ad $AC - a G$, id est, erit A ad B ut $B b + CG$ ad $A a - CG$; quare erit (per 16. El. 6.) rectangulum sub A & $A a - CG$ æquale rectangulo sub B & $B b + CG$; hoc est, $A \times A a - A \times CG = B \times B b + B \times CG$, unde erit $A \times A a - B \times B b = A \times CG + B \times CG$; sed $A \times A a - B \times B b$ est (uti dictum est) differentia motuum versus contrarias partes vel summa motuum versus eandem, & $A \times CG + B \times CG$ est motus emergens, si utrumque corpus cum velocitate communis ipsorum centri gravitatis latum esset, unde liquet propositum.

Cor. 1. Si differentia motuum versus contrarias partes sit nihilo æqualis; hoc est, si in utroque corpore sint motuum quantitates æquales, commune gravitatis centrum in hoc casu quiescet.

Cor. 2. Si sint plura corpora vel omnia versus eandem vel quædam in contrarias partes lata, summa motuum ex omnibus versus eandem partem eadem erit, ac si omnia ad eam partem cum velocitate communis omnium gravitatis centri lata essent.

Cor. 3. Corporum igitur plurium motus ex motu centri gravitatis æstimandus est, & tantum eorum systema progreditur vel regreditur, tantum ascendit vel descendit,

descendit, quantum commune ipsorum gravitatis centrum progreditur, vel regreditur, ascendit aut descendit.

THEOR. XVIII.

Si corpora in se invicem impingant vel etiam utcumque in sese agant, communis illorum gravitatis centri status vel quiescendi vel movendi uniformiter in directum non exinde mutabitur.

Si corpora in se invicem impingant, (per theor. 14.) summa motuum variis eandem partem eadem manet ante & post impulsum; sed (per theor. 16. & 17.) summa motuum ante & post impulsum eadem est, ac si corpora omnia cum velocitate communis gravitatis centri ad eandem cum ipso partem lata essent; quare cum eadem corpora habent motuum summas ante & post impulsum sibi invicem æquales, & etiam æquales motui orto ex ortibus simul cum velocitate communis gravitatis centri lata, liquet velocitatem communis gravitatis centri ante & post impulsum eandem manere.
Q. E. D.

Hucusque leges quasdam generales ad corporum quorumcunque motus determinandas inservientes tradidimus, ad alias jam speciales congressuum regulas devenimus, quibus scil. corpora singula post occursum, & mutuum in se invicem impactum, motus suos continuant, & versus quas partes, & cum quibus velocitatibus singula tendant. verum ob variam corporum structuram, prout scil. elastica vi pollent, vel illa deficiuntur, pro diversis corporum generibus, regulæ congressuum diversæ erant; & quamvis nullum fortasse datur corpus, quod sit vel perfecte durum, vel perfecte molle, vel perfecte elasticum, omnia enim corpora aliquid ex hisce omnibus fortasse in se continent, id tamen nihil impedit, quin abstractione mentis separari possint

possint, & corpus considerari, tanquam una solummodo ex hisce qualitatibus præditum, & motus corporum eo magis ad regulas infra tradendas accedunt, quo magis corpora ipsa ejusmodi qualitatibus & conditionibus gaudent.

Supponimus hic corpora ab aliis omnibus ita esse visa, ut eorum motus ab aliis circumjacentibus nec impediatur, nec juventur.

THEOR. XIX.

Si corpus durum vel molle, corpori duro vel molli directo impingat, sive illud, in quod impingat, quiescat sive versus eandem partem tardius moveatur, seu demum versus contrariam & motus sint inæquales, utrumque corpus, post impactum una cum communi gravitatis centro junctim movebitur.

Impingat corpus A in corpus B; quod vel quiescat vel versus eandem plagam tardius, vel versus contrariam cum minore motu feratur; dico utrumque corpus post



impulsu eadem celeritate una cum communi gravitatis centro junctim moveri. Cum enim corpus B non impediatur ab aliis corporibus circumjacentibus, (per legem secundam) à vi in ipsum per corpus A impressa movebitur, versus eas partes, in quas fit virium directio; sed & junctim movebitur cum corpore A: non enim tardius moveri potest, ob corpus insequens A; non celerius, quia nulla alia ex hypothesi, præter impellens A, datur hujus motus causa; cum alia omnia, ut vis elastica, ambiens fluidum & hic nihil agere supponuntur,






untur; adeoque post impactum cum communi ipso-
rum centro gravitatis utrumque corpus junctim move-
bitur. Q. E. D.

Cor. Si corpora ponantur concurrere in D, eam
velocitates mobilium sunt spatia simul descripta, velo-
citates corporis A, corporis B, & centri gravitatis C,
erunt ut rectæ AD, BD, CD, respective; hæ enim
longitudines simul percurreuntur.

PROBLE. II.

Corporum durorum aut mollium post dire-
ctum impactum determinare motus.

Omnes hujus problematis casus eadem operâ con-
struemus. Sint igitur duo corpora A & B, quorum gra-



vitatis centrum sit C, ponantur corpora concurrere in
D,

D; erunt (per præcedens corol.) celeritates ante impactum corporis A, corporis B, & communis centri gravitatis C, ut rectæ AD, BD, & CD respective; hæc jam DE æqualis DC, hæc repræsentabit velocitatem corporum post occursum; hoc est, erit velocitas corporis A ante impulsum ad ejusdem velocitatem post, ut AD ad DE; & velocitas corporis B ante impactum, erit ad ejus velocitatem post impactum, ut BD ad DE, nam (per theor. 19.) corpora A & B post impulsum unum cum centro gravitatis progrediuntur; sed (per theor. 18.) celeritas centri gravitatis eadem manet ante & post impulsum, & versus eandem semper plagam, quare si CD repræsentet celeritatem ipsius ante impulsum, DE ipsi CD æqualis ejus velocitatem post impulsum exponet; adeoque DE exponet quoque celeritatem corporum A & B quæ unâ cum centro C progrediuntur post impulsum. Q. E. D.

Cor. 1. Si corpus B quiescat, coincidat punctum D cum B, ut in prima figura, & quia B est ad A, ut AC ad BC vel DE, erit componendo $A + B$ ad A ut AB vel AD ad DE; hoc est, velocitas corporis A ante impactum est ad ejusdem velocitatem post, ut summa corporum ad corpus impingens A.

Exemplum primum. Si A sit æquale quiescenti B, erit $A + B$ ad A ut 2 ad 1, adeoque velocitas corporis impingentis erit dupla ipsius velocitatis post impactum.

Exemplum 2. Si A sit ad B ut 1 ad 9, erit $A + B$ ad A ut 10 ad 1; ideoque velocitas post impulsum erit tantum pars decima velocitatis ante impulsum.

Exemplum 3. Si B sit corpus infinite superans A, erit velocitas corporis A, post impulsum infinite parva, hoc est, nulla; nam in eo casu A respectu $A + B$ evanescit, & proinde velocitas corporis A post occursum quoque evanescet; hoc est, si corpus in firmum obicem impingat cedere nescium, post impactum quiescet.

Exempl. 4. Si corpus E ipsi A æquale, secundum eandem

deinde directionem tardius moveatur, erit DE vel $CD = \frac{AB}{2} + BD = \frac{AB + 2BD}{2} = \frac{AD + BD}{2}$, hoc est, erit velocitas post impulsum priorum velocitatum semisumma.

Exempl. 5. Si corpora cum aequalibus motibus versus contrarias partes tendant, punctum D coincidit cum C , ut in theor. demonstratum fuit; & CD , DE erunt nihilo aequales, hoc, est post occursum quiescet utrumque corpus;

Cor. 2. Hinc demonstratur falsam esse Cartesianorum legem, qua eandem semper motus quantitatem in universo conservari volunt; nam corpora non elastica, versus contrarias partes cum aequalibus motibus in sese incurrentia, mutuos motus tollunt.

Exempl. 6. Si corpora aequalia versus contrarias partes cum inequalibus motibus tendant, erit DE vel $CD = CB - BD = \frac{AB}{2} - BD = \frac{AB - 2BD}{2} = \frac{AD - BD}{2}$, hoc est, erit velocitas post impulsum priorum velocitatum semidifferentia.

Hæc omnia ex superiori constructione facile fluunt; sed cum in praxi calculus semper adhibendus est, generalis hujus problematis solutio per calculum sic eruitur.

Vocetur velocitas corporis A , C ; velocitas corporis B sit e ; & si corpora secundum eandem directionem moveantur, summa motuum in utroque versus eandem plagam erit $AC + Be$; sin versus contrarias partes moveantur, summa motuum versus eandem partem erit $AC - Be$; sed (per theor. 14.) in corporibus omnibus, summa motuum versus eandem partem ante & post impulsum eadem manet, quare erit corporum post impulsu motus vel $AC + Be$ vel $AC - Be$, prout corpora ad eandem vel contrarias partes ante impulsu tendebant; datur igitur momentum corporum eadem velocitate latorum, unde (per dicta in lect. X.) ipsorum velocitas

T

simul

fiat innotescet; nempe si dividatur momentum per
corpora, quotiens exhibebit ipsorum velocitatem
 $\frac{AC+Bc}{A+B}$ vel $\frac{AC-Bc}{A+B}$ & si B quiescat, hoc est, si p

natur nihilo æqualis, velocitas corporum erit $\frac{AC}{A+C}$

Cor. 3. Cum velocitas corporis A ante impactum sit
ut A D, & post impactum ejus velocitas sit C D, erit
velocitas amissa A C, & proinde motus per ictum amissus
 $A \times AC$.

THEOR. XX.

Si corpus motum alteri sive moto, sive qui-
escenti directe impingat; ictus magnitudo
æquipollet momento ad occursum deper-
dito, in corpore, si quod sit, fortiori.

Si enim intelligatur motorum corporum (si quod sit)
fortius, vel si momentorum sunt æqualium, utrumvis
ut percutiens, alterum ut percussum, ictus magnitudo
æquipollebit vi à percutiente in percussum impressa;
sed vis illa quæ in percussum imprimitur à percutiente
decidit, (per legem tertiam;) adeoque motus in corpore
percutientee amissus, erit vi in corpus percussum impressæ,
& proinde magnitudini ictus, proportionalis. Q. E. D.


Cor. Ubi æqualia sunt momenta quæ à corporibus
percutientibus decidunt, ibi æquales erunt ictuum ma-
gnitudines.

THEOR. XXI.

Si corpus datum in aliud quiescens datum
directe impingat; ictus magnitudo veloci-
tati impingentis semper erit proportionalis.


Impingat corpus datum A in aliud datum quiescens
B, cum velocitate quæ exponatur per A B; deinde im-
pingat

plurimum idem corpus A in idem quiescens B, cum alia
velocitate DE; hoc est, sit AB ad DE ut prior ve-
locitas ad posteriorem, & ponatur deinde corporum



distantia DE; perinde enim est quoad magnitudinem
ictus ad quam distantiam à se invicem initio motus
ponantur; sitque in eo corporum situ commune ipso-
rum gravitatis centrum G. Cum corpus A movetur
velocitate AB, erit CB ejus velocitas post occur-
sum; & cum motus ante impactum fuit $A \times AB$, motus
post impactum erit $A \times CB$; & motus amissus erit
 $A \times AC$; eodem modo si corpus moveatur velocitate
DE, erit motus amissus $A \times DG$, ac proinde ictus
magnitudo cum velocitate AB erit ad magnitudinem
ictus cum velocitate DE, ut $A \times AC$ ad $A \times DG$, vel
ut AC ad DG; quia autem est AC ad BC ut B ad A,
erit AC ad $AC + BC$, hoc est, AB ut B ad $A + B$;
& similiter erit B ad $A + B$ ut DG ad DE, quare erit
AC ad AB, ut DG ad DE, unde permutando erit
AC ad DG ut AB ad DE; hoc est, erit ictus magnitu-
do cum velocitate AB ad magnitudinem ictus cum velo-
citate DE ut velocitas AB ad velocitatem DE. Q.E.D.

Cor. Si corpus A in B irrueret, motus amissus esset $A \times$
AG; si vero B in A cum eadem celeritate impingeret,
motus amissus esset $B \times BC$; quia autem est ut A ad B




ita BC ad AC, erit $A \times AC = B \times BC$, adeoque eadem
erit quantitas motus per ictum amissa, siue B cum data
celeritate impingat in A, siue A cum eadem velocitate
in corpus B incurrat, adeoque eadem in utroque casu
erit ictus magnitudo.

THEOR. XXII.

Si corpus unum in alterum secundum eandem rectam ad eandem partem seignius tum directe impingat, eadem erit ictus magnitudo, ac si antecedens quiesceret, & insequens in illud cum velocitatum differentia latum esset.

Sint duo corpora A & B versus eandem partem lata, quorum commune gravitatis centrum sit C; & ponantur corpora concurrere in D, constat ex superius traditis velocitates corporum ante impulsum esse in rectis A D, B D, & proinde velocitatum differentia erit



ut A B; utriusque autem corporis post impactum velocitas per C D exponetur, & proinde motus perditus in corpore A erit $A \times A C$. Si autem corpus A cum velocitate A B in quiescens B impingeret, ipsius velocitas post occursum esset C B, & motus amissus esset $A \times A C$; unde cum in utroque casu eadem amittitur in percutiente motus quantitas, eadem quoque erit ictus magnitudo.


Cor. Si eadem manet velocitatum differentia, hoc est, velocitas respectiva, qua corpora ad sese accedunt, quomocunque augeatur aut minuat illorum summa, eadem semper consequetur ictus magnitudo.

THEOR. XXIII.

Si corpora duo motibus contrariis sibi invicem obviam veniant, ictus magnitudo eadem erit, ac si unum ipsorum quiesceret & alterum

rum in illud cum velocitatum summa impingeret.

Sint duo corpora A & B versus contrarias partes lata, quorum quovisne gravitatis centrum sit C, sitque D punctum in quo concurrunt, constat velocitates corporum A & B esse ut rectæ A D, B D; & proinde velocitatum summa exponetur per A B; C D au-



tem designat ipsorum velocitatem post impactum, & proinde motus in corpore A amissus erit $A \times A C$. Si autem A in B quiescens impingeret cum velocitate A B, velocitas post impactum esset ut C B, & motus amissus esset $A \times A C$. Cum igitur in utroque casu eadem motus quantitas amittitur, eadem quoque erit ictus magnitudo. Q. E. D.

Cor. 1. Si igitur eadem maneat velocitatum summa, hoc est, velocitas respectiva corporum A & B qua ad se invicem accedant, quæcunque sit velocitatum differentia, seu quomodocunque velocitas illa inter corpora concurrentia partiatur, eadem semper erit ictus magnitudo.

Cor. 2. Est igitur ictus magnitudo in datis corporibus semper proportionalis ipsorum velocitati respectivæ.

Cor. 3. Corporum in dato spatio inclusorum iidem sunt motus inter se, siue spatium illud quiescat siue moveatur uniformiter in directum; nam differentia velocitatum, quibus corpora tendunt ad eandem partem, & summa, quibus ad contrarias partes tendunt, eadem sunt, siue spatium in quo corpora includuntur quiescat, siue moveatur uniformiter in directum; adeoque ictus magnitudines hisce semper proportionales existentes eadem erunt in utroque casu. Hinc in navi motus omnes eodem modo se habent, siue ea quiescat, siue moveatur

tur uniformiter in directum. Sic etiam projectorum & percussorum phenomena eadem contingunt omnia apud nos in terra positos, sive cum terra junctim ferantur omnia communi motu, sive ablit ille communis motus, & terra quiescat, adeoque quæ afferrî solebant ejectiones à projectionibus inæqualibus eadem vi faciendis, prout vel ad orientem vel ad occidentem fierent, atque ab inæqualibus percussionibus à tormento bellico globum emittente futuris, prout in has vel illas partes explosio fieret, & quæ sunt ejusmodi, nihil in utraque partem probant, sive ad quietem terræ, sive motum astruendum.




LECTIO

LECTIO XIV.

Si nulla esset elasticitas, leges, quas in precedente lectione de percussione corporum durorum proposuimus, omnibus corporibus perfecte congruerent, & corpora omnia post impulsum junctim moverentur ad partes eas, ad quas ante percussione tendebat corpus fortius, hoc est, cujus momentum majus erat, & cum ea celeritate quam in supradictis legibus determinavimus. Verum cum pauca admodum dentur corpora in quibus non aliquid inest elasticitatis, nam molle lutum, cera & alia istiusmodi corpora quasdam aeris particulas in se continent, quæ ipsis virtutem aliquam elasticam reddere valeant; fit per vim illam elasticam, ut corpora non junctim post impulsu moveantur, sed à sese resiliant & diversa velocitate aliquando ad eandem aliquando ad contrarias partes moveantur; ut verò modus & causa hujus resilitiois intelligatur, res exemplo illustrari potest.


Sit A B filum sericum supra planum in aliqua tamen ab ipso distantia extensum; cujus duæ extremitates A B firmiter figantur, & filum fortiter tendatur: si jam trahatur filum per medium suum D, extremitatibus fixis manentibus, ad situm A C B ita ut punctum ejus D sit in C, & tunc dimittatur, non manebit filum in situ A C B, sed magna vi in situm priorem se restituere perget; & cum per continuam vis elasticæ actionem motus satis velox in filo genitus est, fit ut cum in situm A D B pervenerit in motu suo versus eandem partem perseverabit, donec vis elastica seu restitutiva huic motui continuo renitens, & tandem æquipollens, ipsum destruet,



destruet, & filum cum vi versus partes C urgebit, ad
ut cum rursus in filum A D B pervenerit, eandem vi
habebit ulterius movendi versus C quia pressus habet
tendendi versus partes E; atque sic quando & redeunt
continuas vibrationes efficiet.

Ponamus jam corpus F in filum A B intrare; filum
per vim ipsi à corpore F illatum ex situ suo desartu-
tat, & punctum ejus D, in quod incurrit corpus F, ad
eum F versus C movebitur; qui motus eoque con-
tinuabitur, donec vis fili restitutiva motui corporis
contraria ipsi æquipolleat; quod cum fit, destruetur mo-
tus omnis versus C; vis autem hæc elastica ulterius
agens filum reducet, quod itaque corpus F urgebit &
ipsum eadem velocitate secum movebit; sed (ob for-
tem quam hic supponimus fili tensionem) eadem vi se
restituere filum, qua prius inflexum fuit; at vis qua in-
flectebatur momento corporis impingentis æquipollet
(nam illud omne in filo flectendo impensum fuit) adeo-
que filum cum ea vi in corpus F agendo eandem motus
quantitatem ipsi restituet quæ in flexione insumpta fue-
rit; adeoque corpus F cum eadem velocitate qua adve-
nerat regredietur, atque sic fiet reflectio.

Ponamus jam loco fili corpus aliquod elasticum A B,



quod fixum & immobile supponere primo liceat; &
ejus superficies A D B vi corporis ingruentis F intror-
sum

Si compressum: quamprimum vis comprimens, hoc est, motus corporis F cessaverit, elater vi sua insita in pristinam figuram se restituet, & cum ea vi corpus F urgebit versus E; & si corpus utrumvis sit perfecte elasticum, vis elateris restitutiva vi ipsum comprimenti hoc est, momento corporis F æquipollebit, adeoque cum hac vi in corpus F agens illud cum eadem velocitate, quam prius habebat, reflectere coget. Si vero corpus A D B C non sit fixum, sed in tali statu ut motus ejus à nullo alio corpore impediatur vis elastica in utroque corpore æqualiter aget, & æquales motuum mutationes producat; nam si corpus A D B urget corpus F versus partes E, illud rursus à corpore F æqualiter urgebitur ad partes contrarias; & proinde corpora à se mutuo resilient. Atque sic demonstravimus qua ratione effectum sit, ut corpora post impulsu non junctim vel quiescant vel moveantur, sed à se invicem resiliendo diversa velocitate contrarias aliquando ineant vias, aliquando eandem.

Cartesiani, qui elasticitatis vim ad corpora reflectendum nesciebant, aliam plane diversam tradiderunt reflectionis causam: dixerunt enim motum motui non contrarium esse, sed directionem directioni; ideoque corpus unum in aliud incurrens reflecti, quia incurrentis motus non potest destrui, cum scilicet secundum ipsos nihil motui contrariatur; at cum directio unius alterius directioni obstat, incurrens post impulsu ad contrarias partes reflecti voluerunt, eadem semper manente quantitate motus in percurso & percutiente.

Sed facile est ostendere hanc sententiam nec rationi nec experientie congruam esse; nam cum momentum seu quantitas motus sit vis seu energia illa qua mobile secundum directionem suam tendit, si corpora duo sibi mutuo directe occurrunt, vires secundum contrarias plagas impressæ contrariæ erunt; adeoque si æquales sint sese mutuo destruent; si inæquales, motus qui est minoris efficacie destruetur. Præterea corpus unum in aliud

majus quiescens vel secundum easdem partes sequius motum, impingens reflectitur; atqui hoc fieri non potest



sola directionem directam contrariam; si enim impingat corpus B in aliud motu A, quod vel quiescit vel movetur, cum vis omni

quæ in utroque corpore reperitur tendat versus C, illa nunquam potest motum versus partes contrarias utrovis corpore dirigere. Nam (per legem secundam) motus omnis fit secundum lineam quæ vis imprimitur atqui (ex hypothesi) omnis vis imprimitur secundum lineam BC, ab B versus C, quare si istummodum vim corporibus insitam fieret reflectio motus, abque nova vi fieret motus secundum contrariam plagam, quæ vis imprimitur; quod fieri non potest. Non igitur a vi prius impressa oritur illa reflectio, sed a vi elastica, quæ pollet utrumvis corpus, quæque secundum partem utramvis æqualiter agens corpora à se discedere cogit.

Præterea, si motus motui non esset contrarius, multo facilius esset corpus semel motum in contrarias partes dirigere, quam penitus illud sistere; in priori enim casu motus corporis in manu reflectentis non recipitur, sed tantum in contrarias partes vertitur; in posteriore vero casu, motus ille omnis in corpus resistens impenditur, quod tamen est contra manifestam experientiam. Denique, si nihil motui contrarium esset, ubicunque corpus quodvis in aliud aliquod obstaculum incurreret, fieret semper reflectio, quod tamen experientia repugnat, nam plumbum, lutum, cera & alia corpora elasticitatis fere expertia, si in pavimentum cadunt, non reflectuntur; cum tamen pileæ conflatae ex lana vel plumis, globuli eburnei, marmorei, vitrei, & alia ejusmodi corpora magnæ elasticitatis vi pollentia in idem pavimentum demissa fortiter resiliunt; reflectio igitur illa non à motu qui utrique corpori communis est, sed ab elasticitate quæ

quæ solis reflectentibus peculiaris est provenit, quod erat ostendendum.

Sed querant fortasse Cartesiani, quo pacto innotescit globos eburneos, vitreos, marmoreos, & alia reflectentia corpora, quæ durissima esse videantur, elasticitate pollere; respondeo illorum elasticitatem posse exinde concludi, quod cum percutiuntur tinnitum edunt, qui à vibrationibus corporis percussi oritur, eodem modo quo filum tensum suis vibrationibus undulationem aeris efficiebat; & proinde minime dubium est, quin corpora illa elaterio aliquo prædita sunt. Atque hoc quidem argumentum ipsorum vim elasticam probabilem reddit; sed aliud est argumentum, quo res hæc demonstrative probatur.

Sint enim duo globi vel eburnei vel vitrei, & si globorum figuræ essent perfecte sphericæ, in uno tantum & indivisibili puncto sese tangerent; at cum hoc nulla arte humana fieri potest; tam prope tamen ad figuræ sphericæ possunt perducí ut sese in puncto physico, hoc est, in parte visibili minima tangant. Si jam unius globi superficies atramento (aut quovis colore qui facile detergi potest) inficiatur, & alter in ipsum quiescentem impingat, experimento constat, non punctum tantum physicum globi incurrentis post impulsus alterius colore tingi, sed partem ejus superficiei satis magnam; atque hoc fieri non potest nisi ipsorum superficies per ictus vim mutatae sint; post reflectionem autem utrumque globum pristinam figuram recuperare deprehendimus; quare globi hi habent vim elasticam qua sese in pristinam figuram per ictum deformatam restituere valeant. Q. E. D. Sequuntur jam regulæ

monus pro corporibus elasticis.

THEOR. XXIV.

Si duo corpora perfecte elastica in se invicem impingant, eadem manebit ipsorum velocitas relativa ante & post impactum; hoc est,

corpora perfecte elastica eadem celeritate à se se mutuo post ictum recedunt, qua prius ad se invicem accedebant.

Nam (per cor. theor. 22.) vis compressiva seu ictus magnitudo in datis corporibus oritur à velocitate corporum relativa, & ipsi est proportionalis; & (per def. II.) corpora perfecte elastica eadem vi sese in pristinam figuram restituunt, qua compressa fuere; hoc est, vis restitutiva æqualis est vi compressivæ, ac proinde vi qua corpora ad se se accedebant ante impactum æquipollet; sed per vim hanc restitutivam cogantur corpora à se invicem discedere, unde vis hæc in eadem corpora agens producet velocitatem relativam æqualem ei quam prius habebant, seu faciet ut corpora eadem velocitate à se invicem recedant qua prius accessere. Q. E. D.

Cor. Æqualibus igitur temporibus ante & post impulsus sumptis, æquales erunt corporum à se invicem distantie, & proinde æquales quoque erunt in iisdem temporibus distantie corporum à communi gravitatis centro.


Ex hoc corollario regulæ congressuum in corporibus perfecte elasticis facile eruuntur, quod igitur in sequenti problemate præstandum est.

PROBL. III.

Corporum perfecte elasticorum & directe impingentium regulas congressuum determinare.

Omnes hujus problematis casus eadem operâ constructos dabimus. Sint A & B duo corpora perfecte elastica, quorum commune gravitatis centrum sit C, & ponantur corpora concurrere in D, fiat C E æqualis C D; dico post concursum rectam E A exponere velocitatem corporis A ab E versus A, & rectam E B exponere velocitatem mobilis B ab E versus B.

Dem.



Dem. Cum (per theor. 18.) commune corporum gravitatis centrum ante & post impulsum eadem semper velocitate uniformiter progreditur, in tempore z quali ei quo percurritur à corpore A longitudo Aa vel à centro gravitatis C longitudo Ca , post impulsum ab eodem C percurritur longitudo Dk , ipsi Ca & Dk æqualis; fiat Ka æqualis Ca : cum vero (per cor. præcedentis theor.) æqualibus temporibus ante & post impactum sumptis, æquales semper sunt corporum à communi gravitatis centro distantie; quo temporis puncto commune gravitatis centrum est in K , corpus A reperietur in a , adeoque post impulsum erit ipsius motus à D versus a , & ejus velocitas erit ut recta Da , quæ ab ipso in eo tempore percurritur; sed ob CE æqualem rectæ CD vel KD , & Ca æqualem Ka , erit æquale statum CE , Ca differentia æqualis differentie rectarum KD, Ka , hoc est, erit Ea æqualis Da ; sed recta Da denotat corporis A velocitatem post impulsum, quare ejus velocitas per rectam Ea quoque denotabitur; præterea cum velocitas corporum relativa ante & post impulsum eadem manet, & recta Ea denotat velocitatem mobilis A, velocitas mobilis B post impulsum necessario per rectam Eb denotabitur; ab E scilicet versus B.

Cor. 1. Si corpus B quiescat, coincidet punctum D cum B , ut in tribus figuris primis: & quia est B ad A ut AC ad CB , erit componendo B & A simul ad A ut AB ad CB ; unde duplicando consequentes erit B & A simul ad $2A$ ut AB ad $2CB$ vel Eb ; hoc est, ut corporum aggregatum ad duplum corporis impingentis, ita celeritas impingentis ante contactum ad celeritatem prius quiescentis post contactum.

Cor. 2. Adeoque si A & B æqualia sunt, erit $A \& B = 2A$, unde Eb celeritas corporis B post contactum erit æqualis AB celeritati corporis A ante contactum; & prout coincidente puncto E cum puncto A , erit

A E

A E velocitas mobilis A post impulsum nihilo æqualis; quod etiam facile sic ostenditur, ob corpora A & B æqualia erit $AC = CB = GD = CE$, quare coincidit punctum E cum A, & proinde mobile A post impulsum quiescet, & corpus B post impulsum movebitur cum celeritate E B, vel A B. Si igitur corpus elasticum in alterum quiescens & æquale impegerit, post contactum quiescet impingens, & quiescens cum prioris celeritate movebitur.

Cor. 3. Si corpora A & B æqualia versus eandem partem ferantur (ut in fig. 4.) post contactum ad eandem quoque partes ferentur, celeritatibus permutatis, nam ob $CE = CD$ & $AC = CB$ erit $CE - AC$, hoc est $EA = CD - CB$ seu BD , adeoque velocitas corporis A post impactum æqualis erit velocitati mobilis B ante impactum; præterea quia $EA = BD$ erit $EB = AD$, & proinde velocitas corporis B post contactum prioris A velocitati ante occursum æqualis erit.

Cor. 4. Si corpora A & B æqualia ad contrarias partes ferantur, (ut in fig. 10.) post impulsum ad contrarias partes recedent, celeritatibus permutatis. Nam ob $AC = CB$ & $CE = GD$ erit $AC - CE$, hoc est, $AE = CB - CD$ seu BD , adeoque velocitas corporis A post impactum æqualis erit velocitati corporis B ante impactum; præterea ob $EA = BD$ erit $AD = EB$, sed AD erat velocitas corporis A ante occursum, & EB est velocitas corporis B post occursum, unde liquet corollarium.

Quoniam in praxi calculus semper est adhibendus, convenit ut modus tradatur, quo celeritates corporum elasticorum post impulsum sunt investigandæ, & ad numeros reducendæ, & quidem facile esset ad modum superiorum corollariorum omnes particulares casus ex generali exposita constructione ad numeros revocare; facillime autem generalis calculus sic eruitur.

Ponamus primum corpora A & B versus eandem partem moveri, sitque C velocitas insequentis A, præcedentis

denis vero B velocitas fit c ; unde velocitas corporis
relativa erit $C - c$, & summa motuum versus eam
partem $AC + Bc$; velocitas corporis A post impactum
versus eandem qua prius plagam vocetur x ; & eadem



D

manet cor-
porum velocitas relati-
va ante & post impactum
velocitas corporis B
 $x + C - c$, est ergo
velocitas corporum
relativa æqualis ex
velocitatis qua velo-
tas corporis celerioris

superat velocitatem tardioris, adeoque excessus ille de-
bet esse $C - c$; cum vero velocitas corporis A fit
erit ejus motus versus plagam D, Ax ; & cum veloci-
tas corporis B fit $x + C - c$ erit ejus motus versus ean-
dem partem $Bx + BC - Bc$; & horum motuum sum-
ma æqualis erit summa priorum motuum, hoc est, erit
 $Ax + Bx + BC - Bc = AC + Bc$; unde reducen-
do hanc æquationem, erit $Ax + Bx = AC - BC +$

$$2 Bc \text{ \& } x = \frac{AC - BC + 2Bc}{A + B} = \text{velocitati corporis A}$$

$$\begin{aligned} \text{Porro velocitas corporis B est } &= x + C - c \\ \frac{AC - BC + 2Bc}{A + B} + C - c &= \frac{AC - BC + 2Bc + AC + BC - A - Bc}{A + B} \\ &= \frac{2AC - Ac + Bc}{A + B} \end{aligned}$$

Si BC sit major quam $AC + 2Bc$, erit x seu
 $\frac{AC - BC + 2Bc}{A + B}$ quantitas negativa, adeoque velocitas

corporis A erit versus contrariam partem, & ejus mo-
tus versus D erit negativus. Si corpus B quiescat, hoc
est, si sit $c = 0$, erit velocitas corporis A post impul-
sum $+\frac{AC - BC}{A + B}$ prorsum aut retrorsum prout signum
+ aut - prævaluerit.

Si

Si corpora A & B celeritatibus C & c, versus contrarias partes lata, sibi mutuo directe impingant, erit ipsorum motus versus eandem partem $A C - B c$; & velocitas corporum relativa erit $C + c$. Sit jam x velocitas corporis A post impactum; erit ejus motus versus eandem qua prius plagam $A x$, & velocitas corporis B erit $x + C + c$, (nam velocitas corporum relativa per ictum non mutatur) & motus in corpore B versus B erit $B x + B C + B c$; unde summa motuum versus eandem partem, erit $A x + B x + B C + B c$, quæ (per theor. 14.) æqualis erit $A C - B c$, adeoque erit $A x + B x = A C - B C - 2 B c$ & $x = \frac{A C - B C - 2 B c}{A + B}$


& velocitas corporis B erit $\frac{A C - B C - 2 B c}{A + B} + C + c$
 $= \frac{A C - B C - 2 B c + A C + A c + B C + B c}{A + B} = \frac{2 A C + A c - B c}{A + B}$

Si $B C + 2 B c$ sit major quam $A C$, erit motus corporis A retrorsum versus contrariam scil. partem; in quo casu erit x seu $\frac{A C - B C - 2 B c}{A + B}$ quantitas negativa.

Corporum duorum leges primus quod sciam recte tradidit *Joannes Wallisius* hujus Academiæ in Cathedra Geometriæ Saviliana celeberrimus Professor, in Transactionibus Philosophicis numero 43 ubi etiam primus veram causam reflectionum in aliis corporibus aperuit, & has ab elasticitate proficisci docuit. Postea, non longo temporis intervallo, clarissimi viri Dominus *Christophorus Wren* tunc temporis in hac Academia Astronomiæ Professor Savilianus, & Dominus *Christianus Hugenius* leges, quas observant corpora perfecte elastica, Societati Regiæ Anglicanæ seorsim impertivere, & eandem prorsus constructionem dederunt, quamvis uterque quid ab altero factum de hac re fuit, igneus erat. Cum autem ipsi constructiones & leges suas absque demonstratione in Philosoph. Transact. consignarunt; pla-

cuius hanc ipsorum elegantem admodum constructionem
extens deponere & demonstrare.

Non dissimili methodo construitur problema in cor-
poribus quidem elasticis, sed quæ non se restitunt eadem
vi qua comprimuntur. Sint enim duo quæcunque cor-
pora A & B, quorum commune gravitatis centrum sit C;



Quod si vis restitutiva æqualis sit uti compressione,
coincidet punctum C cum A, & constructio redit ad
præterit. Demonstratio facilis est præcedentem intelli-
genti, nec opus est ut apponatur.


Quod si vis restitutiva æqualis sit uti compressione,
coincidet punctum C cum A, & constructio redit ad
præterit. Demonstratio facilis est præcedentem intelli-
genti, nec opus est ut apponatur.

THEOREMA XXIV

Si mobile A in recta A B uniformiter movea-
tur, & interea recta linea illa (A B) sibi sem-
per parallela, motu etiam æquali defera-
tur secundum directionem ad A C paralle-
lam, sitque velocitas mobilis A ad veloci-
tatem lineæ A B, ut A B ad A C, & complea-
tur parallelogrammum A B D C, cuius dia-
gonalis sit A D. erit hæc vera linea à mo-
bili A motu suo descripta.

Cum linea AB ad sumum a pervenerit, sit g locus mobilis A, & quia (per theor. 5.) spacia sunt des-

cripta sunt ut velocitates, erit $a g$ longitudo à mobili A percurfa ad A a longitudinem à linea AB percurfam, ut velocitas mobilis A ad velocitatem rectæ AB, hoc est, (ex hyp.) ut AB ad AC; unde parallelogrammum a G simile erit parallelogrammo CB, & proinde (per 24. El. 6.) punctum g in diagonali AD locabitur, hoc est, corpus A semper in recta AD reperietur, adeoque hæc linea ab illo percurratur. Q. E. D.



Cor. 1. Eodem tempore describunt à mobili A lineæ AD, quæ absque motu secundum AC lineam AB percurreret, aut quo absque motu secundum AB describeret rectam AC.


Cor. 2. Cum mobile ideo in recta AD deferatur, quod præter motum proprium participat quoque de motu loci sui seu rectæ AB, & motus ejus ex utroque compositus sit; si mobile aliquod motus secundum directiones AB, AC simul impressos habeat, sintque motus illi vel vires à quibus producantur ut rectæ AB AC, erit AD linea à mobili descripta, quod à duabus hisce viribus motus impressos recepit, & ejus vis, qua in recta AD fertur, erit ad priores secundum AB AC ut diagonalis AD ad latera parallelogrammi ABAC.

Cor. 3. Hinc è converso, si mobile cum vi ut AD percurrat rectam AD, idem erit motus & secundum

eandem directionem, ac si initio motus simul impelleretur à duabus viribus rectis AB, AC , proportionibus, secundum directiones ab A ad B & ab A ad C , quæ hinc motus quivis, et si in se simplex, tangens pluribus motibus compositus considerari potest, & nec quilibet in alias plures secundum diversas directiones agentes resolvi possunt.

THEOR. XXVI.

Si corpus A in firmum obicem DC oblique impingat, erit energia percussionis, seu magnitudo ictus obliqui ad magnitudinem ictus



quem produceret idem corpus eadem celeritate perpendiculariter impingens, ut sinus anguli incidentiæ ACD ad radium.


Ab A in obicem dimittatur perpendicularis AD , si superficies obicis sit plana; vel si curva, dimittatur perpendicularis in planum tangens obicem in puncto incidentiæ C , & completus rethangulus DB . Jam per

corol.

corpus prædictum motus corporis A ut A C in recta
 A C æquipollet duobus motibus simul impressis secun-
 dum directiones A B & A D, qui sunt ad motum in A C
 ut tresse A B, A D ad A C; sed motui in recta A B
 nullo modo resistit obex D C, cum enim A B sit ad
 D C parallelus, corpus in recta A B motum in obicem
 D C nunquam impinget; vis igitur, qua impingit in
 obicem, est ut recta A D; est itaque vis corporis A
 in recta A C, ad vim, qua impingit in obicem, ut A C
 ad D C; sed si perpendiculariter cum vi ut A C im-
 pinguet in eundem, ictus magnitudo per A C repre-
 sentaretur, motus enim totus per obicem destrueretur:
 quare erit magnitudo ictus obliqui ad magnitudinem
 ictus perpendicularis ut A D ad A C; hoc est, posito
 A C radio, ut sinus anguli incidentis ad radium.

THEOR. XXVII.

Si corpus perfecte elasticum in firmum obicem
 oblique impingat, ab illo ita reflectetur,



ut angulo incidentis æqualis fit angulus re-
 flectionis.

Incidat corpus A perfecte elasticum in firmum obi-
 cem oblique secundum lineam A B; dico corpus illud
 cum

cum eadem celeritate ita in recta BC reflecti, ut angulus incidentiæ ABD æqualis sit angulus reflectionis QDE . Recta AB exponat motum corporis A in directione AB ; (per coroll. 3 theor. 25.) resolvitur hic motus in alios duos secundum directiones AE , AD , qui sunt ad motum in AB ut AB ad AE , AD ; sed cum AE est ad superficiem obicis parallela, & AD ad ipsam vel saltem ad planum obicem in C tangens perpendicularis, vis illa, qua impingit in obicem, est ea solummodo quæ est ut AD secundum directionem ad obicem perpendiculararem agens, fiat jam BE æqualis & parallela ipsi AD , & BF æqualis DB vel AE , & compleatur rectangulum $E.F.$, quod erit per omnia simile & æquale rectangulo DE . Cum igitur motus ut AE secundum directionem ad obicem parallelam per ictum non destruitur, quippe huic motui obex non est contrarius, post impulsum ad B permanet in corpore vis ut AE vel BF movendi secundum directionem BF ; sed ex natura elasticitatis corpus, cum vi ut EB secundum directionem EB , in obicem impingens eadem vi secundum eandem directionem reflectitur; motus igitur corporis ad punctum incidentiæ B componitur ex motu ut BF secundum directionem BF , & motu ut BE secundum directionem BE ; quare (per coroll. 2 theor. 25.) corpus in recta BC cum vi ut BC movebitur; sed ob AD , CF æquales & parallelas, item ob DB , BF & angulos ad D & B æquales, erit angulus CBF æqualis angulo ADB , hoc est, angulo incidentiæ æqualis erit angulus reflectionis QED .

PROBL. IV.

Corporum oblique impingentium post ictum sum determinare motus.


Movetur corpus quocunque A & B in lineis ad se invicem inclinatis AC , BC , quarum longitudines respective

nem ad AG parallelam cum velocitate ut AG , si CM aequalis AG , & compleatur rectangulum LM ; in hujus diagonalis CN movebitur corpus A post impactum cum velocitate ut CN , ut patet (per coroll. theor. 25.) & similiter determinabitur motus corporis post impulsam. $Q. E. F.$

THEOR. XXVIII.

Si mobile A à tribus potentiis ope trium florum trahatur, vel alio quocunque modo urgeatur secundum directiones AB , AE , AC , ita ut hæ tres potentie sibi mutuo æquipollent; hoc est, binæ quævis alterius effectum destruant, & corpus per nullam ipsarum moveatur, potentie illæ inter se eandem rationem habebunt cum rectis tribus ad ipsarum directiones parallelis & à mutuo concursu terminatis.

Exponat AD potentiam seu vim qua mobile A urgedur ab A versus B ; vis huic æquipollens seu æqualis




& corpus contrarie ab A versus D urgens etiam per AD exponetur; sed (per cor. 3. theor. 25.) vis ab A versus D corpus impellens æquipollet duabus secundum

dum directiones $A C$, $A E$ agentibus, ad quas vis prior, ab A versus D agens, est ut $A D$ ad $A C$, & $A E$ vel $C D$ respective; & vicissim vires, secundum rectas $A C$, $A E$ agentes & vi corpus ab A versus D urgenti simul æquipollentes, debent esse ad vim eandem secundum $A D$ ut $A C$ & $A E$ vel $C D$ ad $A D$, quare etiam vires secundum rectam $A C$, $A E$ agentes & æquipollentes vi, qua corpus ab A versus B urgetur, ejusque effectum destruentes debent esse ad eandem ut $A C$, $C D$ ad $A D$; hoc est, si idem mobile à tribus potentiis sibi mutuo æquipollentibus secundum directiones $A B$, $A C$, $A E$ urgetur, erunt hæ tres potentie ut rectæ $A D$, $A C$, $C B$ respective. Q. E. D.

Cor. 1. Cum in triangulo quovis latera sunt ut sinus angulorum oppositorum, erit $A C$ ad $C D$ ut sinus anguli $A D C$ vel $D A E$ ad sinum anguli $D A C$; unde quævis duæ potentie sunt inter se reciproce ut sinus angulorum, quos linee directionum cum linea directionis tertie potentie continent. Est præterea $A D$ ad $A C$ ut sinus anguli C vel $C A E$ ad sinum anguli $C D A$ vel $D A E$; & similiter potentia secundum $A B$ agens est ad potentiam secundum $A E$ ut sinus anguli $C A E$ ad sinum anguli $C A D$.

Cor. 2. Si pondus B duæ potentie $R S$ filorum ope secundum rectas $A R$, $A S$ trahentes sustineant, punctum A à tribus potentiis urgetur, quarum duæ secundum directiones $A R$, $A S$ agunt, & altera est vis gravitatis ponderis B , agens secundum rectam $A B$ ad terram perpendicularem; unde erit potentia R ad vim gravitatis ut $A C$ ad $A D$, vel ut sinus anguli $D A E$ ad sinum anguli



vitae secundum directionem BE ad CD perpendicularem agens, secunda est potentia R corpus trahens secundum directionem BR ad AC parallelam, tertiae autem potentiae supplet vicem resistentia seu contranitentia plani secundum lineam BH sibi perpendicularem agens; nam reactio actioni semper est æqualis & fit in plagam contrariam, cumque planum perpendiculariter a mobili prematur secundum directionem BF, planum æqualiter reaget in corpus secundum directionem BH, & contranitentia illa æquipollet potentiae secundum BH mobile urgenti; cumque hæ tres potentiae sunt sibi mutuo in æquilibrio & mobile ab ipsis sustinetur, si ducatur FG ad EB parallela, rectæ AC occurrens in G, erit potentia R ad vim gravitatis ut BG ad FG (per præcedens theor.) sed ob triangulum CFG rectangulum & dimissam in basim CG perpendicularem FB, est (per 3. El. 6.) ut BG ad FG ita FG ad GC, & ut FG ad GC ita (per 4. El. 6.) erit AD ad AC; quare est potentia R ad vim gravitatis ut AD ad AC, vel ut sinus inclinationis plani ad radium. Potentia igitur aliqua potest grave in plano inclinato sustinere, modo potentia illa sit ad pondus gravis ut sinus inclinationis plani ad radium. Q. E. D.

Cor. 1. Cum potentia R impediatur descensum gravis in plano AC, & ejus momento, quo in illo descendere nititur, æquipollet, sequitur gravis cujusque vim descendendi in plano inclinato esse ad vim qua descendere conatur in perpendiculo, ut sinus inclinationis plani ad radium.

Cor. 2. Hinc etiam plani inclinatio talis assignari potest, ut super illud quantulacunque potentia pondus quodcunque magnum sustinere vel etiam elevare potest.

CLARISSIMI HUGENII
THEOREMATA
 DE
VI CENTRIFUGA

Et Motu Circulari demonstrata.


SEQUENTIA Theoremata ab illustri Authore ineunte anno 1672. edita, ad calcem eruditissimi operis de Horologio Oscillatorio extant, ubi nuda solummodo Theoremata demonstrationes alio tempore traditurus proponit Author. Ipso autem per septennium mortuo, cum nulla jam amplius restat spes illius demonstrationes in lucem prodituras esse; opus Reipublicæ philosophicæ haud ingratum facturum videor, si alias demonstrationes Huguenianis forte haud dissimiles tradam, quibus præclara hæc inventa ultra dubium posita in naturalis scientiæ incrementum feliciter cedant.

DEFINITIO.

VIS centrifuga est vis illa, qua mobile quodcumque circa punctum aliquod ut centrum revolvens à centro illo recedere conatur. Nam
 cum

eum, juxta satis notam naturæ legem, corpus omne semel motum secundum eandem rectam semper uniformiter progredi nitatur, patet nullum mobile posse orbitam aliquam motu suo describere nisi vi aliqua in orbita illa detineatur; ideoque oportet, ut vis illa, quæ centrum respicit, sit æqualis vi per quam à centro recedere nititur.

E.g. Describat mobile aliquod orbitam $A C E$, quod ubi ad A pervenit, destructa vi illa qua in orbita detineatur, progrediretur secundum tangentem $A B$, & in tempore aliquo minimo per $A B$ rectam minimam designato ab orbita sua recederet per spatium $B C$. Unde necesse




est, si mobile in eodem tempore arcum minimum AC describeret, ut vis, qua urgetur in A versus centrum D , faciat ut secundum directionem AD progrediens moveretur per spatium æquale BC , ac proinde vis centrifuga vi centripetæ erit semper æqualis. Atque hinc sequitur tam vim centrifugam quam centripetam esse lineolis BC ; bc in minimo dato tempore nascentibus
propor-

proportionales, & rite posse per tales rectas repræsentari. Quare quæcunque Cl. *Newtonus* (in Philosophia sua Natur. prop. 4. & ejus Corollariis) de Vi Centripeta demonstravit, eadem omnia possunt vi centrifugæ applicari. Atque inde quatuor prima sequentia Theoremata facile fiunt, illarum tamen demonstrationes libet apponere.

L E M M A.

In circulo subtenſæ anguli contactus evanescen-
tes five infinite parvæ sunt in duplicata ra-
tione arcuum conterminorum.

Sint arcus illi $A C, A c$, subtenſæ ad tangentem per-
pendiculares, $B C, b c$; ducatur diameter $A D$, & ad



diametrum perpendiculares $C m, C n$; & erit $B C : b c :: A m : A n :: A m \times A D : A n \times A D$. Est vero (per 8. El. 6.) $D A : A C :: A C : A m$, & $D A : A c :: A c : A n$; quare erit $D A \times A m = A C q$ & $D A \times A n = A c q$, quare est etiam $B C : b c :: A C q : A c q$. Q.E.D.

Cor. Hinc est $B C = \frac{A C q}{D A}$.


*Hoc lemma in omnibus curvis primi generis universa-
liter demonstravit egregius Newtonus.*

T H E O R.

THEOR. I.

Si duo mobilia æqualia æqualibus temporibus circumferentias inæquales percurrant; erit vis centrifuga in majori circumferentia ad eam quæ in minore, sicut ipsæ inter se circumferentiæ vel earum diametri.

Percurrat mobile A circumferentiam ACH, & eodem tempore mobile a circumferentiam acb, sinque AC, ac, arcus minimi simul descripti. Quia utque periphæria æquali tempore percurritur, arcus illi



erunt similes, & proinde figura ABC similis erit figuræ abc; quare $BC : bc :: AC : ac :: \text{periph. } ACH : \text{periph. } acb$. Sed constat ex superiore definitione esse vim centrifugam mobilis A ad vim centrifugam mobilis a ut BC ad bc. Quare erit vis centrifuga mobilis A ad vim centrifugam mobilis a ut periph. ACH ad periph. acb, sive ut illius diameter ad diametrum hujus. Q. E. D.


Cor. Hinc vice versa si vires centrifugæ sint ut diametri, tempora periodica erunt æqualia.

THEOR.

THEOR. II.

Si duo mobilia æqualia æquali celeritate ferantur in circumferentiis inæqualibus, erunt eorum vires centrifugæ in ratione contraria diametrorum.

Sint AC , ac arcus minimi simul descripti, qui ob æqualem in utroque mobili velocitatem, æquales erunt; fiat arcus Am similis arcui ac & ducatur Lm ad BC parallela; & erit vis centrifuga in majori circumferen-



tia ad eam quæ est in minore ut lineola nascenti BC ad nascentem bc ; Sed est BC ad bc in ratione compositâ ex BC ad Lm & Lm ad bc , & ex præcedente lem-mate est BC ad Lm ut ACq ad Amq , & est Lm ad bc ut Am ad ac vel AC . Quare erit $BC:bc::ACq:Amq+Am:ac::ACq:Amq+Amq:Am \times ac::ACq$ vel $acq:Am \times ac::ac:Am$, hoc est, ut tota periph. acb ad totam periph. ACH , sive ut diameter ab ad diametrum AH . Q. E. D.

Z

THEOR.

THEOR. III.

Si duo mobilia æqualia in circumferentiis æqualibus ferantur, sed utraque motu æquali (qualem in his omnibus intelligi volumus) erit vis centrifuga velocioris, ad vim tardioris in ratione duplicata celeritatum.

Sunt enim vires centrifugæ ut subtenfæ evanescentis anguli contactus, (quæ per hæcenus demonstrata) in eodem vel æqualibus circulis sunt in duplicata ratione arcuum conterminorum, sed arcus contermini, cum sint spatia simul descripta, sunt ut velocitates, quare vires centrifugæ sunt in duplicata ratione velocitatum. Q.E.D.

THEOR. IV.

Si mobilia duo æqualia in circumferentiis inæqualibus circumlata, vim centrifugam æqualem habuerint; erit tempus circuitus in majori circumferentia, ad tempus circuitus in minori in subdupla ratione diametrorum.

Sint AC, ac , arcus minimi simul descripti; (vide fig. Theor. 2) quia vires centrifugæ æquales sunt, erit $BC = bc$. Dicatur tempus quo describitur periph. ACH, T , & tempus quo describitur periph. ac, t ; fiat arcus Am similis arcui ac , & ponamus mobile aliquod eodem tempore percurrere circumferentiam $ACHA$ quo pereurretur circumferentia $acba$; & in eo casu arcus in utraque periphæria simul descripti erunt Am, ac , sed est velocitas mobilis in dato aliquo tempore pereurrentis arcum Am , ad velocitatem mobilis eodem tempore pereurrentis arcum AC , ut arcus Am ad arcum AC , adeoque cum tempus quo per-

dem

dem peripheria percurritur est semper reciproce ut velocitas, erit $T : t :: A m : A C$ & $T^2 : t^2 :: A m q : A C q :: m l : B C :: m l : b c$ hoc est ob arcum $A m$ similem arcui $a c$ ut diameter $A H$ ad diametrum $a h$ quide constat esse $T : t :: \sqrt{A H} : \sqrt{a h} : Q. E. D.$

(2) *Schol.* Cum in omni casu est vis centrifuga ad vim centrifugam ut $B C$ ad $b c$, est vero $B C = \frac{A C q}{A H}$ & $b c =$

$\frac{a c q}{A H}$ erit vis centrifuga ad vim centrifugam ut $\frac{A C q}{A H}$ ad $\frac{a c q}{A H}$, hoc est, ut quadrata arcuum simul descriptorum ad circulorum diametros applicata, & cum arcus illi sunt ut velocitates, erunt vires centrifugæ etiam ut velocitatum quadrata ad circulorum diametros applicata.

LEMMA 2.

Si mobile in circumferentia circuli revolvat, spatium, quod mobile recta progrediens & urgente solummodo vi centrifuga ex motu illo circulari orta, in dato tempore percurreret, erit tertium proportionale circuli diametro & arcui, quem in circumferentia circuli revolvens eodem tempore describeret.

Sic $A C$ arcus quilibet in minima aliqua temporis particula descriptus, & designet n tempus quodlibet seu numerum quemlibet istiusmodi particularum, erit $n \times A C$ arcus quem mobile in peripheria revolvens in dato tempore n describet, & $B C$ spatium quod in prima temporis istius particula, urgente vi centrifuga, percurreret. Cum autem mobile omnia vi eadem in eandem semper plagam continuata, describat spatia in duplicata ratione temporum (per cor. 3. theor. 12. lect. 11. quippe quæcumque de gravitate demonstrata sunt, ea cuilibet alii vi uniformiter agenti applicari possunt) erit spatium urgente vi centrifuga in tempore n descriptum $= n^2 \times B C$. Sed (ut

constat ex lemmate primo) est $AH : AC :: AC : DG$ & ut AC ad BC ita $n \times AC$ ad $n \times BC$; quoniam est AH ad AC ut $n \times AC$ ad $n \times BC$, & duces utroque sequentes in n , erit AH ad $n \times AC$ ut $n \times AC$ ad $n \times BC$, hoc est, diameter circuli, arcus in dato tempore descriptus, & spatium quod urgente vi centrifuga in eodem tempore percurreretur sunt continue proportionalia. Q. E. D.

Cor. Si diameter circuli dicatur D , & arcus in quolibet tempore à revolvente mobili descriptus vocetur A , spatium quod urgente vi centrifuga eodem tempore describeretur erit $\frac{A^2}{D}$; sunt enim $D, A, \frac{A^2}{D}$ continue proportionales.

THEOR. V.

Si mobile in circumferentia circuli feratur ea celeritate quam acquirit cadendo ex altitudine quæ sit quartæ parti diametri æqualis, habebit vim centrifugam suæ gravitati æqualem; hoc est, eadem vi funem, quo in centro detinetur intendit atque cum in eo suspensum est.

Vocet diameter circuli D , & peripheria P ; & cum ex hypothesi velocitas mobilis in peripheria lati uniformis sit, & æqualis illi quam acquirit cadendo per $\frac{1}{4}D$, liquet quod mobile æquali tempore in peripheria revolvens describeret arcum illius duplo æqualem, per theor. 12. Lect. 1. hoc est $\frac{1}{2}D$; unde ex lem. 2. spatium ab impellente vi centrifuga interea percursum erit $\frac{1}{4}D$; est enim D ad $\frac{1}{4}D$ ut $\frac{1}{4}D$ ad $\frac{1}{16}D$; sed ex hypothesi spatium quod mobile urgente vi gravitatis eodem tempore describit est etiam $\frac{1}{4}D$. Quare cum spatia à duabus hisce viribus eodem tempore percurra sunt æqualia, erunt quoque vires illæ æquales.

Cor.

Cor. Hinc vice versa, si mobile in circumferentia latam patiat viam centrifugam suæ gravitati æqualem, ejus velocitas est ea quæ acquiritur cadendo per $\frac{1}{2} D$.

Cor. Hinc tempus circuitus est ad tempus descensus per $\frac{1}{2} D$ ut P ad $\frac{1}{2} D$ sive ut $2 P$ ad D . Nam quò tempore mobile cum velocitate accelerata percutit $\frac{1}{2} D$, eam velocitatem ultimam acquisita uniformiter motum percurrent $\frac{1}{2} D$: ac proinde cum velocitates sunt æquales, erunt tempora ut spatia percurta; hoc est, tempus, quo mobile percurrit peripheriam, est ad tempus quo describitur $\frac{1}{2} D$ ut P ad $\frac{1}{2} D$, sive ut $2 P$ ad D , sed tempus quo describitur $\frac{1}{2} D$ est = tempori casus per $\frac{1}{2} D$ unde erit tempus circuitus ad tempus casus perpendicularis per $\frac{1}{2} D$ ut $2 P$ ad D .

THEOR. VI.

In cava superficie conoidis parabolici, quod axem ad perpendicularum erectum habeat, circuitus omnes mobilis circumferentias horizonti parallelas percurrentis, sive parvæ, sive magnæ fuerint, æqualibus temporibus peraguntur: quæ tempora singula æquantur binis oscillationibus penduli, cujus longitudo sit dimidium lateris recti parabolæ genetricis.

Sit $HGADE$ conoides parabolicum, cujus axis AP ad perpendicularum erigitur; GD, HE , diametri circulatorum quorum peripherias horizonti parallelas mobile percurrit; quod igitur urgebitur à tribus potentis sibi mutuo æquipollentibus secundum tres diversas directiones, quarum prima est vis gravitatis impellens mobile secundum rectam HN ad horizontis planum perpendicularem, secunda est vis centrifuga orta ex motu circulari, mobile urgens ab H versus K ; tertiæ vero potentie supplet vicem resistentiæ seu contrarietatis superficiæ

cum peripheriam $G L D$ percurrit ut $B Q$ ad $B G$ five (ex natura parabolæ) ut $M P$ ad $B G$; erit ex æquo vis centrifuga mobilis peripheriam $H M E$ percurrentis ad vim ejus centrifugam cum percurrit peripheriam $G L D$ ut $H M$ ad $B G$; hoc est, vires centrifugæ sunt ut semidiametri vel diametri circulorum, unde (per Corol. theof. primi) tempora periodica æquantur. quod primo erat demonstrandum.

Accipiaturs jam circulus $G L D$ talis ut ejus diameter $G D$ sit æqualis lateri rectæ parabolæ $H A E$, unde ex natura parabolæ erit $G B = B Q$, adeoque vis centrifuga mobilis in periphæria $G L D$ æqualis erit vi gravitatis; est igitur (per cor. præcedentis) velocitas mobilis in periphæria $G L D$ ea quæ acquiritur cadendo per $\frac{1}{2} G D$ vel (ex natura parabolæ) per $B A$; fiat jam $O S T$ cyclois cujus axis vel diameter circuli generatoris $S R$ sit æqualis $A B$, & erit tempus descensus per cycloidem $O S$ ad tempus casus perpendicularis per axem $R S$ vel per $B A$ ut $\frac{1}{2} B A$ ad D per prop. 25. part. 2. *Horol. Oscil.* sed (per cor. præc.) est tempus descensus per $A B$ ad tempus circuitus in periph. $G L D$ ut D ad $2 P$, quare ex æquo tempus descensus per cycloidem $O S$ est ad tempus circuitus in periph. $G L D$ ut $\frac{1}{2} P$ ad $2 P$ five ut 1 ad 4 ; unde tempus quatuor descensuum per cycloidem, five tempus binarum oscillationum in cycloide, æquatur tempori circuitus in periphæria $G L D$. Est vero tempus binarum oscillationum in cycloide æquale tempori binarum oscillationum minimarum in circulo, qui cum cycloide æquicurvus est ad verticem S ; eo quod portio istiusmodi circuli & portio cycloidis ad verticem S fere coincidunt, & proinde eundem in rebus physicis præstant effectum, ut jam satis notum est. Sed radius circuli æquicurve cum cycloide ad verticem S , vel quod idem est radius circuli osculantis cycloidem ad verticem æqualis est duplæ $R S$ vel duplæ $A B$ (ut facile ex quinta & sexta propp. part. 3. *Horolag. Oscil.* sequitur) adeoque longitudo penduli in circulo illo oscillantis æqualis est duplæ

duplex AB five dimidio lateris recti parabolæ generatæ. Unde tempus oscillationum minimarum penduli, cuius longitudo est, dimidium lateris recti æquale est tempori binarum oscillationum in cycloide OST vel tempori circuitus in peripheria GLD vel in periph. HME Q. E. D.

Cor. Hinc si mobile in circumferentia circuli ea celeritate feratur quæ acquiritur cadendo per $\frac{1}{2}$ diametri, tempus circuitus æquale erit tempori binarum oscillationum minimarum penduli cuius longitudo sit semidiameter circuli.


THEOR. VII.

Si mobilia duo ex filis inæqualibus suspensa gyrentur ita ut circumferentias horizonti parallelas percurrant, capite altero fili immoto manente, fuerint autem conorum, quorum superficies fila hoc motu describunt, altitudines æquales, tempora quoque circulationum æqualia erunt.

Sit ABE conus ille, cuius superficiem describat filum AB; item ADL conus cuius superficiem describat filum AD; sitque C centrum basis utriusque conus, & AC communis eorum altitudo. Consideretur jam mobile B tanquam à tribus potentiis sibi mutuo æquipollentibus tractum, quarum una, quæ est vis gravitatis, trahit mobile per rectam BG ad horizontis planum perpendicularem, altera, secundum directionem Bm agens, est vis centrifuga qua mobile à centro sue orbitæ C recedere conatur, tertia vero quæ, hisce duabus æquipollet & resistit, est contranitentia fili secundum directionem AB agens, est enim resistentia fili loco potentie contrariæ ac eundem in hoc casu præstat effectum. Si ergo BF representet actionem fili, vis mobilis centrifuga & vis gravitatis exponentur per rectas

FG

& B G (per theor 28. Lect. 14.) hoc est, vis centrifuga mobilis B erit ad vim gravitatis ut FG ad BG, (propter triacula æquiangula FBG, ABC,) ut



ad C A. Eodem modo erit vis gravitatis ad vim centrifugam mobilis D ut A C ad D C: quare ex æquo vis centrifuga mobilis B ad vim centrifugam mobilis D ut B C ad D C, hoc est, vires centrifugæ sunt ut idiametri circulorum quorum circumferentiæ motu describunt, ac proinde (per cor. Theor. 1.) temporum circulationum sunt æqualia. Q. E. D.


Cor. Hinc vis centrifuga est ad vim gravitatis ut semidiameter basis coni ad coni altitudinem.

Not. per vim gravitatis & vim centrifugam nos in demonstratione intelligere vires acceleratrices motuum, nisi mobilia ponantur æqualia in quo casu possunt etiam sumi vires absolutæ.

THEOR. VIII.

Si duo mobilia, uti prius, motu conico gyrentur, filis æqualibus vel inæqualibus suspensa fuerintque conorum altitudines inæquales, erunt tempora circumlationum in subduplicata ratione ipsarum altitudinum.

Sint duo mobilia B & G, lintque primo cono A BD, E G H, quorum superficies fila describant, similes; (per cor. Theor. 7.) erit vis centrifuga mobilis B ad vim gravitatis ut BC ad AC; & erit vis centrifuga mobilis G ad eandem vim gravitatis ut GF ad FE, sed pro-




pter æquiangula triangula ABC, GEF, BC est ad AC ut GF ad FE, quare erit vis centrifuga mobilis B ad vim gravitatis ut vis centrifuga mobilis G ad eandem vim gravitatis, ac proinde vires illæ centrifugæ æquales erunt; erunt igitur (per Theor. 4.) tempora circuitus mobilium in subduplicata ratione semidiametrorum, hoc est, propter æquiangula triangula ABC, GEF, in subduplicata ratione altitudinum AC & EF. Sed qualescunque sunt cono quos fila describant, modo eorum altitudines invariatae maneant, tempora

pora circulationum etiam invariata manebunt; quare in omni casu constat veritas hujus Theorematis. Q. E. D.

THEOR. IX.

31 pendulum motu conico latum circuitus minimos faciat; eorum singulorum tempora ad tempus casus perpendicularis ex dupla penduli altitudine eam rationem habent, quam circumferentia circuli ad diametrum: ac proinde æqualia sunt tempora duarum oscillationum lateralium ejusdem penduli minimarum.

Sit A DB conus cujus superficiem describit filum, ejus altitudo sit A c fere = A B, quia circuitus sunt minimi. Semidiametro GH = A c describatur circulus GLFO, atque in ejus peripheria ponatur mobile revolutum celeritate quæ acquiritur cadendo per $\frac{1}{2}$ suæ



diametri sive $\frac{1}{2}$ D. (Per Theor. 5.) erit ejus vis centrifuga vi gravitatis æqualis, sed est vis centrifuga mobilis B ad vim gravitatis, ac proinde ad vim centrifugam mobilis in periph. GLF lat, ut B c ad A c sive HF: quare mobilium B & G cum vires centrifugæ sunt ut radii, tempora circulationum erunt æqualia (per cor.

Theor. 1.) Est vero tempus descensus per G F five D ad tempus descensus per $\frac{1}{2}$ D ut D ad $\frac{1}{2}$ D (per cor. 3. Theor. 12. Lect. 11.) & est tempus descensus per $\frac{1}{2}$ D ad tempus circuitus in periph. G L F ut $\frac{1}{2}$ D ad P; quare ex æquo erit tempus descensus per D ad tempus circuitus in periph. G L F five ad tempus circuitus penduli A B D ut D ad P. Pars posterior Theorematis liquet ex corollario theor. 6.

Cor. Hinc cum tempus casus perpendicularis est in subduplicata ratione spatii à gravi cadente percursi, erit tempus descensus ex altitudine penduli ad tempus circulationis minimæ ut $\sqrt{\frac{1}{2}} \times D$ ad P.

THEOR. X.

Si mobile in circumferentia feratur, circuitusque singulos absolvat eo tempore, quo pendulum longitudinem semidiametri circumferentiæ ejus habens, motu conico circuitum minimum absolveret, vel duplicem oscillationem minimam lateralem; habebit vim centrifugam suæ gravitati æqualem.


Quia mobilia B, G, (ex hyp.) æquali tempore circuitus suos absolvunt, (vide fig. theor. præc.) erit vis centrifuga mobilis B ad vim centrifugam mobilis G ut B C ad G H five B C ad A C ita vis centrifuga mobilis B ad vim gravitatis (per cor. Theor. 7.) quare (per 9. 5. *Euclidis*) erit vis centrifuga mobilis G æqualis vi gravitatis. Q. E. D.

THEOR. XI.

Penduli cujuscunque motu conico lati tempora circuitus æqualia erunt tempori casus perpendicularis, ex altitudine penduli filo æquali,
cum

cum angulus inclinationis fili ad planum horizontis fuerit partium 2. scrup. 54. proxime: exacte vero, si anguli dicti sinus fuerit ad radium ut quadratum circulo inscriptum ad quadratum à circumferentia ejus.

Sit pendulum, cujus filum describat superficiem conicam CAD talem, ut sit sinus anguli ACE ad radium (hoc est AE ad AC) ut $\frac{1}{2}D^2$ ad P^2 . Sit item AFG superficies conici quem penduli filum motu minimo lati describit, cujus proinde altitudo $AB = AE = AC$. Erit (per Theor. 8.) tempus circuitus mobi-



lis F ad tempus circuitus mobilis C in subduplicata ratione AB , sive AC ad AE ; est vero ut AC ad AE ita (ex hypoth.) P^2 ad $\frac{1}{2}D^2$, quare erit tempus circuitus mobilis F ad tempus circuitus mobilis C in subduplicata ratione P^2 ad $\frac{1}{2}D^2$, hoc est, in ratione P ad $\sqrt{\frac{1}{2}} \times D$. Est vero ut P ad $\sqrt{\frac{1}{2}} \times D$ ita (per cor. theor. 9.) tempus circulationis minimæ, hoc est, tempus circulationis mobilis F ad tempus casus perpendicularis ex penduli altitudine; quare tempus circuitus mobilis F eandem habet proportionem ad tempus circuitus mobilis C , quam habet ad tempus casus perpendicularis ex altitudine

altitudine æquali longitudinē penduli; ac proinde (per 9. El. 4.) tempus circuitus mobilis C æquale erit tempori casus perpendicularis ex altitudine æquali longitudinē penduli. Q. E. D.

Cum autem est P ad D circiter ut 314 ad 100, per 10⁴ ad $\frac{1}{2} D^2$ ut 98596 ad 5000. est autem A C ad A B ex prius demonstratis ut P^2 ad $\frac{1}{2} D^2$, quare est 98596 ad 5000 ut A C ad A E, & ut A C ad A E ita (per trigonometriam) est sinus anguli A E C seu radius 100000 ad sinum anguli A C E, est autem ut 98596 ad 5000 ita 100000 ad 5070, qui igitur est sinus anguli A C E cuius quædamproxime respondent gradus 2, scrupula 54.

THEOR. II.

Si pendula duo pondere æqualia sed inæquali filorum longitudine motu conico gyrentur, fuerintque conorum altitudines æquales, erunt vires, quibus fila sua intendunt, in eadem ratione quæ est filorum longitudinis.


Constat ex Theor. 7. Nam vis gravitatis est in utroque cono ad tensionem fili ut altitudo cono ad longitudinem fili; cumque eadem est conorum longitudo paræ tensiones filorum esse filorum longitudinibus proportionales. Q. E. D.

THEOR. XIII.

Si pendulum simplex oscillatione laterali maxima agitur, hoc est, si per totam circuli quadrantem descendat, ubi ad punctum imum circumferentiæ pervenerit, tripla majori vi filum suum trahet, quam si ex illo simpliciter suspensum foret.

Sit pendulum A B per quadrantem F B motum, bisecetur A B in C, per quod ducatur C E ad A B perpendicularis

perpendicularis circumferentiæ occurrens in E. Si pendulum solummodo per arcum E B descenderet, acquiret ad punctum B eandem velocitatem, ac si per C B amotum descendisset (per 8. prop. partis secundæ *Hu- de Fibrol Oscil.*) adeoque (per Theor. 5.) habebit in puncto B vim centrifugam suæ gravitati æqualem: ad præ gravitas & vis centrifuga simul junctæ dupla maiusculum trahent, quam si sola adesset gravitas. Si vero idulum elevetur ad F, post descensum ad B, eandem virescens velocitatem, ac si per A B cecidisset. Est vero 3 ad B C in duplicata ratione velocitatis acquisitæ in



descensu per A B ad velocitatem acquisitam in descensu B C, quare etiam erit A B ad B C (per Theor. 3.) vis centrifuga mobilis in puncto B post descensum F B ad vim centrifugam in puncto B post descensum tantum per E B, adeoque vis centrifuga mobilis post descensum per F B dupla erit vis centrifugæ post descensum per E B; hoc est, vis centrifuga in puncto B post descensum per F B dupla erit vis gravitatis; quare si à vi centrifuga & vi gravitatis simul & secundum eandem directionem agentibus tripla majori vi trahitur, quam si à sola gravitate tenderetur. Q. E. D.

FINIS.

ERRATA.

PAG. 8. *lin.* 10. *lege* divelli. *ibid.* *lin.* 11. *l.* demerforum. *p.* 34.
lin. 4. *l.* serici. *p.* 47. *lin.* 13. *l.* relicta longo post decessum. *ibid.*
lin. 25. *l.* indagator. *p.* 61. *lin.* 16. *l.* quiescentes. *p.* 64. *lin.* 10. *l.* transi-
gitur. *p.* 80. *lin.* 3. *l.* telas. *p.* 128. *lin.* *pennib.* *l.* impingant. *p.* 138.
lin. 18. *l.* moveretur. *p.* 141. *l.* determinandos. *p.* 152. *lin.* 7. *l.* illa-
tam. *p.* 175. *lin.* 6. *l.* illorum.

